

# WANTOK

NIUSPEPA BILONG OL PAPUA NIUGINI STRET

Ernst & Young audited/  
circulation 15,177

36 pes

Namba 874

Wik i stat long Fonde 4 Epril, 1991

40 toea

Jerry Nalau kisim nau gavman bihain long 7-pela yia wantaim oposisen

## Pangu kisim pawa long Morobe

MAN husat ol birua long wok politik i save kolim olsem "blak skin man wantaim waitpela gras" i kamap primia nau bilong Morobe provins.

Jerry Nalau husat i gat 50 krismas i bin wanpela namba wan patrol opisa taim ol

Bihain long 10-pela yia na Panqu Pati i tekova nau long Morobe provins. Jerry Nalau, lida bilong oposisen long 7-pela yia olgeta em ol i makim em primia long las Tunde. Ripota Haryine Joku i toktok wantaim "lapun waitgras bilong Finsafen" na kisim tingting bilong em long wanem kain plen em i gat long Morobe.

waitman i lukautim kantri. Em i no stat wok politik.

Wok bilong em i stat bihain long em i pinisim

skul long 1960 long Sogeri haikul. Mista Nalau i gat 21 krismas long dispela taim, na i gat bikpela laik long helpim ol bikpela.

"Mi laik kamap wanpela patrol opisa, long wok klostu wantaim ol pipel bilong mi, long stap namel long ol na ol edministreta bilong kantri husat i bin lukautim mipela. Ol dispela de em i hatwok tru long soim poto bilong Haus bilong Asembli, na skulim ol pipel olsem dispela em ples we ol lida bilong mipela i bung long kibung. Ol i askim mi sapos haus bilong asembli i bikpela olsem bokis masis. Bikos sais bilong haus bilong asembli long

poto i olsem bokis masis."

Jerry Nalau i bilong Finsafen, na i stat wok olsem wanpela pablik

sevan long Menyamya long 1963, bihain long em i greduet long wok bilong kamap Patrol Opisa long Finsafen. Ol i salim em i go wok long Menyamya taim em i gat 22 krismas. Long dispela taim yu bai wokabout long 4-pela ful de olgeta na

kamap long Menyamya.

Em i tok dispela taim nius long indai bilong John Kennedy bilong Amerika i kamap long ples, ol pipel bai i askim husat em dispela bikpela lida. "Em bikpela olsem yu?" ol i go moa long pes 2

## Spakbrus i no hait long lo



• Ol tripela yangpela man bilong ples Hofaga long Isten Hailans i no hait long ol liklik diwai nating long strongpela san. Long poto bilong ripota Sape Metta, ol tripela ya i autim sampela diwai spak brus long gaden bilong ol na bringim i kam ples klia long ai bilong ol plisman na sampela gavman opisa. Lukim stori long pes 4.

## Ombudsmen Komisin painimaut long rot ol memba i bin yusim NDF mani

SAM VULUM i raitim

OMBUDSMEN Komisin i go het nau long painimaut rot em insait long we ol nesanel memba i save bihainim long yusim Nesanel Dvelopment Fan (NDF) na ol narapela mani ol i kisim long Gavman.

Ombudsmen Komisina, Charles Maino i tok wanem samting ol i wokim nau em long traim na painimaut sapos ol pipel i bin kisim ol dispela mani em ol memba i kisim o nogat.

Mista Maino i tok dispela wok painimaut i karamapim mani bilong NDF, Iktorel Dvelopment Progrem (EDP), Edukesen na ol arapela liklik fan em ol memba i save rausim mani long en na yusim.

Dispela em wankain rot tasol Komisin i bin bihainim na painimaut olsem ol olpela memba Gabriel

Ramoi na Eserom Burege i bin paulim sampela mani bilong Gavman.

Mista Maino i tok long wok bilong ol, ol i traim long lukluk long olgeta memba bilong palamen. Na ol i no traim long bagarapim wanpela memba. Wanem samting ol i mekim i bihainim lo.

Em i tok bihain long ol i mekim wok painimaut, ol i no sasim ol memba. Ol i givim ol samting i go long han bilong Pablik Prosekyuta long sasim ol memba aninit long Lidasip Kod. Ol i mekim dispela aninit long Seksen 29 bilong konstitusen o mama lo.

Tasol em i tok sapos Pablik Prosekyuta i fel, Ombudsman Komisin i ken sasim ol memba. Tasol komisin bai i no inap mekim olsem long pawa bilong em yet. Em i makim opis bilong pablik prosekyuta long putim ol dispela sas long husat lida i rong.

### INSAIT

• Operesen Das kirap...pes 2

• 1990 senses tokaut long 3.5 milien pipel ...pes 2

• PM Dipatmen gat dinau...pes 3

• Nupela saksak faktori inap kamap...pes 4

• Nokondi Nama 3...pes 15

• Sandaun laikim jenerel wokas yunien... pes 10

• 8 pes Ragbi Lig Nius

### Isten Hailans amamas long nupela PPC

ISTEN Hailans i gat nupela provinsal plis komanda (PPC). Dispela man em Siev Inspekta Backley larume. Na em i rait man bilong stap long kain ples olsem long Hailans rijon.

Siev Inspekta larume i no wet taim em i go long Goroka wanpela mun i go pinis. Taim em i kamap tasol, em i mekim ol pipel i luksave olsem larume i stap. Kwiktait em i bungim olgeta plisman bilong em na go long tupela bikpela trabel eria bilong provins long Komperi na Kainantu.

Long dispela tupela eria, ol plisman i go long tupela viles na kukim planti haus na i go moa long pes 2

**TOYOTA**  
**HILUX**

PORT MORESBY 229400 • LAE 433655 • RABUL 921988 • MADANG 822188 • GOROKA 721844 • MT HAGEN 521888 • WEWAK 862755  
POPONDETTA 297266 • KAVIENG 942132 • KIETA 956083 • KIMBE 935155 • TABUIL 589060 • VANIMO 871254 • PDRGERA 508203



**NAMBAWAN**  
**TRU LONG**  
**PAPUA NIUGINI**

**ELA MOTORS**  
WIL BILONG  
OLGETA HAP

## Operesen Das i kirap na go het long Grin Riva

PLIS na Difens Fos i bung wantaim long holim wanpela strong-pela operesen ol i kolim "Operesen Das / Kirap" long Grin Riva Distrik bilong Sandaun provins. Provinsol Plis Koman-

da Siev Inspekta Nelson Kassi i tok operesen i bin stat long mun Februari. Bihain long 15 Mas, Dipatmen i luksave olsem wok bilong dispela operesen i kamap strong taim ol asples i bin

givim bikpela sapot bilong ol. Siev Inspekta Kassi i tok em i gat 17 man i wok wantaim narapela 83 soldia bilong kamapim dispela operesen. Dispela operesen i sut long

wok bung wantaim ol asples long luksave long ol raskol man.

Inspekta Kassi i givim bikpela tok tenkyu i go tu long Ted Kennedy bilong Delta Kopresen kampani long baim balus bilong kisim ol plisman i go kam long Grin Riva eria long mekim dispela operesen.

Inspekta Kassi i tok opis bilong em i kisim

tu gutpela ripot olsem ol pipel bilong Grin Riva eria i sapotim tru dispela operesen bikos ol i laikim gutpela sindaun.

Ol pipel i no amamas long tingting bilong kisim pe sapos ol i givim helpim bikos dispela wok i bilong bringim gutpela sindaun long ol na kain pasin ya i bilong ol gridi

## Sekap long ol spakbrus



• Ol yangpela bilong Hofaga viles long Kapakamaliki long Lowa Bena ilektoret bilong Isten Hailans provins i bin autim olgeta spak brus long gaden na ples bilong ol na givim long han bilong lo na gavman. Foto: Sape Metta.

## Nalau kisim pawa

i kam long pes 1

bai askim olsem.

Long 1965 Mista Nalau i go skul long Edministrativ Koles long Mosbi na kisim Diploma Wan na Tu long edministrativ sevises. Dispela taim i stat wok bung wantaim "Bully Beef Klub" kamap bilong bikpela politikel pati long kantri, Pangu Pati. Em i pren na save raun wantaim ol bikman bilong kantri olsem Somare, Maori Kiki na arapela moa. Long dispela taim i kam inap nau Nalau i bin wanpela strongpela Pangu sapota.

Bihain ol i salim Mista Nalau i go long Yangoru long bringim bek lo na oda long komyuniti. Mathias Yaliwan i bin kamapim wanpela kago kal muvmen long hap. "Ol pipel i painim hat long luksave long pasin bilong kristen, waitman, mani na nupela samting, ol i laik traim bungim dispela wantaim laip bilong ol. Ol i painim hat na go insait long kago kal. Long dispela kain hevi, yu i no inap go tasol na tokim ol long pasim maus na bihainim yu, yu i mas save long wanem as na ol i mekim kain pasin olsem."

Mista Nalau i bin wok long 1963 i kam inap independens long 1975.

Em i tingim taim em i wok long Simbu. Ol pipel long hap i no long luksave long as bilong tok independens. Long 1973 ol i salim em i go antap long redim ol pipel bilong Simbu long independens. Ol Hailans i no laikim PNG flek.

Ol i tokim em, "Australia i lukautim ol lain long nambis, na nau em taim bilong Australia long lukautim mipela, ol nambis i laikim independens. "Ol pipel long Hailans i no laikim independens, ol i kukim olgeta PNG fleg ol i bungim, wanpela tasol i stap fran long opis bilong mi i stap."

Bikpela pait i bin kamap taim Nalau i no givim dispela fleg long ol pipel i kukim. Mista Nalau i strong yet na Somare husat i bin Sif Minista long dispela taim i salim ol plisman i go antap.

## Namba bilong pipel long PNG i goap

HARLYNE JOKU i raitim

NAMBA bilong pipel long Papua Niugini i go antap pinis long 3.5 milien. Tasol ol i no kaunim ol pipel bilong Not Solomon provins. Long wanem i gat bikpela pait i pasim ples.

Asiseten Nesenek Stetistisen, Sidiqur Raman i tok olgeta ripot bilong namba bilong ol pipel long kantri i no pinis yet. Ol wokman bilong kaunim namba bai stretim olgeta ripot long pinis bilong dispela mun. Namba bilong ol pipel long arapela provins i sanap olsem:

Westen-109,000; Galp- 68,000; Sentrel-141,000; NCD-193,000; Milen Be-157,000; Noten- 97,000; Saten Hailans-303,000; Enga-236,000; Westen Hailans-291,000; Simbu-184,000; Isten Hailans-247,000; Morobe-357,000; Madang-270,000; Is Sepik-241,000; Wes Sepik-135,000; Manus-33,000; Nu Ailan-86,000; Is Nu Briten-184,000; Wes Nu Briten-126,000.

## Isten Hailans amamas long nupela PPC

i kam long pes 1

kisim bek ol samting em ol pipel i bin stilim olsem ol sotgan. Ol plisman i kisim bek olgeta dispela samting.

Mista larume i kirapim gen dispela kain sik bilong em long go insait nating long ol ples bilong pait na i no inap tok save. Sampela taim em yet bai go na

tokim ol hauslain husat i pait long lusim ol samting bilong pait na givim ol yet long han bilong lo. Sapos nogat, ol plisman bai kam na stretim dispela hevi.

Mista larume i bin holim tu namba wan kibung bilong em wantaim primia na ol ara-

Wok i go isi yet bikos 5-pela senses divisen i no pinis yet. Tupela em Wes Mianmin na Atbalmin eria namel long Indonesia na PNG boda long Wes Sepik provins. Tripela arapela divisen i stap namel long Westen Provins em, Striklen tributeris, Murry Valley na Blucher.

Mista Raman i tok tupela sensas divisen long Wes Sepik bai ol senses opisa bai i no inap kaunim pipel bikos i gat bikpela pret long birua long boda. Ripot i stap klia olsem ol paitman bilong OPM na ami bilong Indonesia na pretim ol manmeri.

Tripela divisen long Westen provins i gat bikpela hevi bikos ples i no isi long go insait. Mista Raman i tok namba bilong ol manmeri olsem 6,000 i stap yet long ol dispela hap, senses opisa i no go long kaunim ol pipel yet.

Namba bilong ol pipel long kantri i bikpela samting long gavman i ken luksave long plenim kantri.

pela memba bilong Pis na Gut Oda komiti pinis. Tasol ol i no inap tokaut long wanem rot em ol i tingting long bihainim bilong daunim hevi bilong raskol na bikhet pasin nau i stap.

Tasol Primia Robert Atiyafa i tok olsem ol i statim nau ol dispela

tingting na rot bilong bihainim.

Siev Inspekta larume na Mista Atiyafa i bin bungim ol hauslain bilong Komperi viles long Henganofi gavman stesin na tokim ol long lusim pait. Tupela i askim ol pipel long bihainim lo na askim bilong gavman.

## Wina bilong Bingo Resis Namba 3

Wantok Niuspepa i amamas long tokaut long narapela wina bilong Bingo Resis Namba 3. Dispela man em: **PITZOR SASARI** bilong Rabaul. Ol laki namba bilong resis Namba 3 em; 6, 11, 16, 21, 21, 29. Long ol narapela husat i bin traim, sori tumas tasol traim gen long narapela resis bilong **Wantok Niuspepa** nau i stap insait. Dispela em resis "Kolim Mani".

Mipela i laikim **PITZOR SASARI** long tok-tok wantaim William Kotson o Barry Kalib long telipon namba 25 2500 long kisim K200 mani bilong yu.



**LAE:** Tripela man i kamap long Lae Distrik kot bihain long plis i sasim ol long kukim Wau distrik opis long Februari, 22.

Tripela man ya em Hostine Yamu husat i gat 19 krismas long ples Biawen long Wau yet, Morris Masero, 18 krismas bilong Loloipa viles na Steven Koiya, 24 krismas bilong Kerevi viles long Tapini Sentrel provins.

Mejistret Sasa Inkung i no laik long lusim ol i kam autsait tasol ol bai i stap yet long kalabus na ol bai kamap gen long kot long April 15.

Tripela man ya i bin askim pinis kot long kam i stap autsait tasol mejistret i tok kain pasin ya i no gutpela na ol mas i stap long kalabus bai ol ken luksave long lo.

**MOSBI:** Moa long 200 manmeri i bin brukim lo bilong kefiu long Ista wiken. Plis i holim na sasim planti long ol dispela manmeri long Fonde na Fraide nait.

Plis na Difens Fos i holim 167 man long dispela tupela nait. Foapela mama i bin i stap insait tu long dispela grup. Plis i tok ol dispela manmeri i laik bikhet liklik na i stap autsait long banis bilong ol taim long taim bilong kefiu.

Boroko distrik kot i putim kamap spesel taim bilong kot long Sarere na Sande long harim kot bilong ol dispela bikhet manmeri. Sampela manmeri i baim kot pinis namel long K50 na K100.

Long wankain taim tu bikos planti ol manmeri tru i bin i kamap long kot, distrik askim olgeta wokman bilong kot haus long helpim ol plisman long redim olgeta pepa bihain long kot.

• Planti manmeri tu i bin pulap tru long Boroko plis sel long wetim kot. Na planti bilong ol i go pinis long Bomana Koreksenek Institut bikos ol i komplek long sel i pulap.

Dispela hevi i kamap bikos Fainens Dipatmen i tekova pinis long kisim mani bilong bel aut. Dispela pasin i pulim taim stret bilong ol planti kalabus man long go aut long sel na givim spes long ol arapela nupela kalabus manmeri.

**SIMBU:** Tupela yangpela raskol man i bin baim kot long K100 bihain long tupela i blokim rot na askim mani long ol pasindia.

James Kama na Arnold Umba i bin kamap long Kundiawa Distrik kot long mekim kain pasin olsem. Tupela i gat 19 krismas na tupela wantaim i kam long Kokai viles long Kundiawa distrik.

Tupela ya i bin blokim rot wantaim 2-pela arapela man long Kundiawa na Gembogl rot na askim wanpela PMV draiva wantaim ol pasindia na kisim ol mani.

Ol pasindia i givim ol dispela raskol man K4.50 tasol ol i tok dispela mani i liklik tumas. Tasol bihain ol i klap long ka na i go long taun. Long taun ol i tokim draiva long go stret long Kundiawa plis stesen na ol plisman i holim pasim tupela.

Taim tupela i kamap long kot Umba i tok ol i no bin kisim mani bilong ol man long rot. Tasol Mejistret Giddings i tok kain pasin ya i kamap planti taim pinis long Hailans haiwe na em bai i no inap long harim toktok bilong tupela.

**RABAUL:** Plis i wok long painim yet ol trabel bin kamap long Ista wiken na ol arapela wik i go pinis.

Provinsal Plis Komanda John Toguata i tok i gat tupela ripot long ol man nogut i bagarapim ol meri, tupela ripot long holim pas man na stil na brukim haus i go insait na stil.

Mista Toguata i tok ripot bilong man nogut i bagarapim meri em long Not Baining na Warangoi eria. Wanpela yangpela meri krismas bilong em 16 i kisim bagarap long Gilaun plentesen long Ista wiken na narapela marit meri i kisim bagarap em long Lalakua ples. Plis i ting bai ol i holim pas ol dispela man nogut long dispela wik.

• Ol man nogut olsem 8-pela i bin brukim na stilim ol samting long wanpela tret stua long Livuan ples long Kokopo. Mani olsem K177 i lus long dispela stil.

Tripela man i bin pasim pes bilong ol na holim pasim wanpela wokman bilong gavman long haus bilong em long Rabaul taun.

# Dipatmen bilong PM gat K139,861 dinau

**SAM VULUM i raitim**

PRAIM Minista Rabbee Namaliu i bin askim olgeta gavman dipatmen long bekim dinau bilong ol i go wantaim Fainens Dipatmen, tasol dipatmen bilong em yet i gat K139,860.91 dinau long Gavman Printing Opis (GPO).

Mista Namaliu i bin askim Minista bilong Fainens na Plening, Paul Pora long las wik bilong tokim olgeta dipatmen husat i no bin yusim gut mani las yia long bekim mani ol i bin yusim pinis.

Tasol dipatmen bilong Praim minista yet i no bin baim dinau bilong en i go long GPO stat long 1988 i kam inap nau. GPO i bin sasim Dipatmen bilong Praim Minista long pepa em ol i bin prinim bilong dipatmen.

GPO i wanpela han bilong gavman, tasol lo i stap pinis olsem wanem dipatmen i laikim GPO long prinim ol pepa bilong en i mas baim GPO pas-taim. GPO bai yusim dispela mani long baim ol nupela pepa na ol marasin bilong prinim sampela pepa moa bilong gavman long bihain taim.

Ol ripot i tok ol wokman bilong GPO i traim planti taim tru long askim dipatmen long bekim dispela mani, tasol ol i no bin kisim wanpela mani. Olgeta taim ol i askim bai dipatmen i tok em i no gat mani.

Ol opisa bilong GPO i tokaut olsem dispela mani i wok long go bikpela olgeta taim na bai kisim mak bilong K200,000 long pinis bilong dispela mun sapos nogat samting i kamap.

Tasol maski dispela mani i wok long go antap, wanpela kuskus bilong dipatmen bilong Praim Minista i tok ol i no gat dinau wantaim GPO. Em i tok ol opisa bilong GPO i no bin salim rekot bilong mani em ol i mas baim.

Bos bilong GPO, Gaudi Dadi i no laik toktok long dispela taim Wantok i laik kisim tingting bilong em. Em i tok olsem i no dipat-

men bilong praim minista tasol, ol narapela dipatmen i gat dinau tu wantaim GPO.

Dipatmen bilong praim minista i no bekim dispela mani tasol GPO i mas wokim mani long bekim mani em gavman i save givim ol long olgeta yia long baset.

Ol opisa bilong GPO i tok ol i bin winim tasol mani em ol i kisim long baset long 1988 tasol.

Long ol narapela yia, ol i traim tasol ol i no inap long winim.

Long las yia, GPO i kisim samting olsem K1.2 milien na ol i bin winim K672,000 tasol. Long dispela yia gavman i givim GPO K2 milien bilong yusim na wok. Na i luk olsem GPO i no inap long winim dispela mak sapos dipatmen bilong praim minista i no bekim bikpela dinau bilong en.

## Ward kotim Stet long birua bilong kefiu

MEMBA bilong Bogia, Tim Ward i kotim pinis Stet long wanpela birua i bin kamap long em las wik.

Ol soldia wantaim ol plisman i bin go insait long haus bilong Mista Ward long Paga Hill long Mosbi na kisim em i go long Boroko Plis stesin. Em i bin stap long plis stesin inap tupela aua olgeta bihain ol plisman i lusim en gen.

Mista Ward i tok em i no save long wanem as tru na ol plisman wantaim ol soldia i bin kisim em. Em i tok em i wanpela long ol lida husat i no rong

liklik taim em i stap memba. Em i tok laip bilong em i gutpela tru.

Tasol em i gat sampela bilip olsem as bilong dispela hevi i stap long wok bilong timba long Madang provins. Mista Ward i tok dispela long wanem em i wanpela bilong ol lida husat i egensim tru Madang provinsal gavman long larim timba kampani, Cosmo Pty Ltd long wok long hap.

Em i tok em i no orait long dispela kampani long wanem ol papa bilong graun bai kisim liklik mani tru.

## Gutbai wantaim gutpela tingting



• Praim Minista Rabbee Namaliu na Fainens Minista i sanap bilong tok gutbai long Goroka na ol pipel bilong en bihain long kibung bilong Nesenel Eksekjutiv Kaunsil long hap. Long fran em ol lain bilong Raun Raun Tieta grup bilong Goroka yet.

## Nalau laik kirapim nupela Morobe

**YAKAM KELO i raitim**

NUPELA gavman bilong Morobe bai klinim gen provins bihain long bikpela hevi i bin kamap long provinsal gavman long 1989.

Nupela primia Jerry Nalau i tokaut olsem em i pilim i no gat birua na em i gat bilip olsem wantaim sapot bilong ol gavman memba bilong em, ol bai inap long lukautim Morobe provins.

Mista Nalau i tok planti memba bilong em i yangpela man tasol wantaim gutpela skul na save bilong mekim wok.

Primia Nalau i tokaut long aste olsem em bai skelim na mekim ol wok painimaut bihainim olpela ripot. Na kamap wantaim ol rot bilong stretim gut ol hevi bipo i bin kamap long Morobe provinsal gavman.

Mista Nalau i tok sapos ol i painimaut olsem i gat ripot bilong kisim sas, orait kot i ken mekimsave long husat i mekim olsem.

Primia Nalau i tok em i gat 21 memba nau na 4-pela moa i bin kam long Oposisen long bringim namba i go antap long 25. Dispela i soim sapot bilong ol memba long wok wantaim em.

Long Fonde, 4 Epril Mista Nalau i bin sindaun wantaim ol wasman bilong provins bilong toktok long ol rot na samting ol bai mekim long provins. Wanem wok ol bai putim olsem namba wan na tu long kirapim wok helpim long provins.

Mista Nalau i tok bikpela samting em long stretim gen provins. Em i tok ol bai skelim gut hevi i bin kamap pastaim painim rot bilong abrusim ol.

## Wes Nu Briten na Is Sepik gat tupela nupela ilektoret

**SAM VULUM i raitim**

Ol ilektorel komisen i laikim bai tupela nupela open ilektoret i ken kamap insait long kantri. Sapos dispela tingting i karim kaikai bai i gat 91 sit.

Ilektoral Komisina Rubeun Kaiulo i tokaut long dispela long Trinde bihain long lukluk raun bilong ol opisa bilong em long olgeta provins long kantri.

Mista Kaiulo i tok ol i bin senisem tupela ilektoret long kantri. Angoram ilektoret long Is Sepik provins nau bai kamap Is Angoram ilektoret na Wes Angoram ilektoret.

Talasea ilektoret long Wes Nu Briten tu i bruk i go tupela. Nupela ilektoret nau em Nakanai ilektoret.

Antap long dispela tupela senis, Mista Kaiulo i tok Komisin i bin semoso, ti sa, [e;a] boda bilong ol ilektoret.

Em i tok ol opisa i stretim ol nupela boda long mep na i bin salim ol dispela senis i go provinsal opis bilong ol long ol manmeri long lukim na autim tingting bilong ol.

Mista Kaiulo i tokaut long sampela senis olsem taim ol i raun long Is Sepik ol i painim olsem ol pipel bilong Drekikir i save painim hat tru long kisim ol helpim taim ol i stap wantaim Ambunti. Em i tok Drekikir nau bai i go anit long lukaut bilong Wosera/Gawi ilektoret.

Em i tok ol i no mekim wanpela senis long Nesenel Kapitel Distrik long wanem i gat planti wok i stap na ol pipel i no painim bikpela hevi tumas. Long Wes Nu Briten, ol i mas mekim long wanem i gat bikpela wok i stap long welpam na i gutpela long brukim ilektoret i go liklik bilong mekim wok i go isi.

Komisin bai bung gen bihain long ol i kisim bek ol senis long ol provinsal opis bilong redim wanpela ripot bilong go long palamen long skelim.

Mista Kaiulo i tok taim ol i raun na lukim ol pipel, planti pipel tru i laik bai nesenel gavman i rausim ol provinsal sia long palamen.

Dispela long wanem ol memba long ol provinsal sia i save mekim wok i go hat tru. Ol i no save helpim gut ol pipel long ol kain samting olsem mani bilong Nesenel Developmen Fan (NDF).

**FRI BAIBEL KOS  
YU KEN KISIM SKUL  
LONG SALIM PAS**

Salim nem na edres long: WORLD BIBLE SCHOOL, Dept. VD21, P.O. Box 9346, Austin, TX 78766 USA

**MEMORIAL PLAQUES**

Brass and Aluminium

**ALU SIGNS** PTY LTD

PO BOX 7081, BOROKO PH: 25 4800  
STORE: NEAR BOROKO POLICE STATION

**Toto**  
TORO INO SAVE OLSEM NAMBANAN DE LONG MUN APRIL EM DE BILONG GIAMANIM OL MAN... (APRIL FOOLS)

**WANPELA KANDERE BILONG TORO I LAIK GIAMANIM TORO...**

HA! HA! HA! TUDE EM APRIL FUL'S DE... BAI MI GO GIAMANIM TORO!



**EM GO KAMAP LONG HAUS BILONG TORO...**

TORO! TORO! YU HARIM REDIO TU, A? OL I TOK YU WINIM WANPELA BRAN NIU KAR, NA YU MAS GO KISIM KI LONG N.B.C OPIS, NAU!



**MAN TORO AMAMAS NOGUT TRU NA EM SUT I GO LONG N.B.C OPIS...**

HEY, MI TORO, YA! YUPELA I BIN ANAUNSIM LONG REDIO OLSEM MI BIN WINIM WANPELA BRAN NIU KAR... MI KAM LONG KISIM KI!



**SEKIURITI GAD I TOK OL MAN I GIAMAN TASOL TORO I HAT HAT...**

MI TOK OL MAN I GIAMAN YU! TUDE EM APRIL FUL'S DE YU-SAVE?



EM KISIM TORO NA WILWILIM EM I GO RUT.

# WANTOK

NIUSPEPA BILONG OL PAPIA NIUGINI STRET

## Nupela gavman gat wok

MORobe provinsal gavman i stap aninit long han bilong Jerry Nalau, man husat i stap wet inap long klostu 10-pela yia, oltaim wantaim oposisen. Long taim em i toktok wantaim Wantok aste, Jerry i toktok long sekap gut long ol buk bilong gavman long pastaim.

Em nau! Pipel bilong Morobe i bin wetim dispela ol samting long kamap ples klia longpela taim nau. Nogat planti samting i bin kamap ples klia bilong tokaut na soim ol pipel tru long wanem samting i bin kamap long namba tu bikipela provins bilong kantri.

Planti bagarap i bin kamap long provins na nau i taim bilong strongpela senis olsem bai ol pipel i gat sapat na bilip long gavman bilong de. Narapela gutpela toktok bilong Nalau em long kisim planti yangpela na saveman bilong helpim em na ranim gavman. Em i gutpela tru. Tasol mipela i no ken strong tumas long dispela. Mista Nalau yet i ken yusim "lapun save" o ekspiriens bilong em long makim ol gutpela provinsal minista bilong ranim Morobe.

### Press Kaunsil bilong PNG

Sapos yu gat sampela hevi yu laik autim long Pres Kaunsil, orait salim pas i go long dispela adres: The Secretary, Press Kaunsil, P.O. Box 85, Port Moresby.

# WANTOK

NIUSPEPA BILONG OL PAPIA NIUGINI STRET

P.O. Box 1982 BOROKO  
Telepon Namba: 25 2500  
Feks Namba: 25 2579

**PE BILONG  
WANPELA YIA  
52 NIUSPEPA**

PLES	AIR
Mosbi	K 30.00
Arapela PNG eria	K 36.00
Australia na Nu Silan	K 85.00
Esia pasifik na Japan	K119.00
Amerika na Yurop	K152.00

# Nupela saksak faktori bai kamap

DAVID WAMBI i raitim

PAPUA Niugini bai i gat nupela faktori bilong wokim saksak long Kikori stesis insait long Galp provins.

Chevron Niugini kampani, husat i developim Kutubu Wel projek, i bin mekim sampela wok painimaut pinis long putim kamap dispela projek. Wanpela wokman bilong Chevron Niugini Warren Bartlett i tok ol i bin mekim wankain wok tu long Lae na Mosbi long kisim sampela

saksak bilong hap long putim kamap wankain projek.

Planti papa bilong graun i amamas long dispela projek. Mista Bartlett i tok wok bai kamap long mekim dispela faktori sapos olgeta samting i kamap orait insait long 12-pela mun. Sampela gutpela wok tu bai i kamap sapos dispela faktori i kamap pinis.

Bai i no gat inap wok bilong lukaetim ol papa bilong graun na Chevron i lukluk gen long painim sampela projek long kamapim planti wok long ol pipel bilong Kikori, Mista

Bartlett i tok.

Kain projek kampani i tingting long en em saksak faktori, somil na timba projek, pukpuk na kakaruk projek.

Mista Bartlett i tok nau ol pipel bilong Kikori i tingting tumas long paip lain bilong Kutubu Wil na ol i no moa tingting long wok bilong egrikalsa.

Nau yet Chevron Niugini i tingting long kamapim wanpela trening senta long Kikori tu, long lainim ol pipel long wok bilong draivim ka, moto kanu, wok bilong kuskus, na

tu sampela liklik wok bilong samapim klos laplap.

Kampani i lukluk tu long putim kamap wanpela opis bilong "Koles ov Distens Edukesen" long Kikori. Dispela bai i helpim ol gret 6 dropaut long go moa long sampela bikipela skul, Mista Bartlett i tok.

Kos bilong olgeta dispela projek i stap inap long K2 milien. Mista Bartlett i tok Chevron, bai putim olgeta tingting na mani long putim kamap ol dispela projek.

## Nius bai skulim ol pipel



Sir Michael Somare wantaim Interim presiden bilong PNGJA, Frank Senge long kibung bilong niusmanmeri long Mosbi.

NIUS em i bikipela samting long tokim pablik, na lainim ol long wanem samting ol i no klia long en. Dispela em toktok bilong Sir Michael Somare long opim bung bilong ol PNG niusman insait long kantri long Trinde 3 Epril long Mosbi.

Sir Michael i tok wok bilong ol niusman i bikipela wok tru long kamapim kantri long givim skul na tingting long wanem samting i wok long kamap na ol samting bai kamap.

Sir Michael i tok wok bilong nius i ken kamapim bel hat, wari na amamas, tasol em i wok bilong nius long tokaut long ol samting. Sir Michael i tok ol niusmanmeri i mas mekim gutpela wok long tokaut long tupela ripot na ripot bilong kamapim

helpim long kantri. Dispela em i olsem sevis long ol manmeri long harim na ritim nius bilong ol samting bai ol i ken kisim i go insait long tingting bilong ol na klia.

Sir Michael i givim tok piksa long bikipela woa long Galp namel long Irak na Amerika. Em i tok ol niusman i salim tru skin bilong ol long ol bom nasot gan, tasol ol i mekim bikipela wok tru long tokim ol manmeri long dispela woa na wanem samting i kamap.

Sir Michael i tok ol niusman i gat bikipela wok long mekim insait long kantri bilong ol na ol. Olsem na wanem ripot ol i raitim na ritim i no ken kamapim bel nogut long ol manmeri bilong em.

## Hofaga pipel rausim spakbrus

OL PIPEL bilong Hofaga viles long Kapakamaliki insait long Lowa Bena ilektoret, Isten Hailans provins i bin singautim Primia Robert Atiyafa, provinsal Helt Minista Bono Fiya na Provinsal Plis Komanda, Siev Inspekta Backley larume bilong kam long ples na lukim ol i kamautim spak brus na givim i go long han bilong ol plisman bilong bagarapim.

Ol pipel bilong Hofaga i bin autim moa long 20 diwai spak brus long graun na givim long ol plisman.

Lida na mausman bilong Hofaga viles, Sabume Kofika (Papa bilong Difens Minista) i tok, "Mipela i rausim nau ol dispela samting bilong bagarapim sindaun bilong ol pipel na laik bihainim rot bilong gutpela komyniti aninit long lukaut bilong lo long kantri."

Primia Atiyafa na Siev Inspekta larume i givim bikipela tok amamas i go long Mista Sabume na ol pipel bilong Hofaga long bihainim dispela gutpela tingting bilong autim spak brus long hap bilong ol. Tupela i tok dispela i soim olsem ol pipel i laik stap fri long trabel.

Mista larume i askim tu ol arapela haus lain insait long Isten Hailans provins long bihainim dispela gutpela pasin.

"Mi amamas long yupela ol pipel bilong dispela viles long skelim hevi na bringim as bilong en i kam long han bilong lo na gavman. Nau yupela i bringim ol dispela spak brus i kam ples klia."

Provinsal Plis Komanda i askim tu ol pipel long pinisim olgeta spak brus nau i stap long ol gaden na bus nabaut. Em i givim strongpela tok lukaut long ol pipel tu olsem wanpela toktok bilong spak brus i kamap long eria bai bringim em yet wantaim ol plisman bilong em i kam na stretim dispela hevi.

Em i givim wankain tok lukaut i go tu long ol arapela hauslain insait long provins.

## Sandaun autim namba wan provinsal niusleta

FELIX RAMRAM i raitim

SANDAUN i bin autim namba wan provinsal gavman niusleta bilong en tripela wik i go pinis. Niusleta i kam aninit long Wes Sepik Provins Developmen Projek (WSPDP) em Wol Beng i givim mani.

Fes asisten seketeri bilong Infomesen Divisen long Vanimo, Tobias Welly i tok provinsal niusleta i kamap bihainim nupela midia yunit bilong WSPDP. As tingting bilong dispela yunit i bilong autim ol tok save na nius bilong provinsal gavman long olgeta hap bilong kantri.

"Mipela i laikim olgeta lapun na yangpela na ol skul pikinini long salim wanem kain stori, tok pilai na nius na spot stori i kam.

"Long olgeta mun, niusleta bai stap long rot na i fri tasol long olgeta lain long kisim. Tasol long helpim mani bilong wokim niusleta, mipela i laik askim ol bisnis na kampani long provins long baim hap spes na autim nem na toktok bilong kampani bilong

ol long en," Mista Welly i tok.

Ol bai kolim dispela niusleta olsem "Sandaun News". Niusleta bai lukluk long olgeta kain wok bilong gavman, bisnis na wanem samting i kamap insait long provins.

Mista Welly i tok dispela bai helpim ol pipel long luksave moa long wanem samting provinsal gavman i mekim na ol kain wok kamap insait long provins.

"Mipela bai askim tu ol tisa, gavman opisa i lukautim wan wan distrik na ol narapela wokman na meri bilong gavman long raitim stori na nius long Sandaun News," Mista Welly i tok.

Em i tok tu olsem dispela niusleta bai stap long Tok Inglis na Pisin wantaim. Sapos ol i laik senisim na wokim long wanpela tok ples tasol, dispela bai kamap bihainim.

Midia yunit i stap aninit long lukaut bilong Chris Holt olsem dairekta, asisten dairekta em Grace Ninda na Godfrey Misale i holim wok bilong droim ol piksa. Ol i gat wanpela kompyuta nau bilong yusim long wok.

**BIA?** OL MANI TAKIS NA BAIM WANPELA KATEN BIA... BIABIA I PUTIM K2 TASOL...



OL MANI BEL HAT TRU LONG BIABIA NA HATIM EM...



TASOL BIABIA I DRINGIM BIA OLSEM KOLWARA STRET...



OL KIRAP NA RAUNIM BIABIA..





OLGETA de, meri i save krosim Kanage. Wanpela de tupela i kros na Kanage i tokim meri, "Olgeta taim yu save krosim mi nating. Nau bai mi go long wanpela hap." Em tok olsem na supim kanu i go daun long nambis na stat long pul i go. Meri sanap long nambis na singaut i go long Kanage. "Em ya dok bilong yu. Na pik ya, em bilong yu, haus tu em bilong yu, na pikinini ya, em bilong yu." Meri i kolim nem bilong olgeta samtng tasol Kange i no laikim ol. Em pul i go ausait yet. Mekim nogat na meri i tingim wanpela samtng. "Em ya, samtng ya em i bilong yu." Kanage i harim na bekim, "Yesa, em tasol na bai mi tanim bek."

Gibsie Gigub  
RAMU SUGAR

WANPELA taim Kanage wantaim tripela wantok i sanap long rot bung. Wanpela waitman i kam na tokim ol long kalap long ka na soim em long Nadzab ples balus. Ol spit i go na waitman i askim Kanage, "How far is Nadzab?" Kanage i no save long tok Inglis. Em tanim na tokim tripela wantok, "Hei! Waitman tok bai mipela spit ya. Olsem na holim gut!" Waitman i wet i go na askim gen. Na Kanage i mekim wankain toktok tripela wantok bilong em. Waitman i askim gen inap 5-pela taim olgeta. Em bel kaskas na stapim ka na rausim Kanage wantaim tripela wantok. Na ol i sanap long longpela emti trot olsem longlong man stret.

Ming Aino  
LAE

LAPUN mama bilong Angoram i sindaun sallim makao i stap long Angoram maket. Wanpela turis i kam na askim em, "Are these your fish?" Lapun mama i kirap na bekim, "Yes, pikinini pis."

Regina S. Tagwi,  
Angoram LGC,  
Is Sepik Provins.

OL plisman i patrol long hailans haiwe na bukim wanpela man Sepik husat i spak na draivim ka. Ol plisman kirap na askim em, "Hei, yu sipit ah?" Na pikinini Sepik i bekim, "Yes, mi Sepik." Tasol ol plisman kirap na tok, "Nogat! Mipela askim yu sipit ah?" Na Sepik i bekim gen, "Yes, mi dring Sipik na mi longlong na mi tok mi Sipik. Yupela askim tumas long wanem?" Ol plisman i lap nogut tru na lusim man ya i go.

Regina S. Tagwi,  
Angoram LGC,  
Is Sepik Provins.

### Kefiu stat long WHP tumora

KEFIU bai stat long Western Hailans provins long tumora Fraide, 5 Epril na bai stap inap long tupela mun.

Ol ami bai helpim plisman long mekim wok bilong kefiu long provins. Gavana Jenerel Sir Serei Eri i tok orait long ol pepa bilong kefiu long dispela wik.

Dairekta bilong Plis Pablik Rilesens, Suprintenden Dennis Samin i tok kefiu long Western Hailans bai wankain olsem long Nesenel Kapitel Distrik. Na em i bilip olsem komyuniti bai wok bung wantaim ol plisman na soldia long taim bilong kefiu.

Mista Samin i bin tenkim pablik tu long NCD long helpim ol plisman na ol soldia long wok wantaim na holim ol raskol. Em i tok em i laikim wankain samtng bai kamap long Western Hailans.

## Bogia no gat pawa na wara

NO GAT pawa na wara saplai long ol manmeri bilong Bogia Distrik long Madang provins long Septemba 1990 i kam inap nau.

Ol manmeri i go ripot long niusman long Madang long dispela hevi na ol i laikim provinsal gavman i lukluk long dispela hevi hariap.

Ripot i tok haus sik long Bogia i no gat pawa long givim lait na wara tu i sot olgeta olsem na ol i

no larim ol sik manmeri long yusim wara.

Atoriti long Bogia i tok tu olsem Distrik opis i no gat pawa long las yia i kam inap nau bikos i no gat wel bilong statim pawa na givim lait.

Ol i tok tu olsem dispela hevi i no stap long Bogia haus sik tasol em i stap tu long ol haus bilong ol wokman na meri long Bogia Distrik.

## Taim bilong skul gen i kamap



Ol man bilong Non Fomel Edukesen divisen i sindaun long woksap bilong IASER. Dispela woksap i bin stap tripela de.

### Strongpela haus kalabus bai stap long Mosbi, Hagen, Lae na Rabaul

#### SAM VULUM i raitim

KOREKSENEL Sevis Komisin (CIS) i redi pinis long wokim 4-pela strongpela haus kalabus long Mosbi, Lae, Hagen na Rabaul.

Dispela ol haus kalabus i bilong holim ol manmeri husat i mekim bikpela trabel tru olsem bai ol i no inap ranawe. Ol bai stap longwe long ol lain i no mekim bikpela trabel.

Long wankain taim tu, CIS bai i traime long stretim ol banis bilong ol narapela haus kalabus long kantri. I mas gat samtng i strong olsem simen long raunimol haus kalabus na i no ol waia olsem nau i stap long en.

CIS nau i lukluk tu long kisim

helpim bilong Australia long stretim ol haus bilong ol woda. Dispela wok bai kamap aninit long Australia Developmen Asisten Beru (AIDAB).

Bai i gat wanpela pasbuk akaun bilong lukautim ol kain samtng olsem woksop na ol narapela samtng bilong ol kalabusman na meri.

Sampela nupela senis tu bai kamap long lo i lukautim CIS. Na ripot i redi pinis long givim long palamen long oraitim.

Ol opisa bilong CIS tu bai tren nau wantaim ol opisa bilong ami na plis fos. Na nupela trening senta bai kamap long trenim ol narapela. CIS i askim AIDAB tu long helpim long dispela program.

Gavman i oraitm pinis wanpela senis olsem pe bilong ol woda na plis wantaim ami bai wankain na dispela bai kamap klostu nau.

### Madang statim gen operesen "Lomet"

OPERESEN *Lomet* bilong Madang i bin stat long Tunde 26 Mas, 1991 bilong lukautim provins long taim bilong kefiu.

Provinsal Plis Komanda (PPC) Siev Inspekta Pius Sipelon i tok taim tambu long planti hap bai ronim planti raskol na bikhet man nabaut. Olsem na Madang i statim *Operesen Lomet* bilong lukautim em yet long ol dispela kain lain.

Em i tok taim tambu bai kamap nau long Lae na Hagen, na i no hat long ol bikhet man na raskol bilong dispela tupela hap long ranawe i go long Madang. Olsem na Madang i kirapim nau operesen bilong rausim na lukaut long ol em yet. Em i tok planti bilong ol dispela man bai tingting long kam long Madang na ranawe i go olgeta long Is Sepik na Sandaun provins.

Siev Inspekta i tok olsem 30 plisman bilong em bai go pas long Operesen Lomet. Ol bai kalabusim wanem nupela man husat i kam long Madang na painimaut long wanem as tru na em i kam stap. Operesen bai go het taim kefiu i stat na pinis long ol arapela provins.

## Papua Niugini Nesenel Ileksen, Me-Jun, 1992

Nem bilong ol olupela na nupela kendidet bai kamap bilong resis long ol sia long olgeta ilektoret. Dispela em i bikpela samtng olsem na olgeta man na meri bilong Papua Niugini i mas save gut tru long olgeta samtng bilong mekim long taim bilong ileksen.

Sapos yu laikim helpim, go lukim ol Distrik Menesa, na ol Distrik Opisa-In-Sas (DOIC).

Askim ol long wok bilong ileksen em yu no klia long en.

**Tingim gut, ol gutpela lida i kamap long stretpela vot**

### TASOL HUSAT I KEN VOT?

Ol Papua Niugini man na meri husat i givim nem tasol long 1992 ilektorel rol bai tromoi vot. Na dispela i min olsem olgeta sitisen husat em krismas bilong ol i winim 18 yia na i bin stap insait long wanpela ilektoret moa

long 6-pela mun na mama i bin karim em pastaim long 27 Jun, 1974 bai tromoi vot.

Sapos yu winim olgeta dispela toktok na i no givim nem yet, pulimapim wanpela fom long Provinsal Ilektorel Opis, Distrik Menesa o Opisa-In-Sas long hap bilong yu.


**Tingim ... lo i tok olsem olgeta Papua Niugini man na meri i mas givim nem bilong vot.**

### OL NUPELA LAIN BILONG VOT

Sapos mama i bin karim yu pastaim o long 27 Jun, 1974, yu mas givim nem bilong vot. Yu i no inap vot long neks yia sapos nem bilong yu i no stap long ileksen rol.

Go long Provinsal Ilektorel Opis i stap klostu long hap bilong yu na pulimapim wanpela fom bilong vot nau!

**Tingim gut, givim nem nau! Olsem bai yu gen vot long 1992 ileksen.**



Authorised by  
Reuben Kaiulo,  
Electoral  
Commissioner Papua  
New Guinea

## Bihain long Galp Woa

### Ami bilong Irak yusim marasin nogut long pait wantaim rebel

BIKPELA pait na toktok na protes i bin kamap long ol taun na siti nau i stap gen aninit long han bilong presiden Saddam Hussein bilong Irak taim ol soldia bilong em i bin kilim planti lain manmeri long Baghdad.

Long Damaskus, biktaun bilong Siria, wanpela lain grup bilong Iral i sutim toktok long ol ami bilong Saddam long tromoi marasin nogut long helikopta antap long ol rebel paitman husat i stap pait long graun bilong kisim tupela arapela siti.

Shi'ite Muslim Islamik Oganaisesen i tok, "Mipela i bin kisim strongpela na gutpela tok save olsem ol ami bilong Saddam i bin yusim helikopta long ron antap na tromoi marasin nogut (esid) long ol rebel paitman long Amara na Mosul."

Dispela em i namba 5 ripot nau i toktok long ol ami bilong Saddam i tromoi esid long ol rebel paitman long graun. Nogat wanpela narapela ripot i kamap bilong strongim ol dis-


pela ripot. Tasol ripot bilong ol niusman bilong kantri Teki husat i go raun long hap graun bilong Noten Irak i tokaut olsem ol i lukim sampela manmeri long haus sik husat em skin bilong ol i solap na bruk nabaut olsem paia o hatwara i kukim ol.

Planti ripot i bin kamap long wiken olsem ol protes i kamap nau long olgeta hap bilong Irak. Redio bilong Teran i tokaut olsem ol refuji grup na oganaisesen i sutim tok long gavman long yusim esid na ol arapela marasin nogut long kilim ol lain husat i protes long biktaun bilong Irak.

Tasol nogat narapela ripot o toktok inap tokaut sapos dispela i tru o nogat.

Ripot bilong Islamik Eksen Oganaisesen long Damaskus i tokaut olsem bikpela pait na bagarap i kamap nau long Baghdad. Olsem na bikpela lain soldia bilong Ripabliken Gad tu i sambai long biktaun bilong Irak.

I no woa, wasim klos tasol



• Ol soldia bilong Amerika i wasim klos pinis na hangamapim long san antap long wanpela woa balus bilong Irak em ol i bin sutim klostu long Baghdad. Amerika i tok ol i no inap helpim ol rebel paitman long daunim Saddam Hussein.

## Saddam i kirapim gen pait long wel siti

AMI bilong Irak i kirapim bikpela pait nau long bikpela wel siti bilong Kirkuk long han bilong ol rebel paitman.

Wanpela mausman bilong ol rebel long London, Hoshyar Zabari i tok olsem planti lain pipel tru i bin kisim bagarap taim ol ami i yusim bom na balus bilong kirapim woa long hap.

Ol balus bilong ami bilong gavman i wok long flai antap long siti we ol pipel i stap long en na tromoi bom. Na long sauten Irak, ol rebel paitman i tekova gen pinis long Shi'ite Muslim holi siti bilong Karbala long han bilong ol ami bilong gavman.

Mista Zebari i bin tokaut pastaim olsem Presiden Saddam Hussein i kisim moa soldia na 11 Scud Misail i go long wanpela hap klostu long Kirkuk. Em i tok Saddam i

bin traim long bungim gen 16 ami Divisen bilong em we inap bringim namba bilong ol soldia i go antap olgeta long 150,000 o 120,000 man. Sampela i bin lusim sauten Irak na kam long hap em Saddam i laikim long en.

Ol rebel paitman i lukim olsem na ol tu i salim ol bikpela ka bilong pait na ol strongpela bom i go stap sambai tu long hap. Ol i bin kisim ol dispela samting long han bilong ol ami divisen em ol i bin daunim long pait.

Kedis Demokratik Pati i tok olsem ami bilong em (ol rebel paitman) i kisim pinis ples balus long Khalid klostu long Kirkuk na bagarapim tripela woa balus bilong gavman na 4-pela helikopta. Ol rebel i tok olsem ol balus na helikopta bilong gavman

i tromoi bom na kilim nating ol man, meri na pikinini long siti em ol rebel paitman i winim. Long ol taun em ol ami bilong gavman i kisim gen, bikpela singaut na toktok nau i kirap bikos ami i bagarapim tru ol pipel-ol i pasim ol man na meri long rop na pulim ol bihainim ol ka bilong pait na kilim nating planti tausen pipel long rot.

Planti taun na siti i stap wantaim pret bikos ol ripot na stori bilong ol refuji i tokaut long ol ami i kilim nating ol man, meri na pikinini long rot, hangamapim ol man long pawalain, kilim ol sikman na meri wantaim ol dokta na nes long haus sik na yusim marasin nogut na posin smok long kilim ol pipel nating. Na dispela kain ol ripot i kamapim bikpela pret namel long ol pipel.

Namba tu bikpela siti bilong Irak long Basra i bin stap isi tru na i nogat pairap o meknais nabaut. Ol soldia bilong Amerika long sauten Irak i tokaut olsem ating Gavman i kisim bek ples long han bilong ol rebel paitman.

Ol rebel paitman i bin kalap nogut tru taim Amerika i tokaut olsem em i no inap givim helpim tumas long pait ol i kirapim long Irak, bihain long Amerika i bin sutim na kirapim bel bilong ol rebel paitman long strongim woa bilong Galp em Saddam i statim na rausim olgeta dispela man long pawa.

Mista Zebari i tokaut tu olsem ol lida bilong ol rebel paitman i toktok pinis wantaim sampela bikman bilong ami long givim sapot sapos ol i laik kirapim woa na rausim Saddam long pawa.

### Yangpela rebel paitmeri



• Yangpela meri bilong Kurdistan i holim masin gan ya na soim long Harir long Irak. Ol lain long dispela hap i kirapim pait tu wantaim Saddam.

## Planti handred tausen pipel i ranawe na hait long maunten

LONG Nikosia, planti handred tausen man, meri na pikinini i ranawe i go hait long ol maunten long Noten Irak bikos ol i pretim bikpela pait em ami bilong Saddam Hussein i wok long kamapim.

Gavman bilong Irak i bin tokaut long las wik Fonde olsem em i bin winim pinis planti bikpela taun na siti em i bin stap long han bilong ol rebel paitman bipo bihain long bikpela Galp Woa.

Nius Ejensi bilong Irak, INA i bin autim ripot olsem namba tu bilong Saddam, Izzat Ibrahim i bin kam bek gen long noten sait bilong kantri na givim "halo na gutde na bikpela tok tenkyu" bilong ol pipel bilong Kurdisha i go long presiden bilong Irak.

Tasol lida bilong ol Kurdisha pipel, Masoud Barazani husat em ami bilong Irak i bin winim, i tok olsem klostu 3 milien pipel i bin ranawe long ami bilong Irak.

Barazani, husat i bin kamap long Noten Irak i askim nau Amerika, Ingran na Frans long givim han na toktok olsem bai gavman bilong Irak i no inap yusim bom na marasin nogut na smok bom long kilim olgeta pipel.

Em i tok planti tausen pipel bilong Kurdisha i stap hait nau long ol maunten. Tasol ol i stap wantaim bikpela hevi bikos maunten i save kol tru na tu i nogat inap kaikai.

## Praim Minista tokim Isrel long kilim ol Palestain

LONG Jerusalem, gavman bilong Isrel i kamapim strongpela lo bilong ol lain Palestain rebel. Dispela nupela lo i kamap bihain long planti ripot bilong ol birua em ol lain Arab i kirapim wantaim ol pipel bilong Isrel.

Wanpela bilong ol strongpela lo em long rausim wanem man o meri bilong Arab o Palestain em ol plisman i ting i wok olsem ol rebel paitman.

Gavman bilong Praim Minista Yitzhak Shamir i givim tu tok orait pinis long ol pipel bilong Isrel long kilim wanem man o meri Palestain em ol i ting i laik kamapim birua.

Plis Minista Roni Milo i tok, "sapos wanpela plisman o narapela man o meri nating i lukim wanpela birua i holim naip o narapela strongpela samting na i laik traim long bagarapim skin bilong ol pipel bilong Isrel, em i no ken wet, sutim na kilim tasol."

Difens Minista bilong Isrel, Moshe Arens i tokim kabinet olsem wanpela gutpela rot bilong daunim dispela kain birua nau bilong yusim naip na kilim man, meri na pikinini nau em long rausim tasol ol Palestain man na meri long Isrel. Na tu long kamapim strongpela lo olsem bilong bagarapim haus na ples slip bilong man o meri husat em ol i ting i save pretim na bagarapim ol pipel o i go pas long ol dispela kain birua pasin nabaut.

Mista Arens i laikim tu gavman long yusim tasol pas sistem o I.D. kat stail. Wanem man o meri Arab o bilong Palestain i gat tok orait tasol bai inap go long Isrel o Is Jerusalem. Kabinet i no tok orait yet long ol tingting bilong Mista Arens bikos i gat tok pait yet wantaim Mista Milo, husat i laikim gavman i putim strongpela mekimsave na lo moa bilong banisim ol Palestain man na meri husat i kam insait long Isrel.

**NUPELA**

Vitamin  
Enriched



## NU RICE I GIVIM YU PLANTI MOA

Taim yu kukim NU RICE, tingim na putim liklik moa wara bikos NU RICE i save solap bikpela moa na givim yu planti rice bilong kaikai

Dispela i bihainim ol wok painimaut em Kwinslen Dipatmen bilong Egrikalsa na Yunitek na Lae i bin wokim.

I stap long olgeta stua bilong Mosbi long:

T.S.T GEREHU  
 BP's TOWN & BOROKO  
 LINGS FREEZER-GORDONS  
 GARDEN HILL SUPERMARKET  
 AMBIL TRADING - KOKI  
 AGUTOI TRADING - BADIL!  
 NAOA TRADING - KONEDOBU  
 MALAORO SUPERMARKET - KOROBOSEA  
 TOMOTA TRADING - KOROBOSEA  
 NOREEN & PARTNERS - TAURAMA  
 MARIBOI TRADING - 6 MILE

LAHANI TRADING - WAIGANI  
 GEREHU CITY MART  
 TAN TRADING - HOHOLA  
 BOIMAKE TRADING - KOKI  
 HETURA TRADING - EAST BOROKO  
 W.Y. & J. WONG - SABAMA  
 G.K. LEE - SABAMA  
 HOHOLA ENTERPRISE - HOHOLA  
 HOHOLA CNR SHOP - GORDONS  
 TAURAMA SELF-SERVICE SUPERMARKET  
 TAURAMA



• Ol pipel long Bamako i amamas taim ami i tekova long Mali.

## Ami tekova long Mali

AMI long Mali i bin tekova long kantri na kalabusim Presiden Moussa Traore bihain long ol bikpela protes na mas i bin stap inap long 4-pela de olgeta. Dispela kantri bilong Wes Afrika i bin stap aninit long han bilong wanpela man nogut (dikteta).

Presiden bilong Mali Baristas Asosiesen, Idrissa Traore (tupela i no brata) i tok olsem ami i lukautim nau biktaun bilong Mali long Bamako.

Olgeta nait i bin pulap long bikpela



paia na pairap bilong katres na meknais long olgeta kona bilong siti.

Wanpela helt woka long Gabriel Toure haus sik i tok olsem ol i bin bringim bodi bilong tripela man i dai.

# Mani i kapsait wantaim blut long Kambodia

OLGETA paia long haus kuk, ausait long graun na klostu long ol haus i dai pinis. Dispela em biknait tru na olgeta paia bilong kukim kaikai na sindaun stori i dai pinis long Phnom Penh, biktaun bilong kantri Kambodia. Tasol i no longtaim, lait bilong ol wokabout lam i kirap long ol olupela Frans haus na ol arapela bikpela olupela haus i stap klostu.

Lait bilong mun i brukim klaut na pundaun antap long kapa bilong spet na sawol na pes bilong ol man em i pulap tru long tuhat. Dispela em ol man husat i brukim graun bilong painim mani na ol arapela samting em ol risman na meri bilong ol dispela haus i bin haitim bihainim oda bilong Pol Pot 16 yia i go pinis. Taim strongpela lait bilong moning san i laik kam antap, sampela moa bilong ol dispela blut mani bilong bipo i lusim graun na kamap ples kli.

Ol papa na mama tru bilong ol dispela mani, gol, silva na kain kain ston i gat bikpela mak bilong mani tru i no kam bek long kisim ol dispela samting bilong ol. Olsem na planti politisen na ol bisnisan na meri i statim nau bikpela wok bilong painim ol dispela gol, silva, mani na kain kain ston we i kamap olsem strongpela pos bilong holim Kambodia.

"Planti pipel i stat nau long baim graun na ol haus bilong ol risman na meri bipo. Bihain bai ol i kirap na brukim graun long ol dispela hap olsem wanpela man i raunim ol," wanpela ovasis wokman i tok.

Planti bilong ol dispela haus i wok long bagarap na i laik pundaun nau. Bipo, ol dokta, nes, tisa, bikpela saveman na meri na ol atis i save stap long en long ol yia pastaim long 1970.

Taim ol lain bilong Khmer Rouge i kirap long 1975, olgeta wokman bilong em i tokim olgeta manmeri long sanap ausait long rot na stat wokabout i go ausait long taun. Nogat wanpela man o

meri i bin sakim tok bikos olgeta i pret. Na insait tasol long wanpela de, nogat wanpela man, meri o pikinini i bin stap long taun ya.

Taim Pol Pot i kisim pawa, em i tokim olgeta risman na meri long dispela taim, "Planim olgeta gol bilong yupela long graun na go bek long wanem hap em mama i karim yupela long en."

Planti i no bin kam bek. Ol bai kamap birua bilong Pol Pot aninit long nupela lo bilong em long klinim olgeta Kambodia long han bilong ol ovasis man na meri na statim gen olgeta samting olsem long bipo.

Foapela yia bihain, liklik lain tasol husat i stap yet na tingim dispela liklik taun i kam bek. Planti haus i laik pundaun tasol ol gol na silva na mani i stap yet aninit long graun olsem ol papa na mama bilong ol i bin putim bipo.

Khmer Rouge i no oraitim kain sindaun bilong risman na meri na mani. Olsem na namba wan samting em i mekim taim em i kisim pawa em long kukim beng bilong taun. Na olgeta mani tu i lus wantaim long dispela taim. Em i laikim olsem olgeta pipel i mas stap wankain.

Ol bikpela haus i gat planti plua long en bipo i bilong wanpela ris famili bilong kantri Frans tasol, na nau, wanpela grasrut famili i save slip wan wan plua. Planti bilong ol dispela famili i bin ranawe long kantri bilong ol yet bikos i gat bikpela pait wantaim ol rebel paitman nabaut.

Bihain long nupela gavman gen i kisim ples bilong Pol Pot long 1979, lo i tambuim tru toktok bilong wokim winmani na helpim yu yet. Tasol nau ol rabisman, meri na pikinini i kisim taim long han bilong ol bikpela risman na meri husat i gat planti mani long han bilong ol long tromoi nabaut.

Ol bisnisan na politisen i wok long kisim mani taim ol i statim bisnis long boda wantaim ol lain bilong kantri Thailan na Vietnam.

## Bikpela pret long ol Zulu


TUPELA wik i go pinis, Lillian i kisim wanpela presen i kam long ol pren bilong em. Dispela presen em longpela naip em i sap nogut tru na i strong moa. Ol pren i wokim handel bilong dispela naip long hap ain yet.

Lillian i save stap wok long liklik taun bilong Alexandra long Johannesburg, Saut Afrika. Olgeta nait, em i save putim dispela naip long het pilo bilong em na slip, bikos em i pret long ol grup bilong ol Zulu em i save kam na pretim ol nabaut.

Lillian i bilong lain Sotho wanpinis bilong KwaKwa hauslain. Em i bin kam long dispela hap liklik taun bilong Alexandra bilong wok.

Dispela meri i no save sapotim Afrikan Nesenel Kongres (ANC). Olsem na sapos wanpela bikpela ileksen i bin kamap tumora o neks wik, Lillian bai tromoi olgeta vot bilong em i go long Presiden De Klerk na ol lain bilong em long Nesenel Pati.

## Gutpela sindaun tanim nogut



• Pastaim tupela marit ya i gat gutpela samting na haus. Tasol nau taim Gavman bilong Saut Afrika i senis, ol i kisim helpim nau long ol narapela manmeri long stap laip

## Kot tok orait long kalabusim

### Praim Minista bilong Solomon Ailan

SIEV Mejistret bilong Solomon Ailan, Michael Lodge i givim pinis tok orait long ol plisman long holim na kalabusim Praim Minista Solomon Mamaloni bihain long em i no bin kamap long kot.

Nesenel Providen Fan (NPF) i bin kotim Mamaloni na tupela arapela seaholda bilong Fotu Fibreglass kampani bikos ol i no baim \$506 i go long nesenel pensen plen (pinis mani bilong wokman na meri bilong kampani).

Mamaloni na tupela arapela man ya i no bin kamap long kot.

Bihainim dispela, wanpela prosyekyusen opisa bilong NPF i askim Mista Lodge long givim tok orait (waren) bilong ol plisman long holim na kalabusim ol dispela tripela man.

Bel mani bilong wan wan em \$325, taim ol i no bin kamap long kot.

Fotu kampani i save wokim ol glas na plastik bilong kanu, tenk bilong wara na ol arapela samting olsem tebol na sia.

## 12-pela krismas mama tromoi bebi bilong em kam ausait long windo

LONG Nu Yok, biktaun bilong Amerika, tupela wokman bilong kisim pipia i bin sevim laip bilong wanpela nupela liklik bebi taim ol i harim em i krai long ples pipia. Tupela man ya i bin mekim olsem pastaim tasol long ol i statim masin bilong memem ol pipia ya.

Ol plisman i tok olsem mama bilong dispela liklik bebi i gat 12-pela krismas tasol. Dispela yangpela mama i tokaut olsem em i bin karim liklik pikinini ya long namba 4 plua bilong wanpela longpela haus na pasim em long parasut bilong tromoi ol pipia na tromoi em i kamdaun long graun. Ol plisman i no sasim yangpela meri ya yet long wanpela trabel.

Tupela wokman ya i bin harim krai bilong pikinini long 9 klok moning na ripot long ol plisman. Saiden Philip Insardi i tok em i sruk i go insait long liklik dua bilong pipia masin ya na putim lait bilong wanpela sutlam antap long ol pipia em ol wokman i laik memem nau.

"Lek bilong pikinini ya i sut i kam aninit long sampela niuspepa," em i tok. "Bebi ya i slip gut tru antap long ol pipia na em i no meknais o krai taim mi sruk i go long kisim em." Sapos tupela wokman ya i bin statim masin bilong memem pipia, "ating dispela pikinini bai nogat moa nem long graun".

Rop bilong bel bilong bebi ya i bin stap yet taim ol i painim em. Ol i kisim em i go hariap long haus sik bilong kisim marasin na rausim rop bilong bel ya. Pikinini i nogat narapela bagarap long skin bilong em.


Ol plisman i bin toktok wantaim ol manmeri husat i stap klostu na wanpela mama i tokaut olsem ating pikinini meri bilong em i mas karim na tromoim dispela bebi. Bihain ol plisman i go long Thelma J. Hamilton Junia Haiskul na rausim meri ya long klasrum.

"Em i bin haitim toktok pastaim," plisman Saiden Timothy Phelan i tok. "Mipela i kisim em i go long Brookdale Haus sik na ol dokta i sekap na tokaut olsem yangpela ya i bin karim pikinini i no longtaim i go pinis."

Long ai bilong ol dokta na ol plisman, dispela yangpela meri i autim toktok olsem em i bin karim bebi ya na tromoim em long parasut i go daun long ples pipia. "Em i no tokaut long husat em papa bilong pikinini ya na em i bin slip wantaim wanpela man o nogat," ol plisman i tok.

Pikinini man ya bai stap long haus bilong ol pikinini i nogat papa na mama taim em i lusim haus sik.


## Bikpela ain tawa kilim 14 pipel



• Dispela bikpela ain tawa bilong 1994 Esia Gems long Hiroshima long Japan i bin pundaun na kilim 14 pipel. Planti ka tu i bin kisim bagarap.



# 20<sup>FOOT</sup> CONTAINER SERVICE



**LAE/ MADANG/ WEWAK  
RETURN  
EVERY WEEK**

25 TON SINGLE LIFT CAPACITY

## LUSHIP

LAE - LUSHIP

MADANG - LUSHIP

WEWAK - SEPIK COASTAL

Ph: 422066 Fax: 425806 Telex: 44172 P.O. Box 1459

Ph: 822577 Fax: 822180 Telex: 82726 P.O. Box 789

Ph: 862578 Fax: 862796 Telex: 86123 P.O. Box 118



### Ol Bogia laik autim supamakot

OL PAPA bilong graun i no amamas long kampani i lukautim wok bilong Yakuasa kau fam insait long Bogia Distrik bilong Madang.

Na ol pipel i laikim provinsal gavman na Egrikalsa Beng long sekap hariap na stretim dispela hevi.

Wanpela mausman i tok ol lain i lukautim wok bilong kau fam i bringim pinis planti kau i go long Enga provins bilong baim kompensesen na menesmen i stat tu long lukautim ol pik arere long banis bilong Bogia Supamakot.

Em i tok dispela i no gutpela bikos em i ken bringim sik olsem na menesmen i mas rausim hariap.

"Taim nupela menesmen i bin kam lukautim projek, em i rausim olgeta wokman na meri bilong Bogia na Madang na kisim ol ausait lain."

Mausman i tok kampani i wok long salim ol pipela ka bilong em i go long ol lain bilong hailans na i no tingim ol asples pipel.

Nesanel gavman i tok Bogia Hotel na Bogia Supamakot i hap bilong Yakuasa kau fam.

## Prais bilong kopra, kopi na kakao i bin pundaun las yia

SAM VULUM i raitim

PE bilong olgeta kes krop long kantri i bin go daun long las yia, na raba na ti tasol i go antap.

Ripot bilong Beng bilong Papua Niugini bilong Desemba long las yia i tok long wankain taim tu namba bilong kopi, kakao, raba na ol timba em PNG i save salim i go long ol narapela kantri i go daun. Tasol namba bilong welpam em PNG i save salim i lain go antap. Namba bilong ti, kopra wel na ol pis i stap wankain.

Taim pe bilong ol samting i go daun, gavman i bin givim sampela mani long ol stabilisese fan bilong ol dispela kes krop long strongim wok bilong ol.

Ripot i tok tu olsem pe bilong kopi i go daun tu long 1989. Pe i go daun long K1,623 na i no K2,533 olsem long 1988. Long 1990, pe i bin stap daunbilo insait long mum Januari inap long Mas, tasol bihain i go antap gen.

Namba bilong kakao em PNG i save salim i bin go daun long 33,900 tan we i bin stap long 46,600 tan long 1989. Dispela i kamap bihain long ol kakao plantasin long Not Solomons i bagarap. Na pe bilong kakao i pundaun nogut tru long K1,230 long 1988 i go long K970 long wanpela tan long 1989. Tasol pe i orait liklik long 1990. Pe i bin stap namel long K900 na K1,000 long wanpela tan.

Tasol namba bilong kopra em PNG i save kamapim i wok long go daun olgeta taim na dispela i kamap insait long faivpela yia olgeta nau. Dispela i bagarap olgeta long 1989 na 1990 taim hevi i kamap long Bogenvil.

Namba bilong kopra em PNG i save kamapim i pundaun long 60,700 tan long 1989 i go long 55,000 tan long 1990. Na mani em PNG i kisim taim i salim kopra em i pundaun tu long K231 long 1989 i go long K158 long 1990.

## Sandaun statim wokas yunien

OLGETA wokman na meri long Sandaun provins bai kmaap strong tru sapos olgeta i bihainim wanpela tingting long kirapim wanpela yunien bilong ol yet.

Siaman bilong Aitape Wokas Yunien, Stephen Sio i mekim ol dispela toktok taim em i laik lusim Vanimo na go bek long Aitape bihain long em i luksave long pasin bilong paitim na skelim ol toktok bilong ol yunien na bosman long kibung bilong ol eksekutiv bilong Sandaun Timba Wokas Yunien na ol bos bilong Vanimo Fores Prodak long 4 Mas, 1991.

Mista Sio i tok em i laik bai olgeta wokman na meri bilong Lumi, Nuku, Telefomin, Amanab, Grin Riva, Aitape na ol liklik stesin i mas gat wanpela yunien bilong ol. Em i laik bai ol i senisim nem Aitape Wokas Yunien i go long Sandaun Misesenies Wokas Yunien.

### Ol Manam pretim graun i bruk long solwara

BIKPELA graun i bin bruk aninit long Tabelebris long Manam insait long Madang. Na dispela i kamapim bikipela pret namel long ol manmeri.

Ripot i tok dispeal graun i bruk aninit long solwara na i wok long kaikaim graun i kam

arere long ailan.

Long stat bilong dispela yia, graun i bin bruk na daunim ol kanu, diwai, haus kopra na ol hus bilong raun bilong kisim wara.

Dispela graun i bruk inap long 200 mita longpela na 100 mita i go daun na i wok long

Mista Sio i tok em i bin go long Vanimo bilong bungim Jenerel Seketeri bilong Sandaun Timba Wokas Yunien Mathias Kunuangi long kirapim wanpela Jenerel Wokas Yunien.

Em i tok i gat bikipela wok tru bilong kamapim dispela senis. Em bai rejistaim Aitape Wokas Yunien, wantaim yunien long Vanimo na kirapim Sandaun Misesenies Wokas Yunien.

Siaman bilong Aitape Wokas Yunien i tok as tru bilong kirapim dispela yunien i bilong banisim ol wokman na meri long olgeta 6-pela distrik wantaim.

Na tu long skulim ol wokman na meri long ol senis nau i wok long kamap insait long kantri. Mista Sio i tok em i gat 200 memba long yunien bilong em na sapos em i ken kisim narapela wan tausen memba long ol arapela 5-pela distrik bai em i kamap bikipela na strong olgeta.

bruk isis isi yet.

Long 3, Januari long 4 klok moning, graun i bin bruk tasol i no bagarapim wanpela samting. Wanpela man bilong ples, Peter Goixama i bin singautim olgeta lain bilong ples long kirap na kisim ol samting na go long

narapela hap na stap.

Ol manmeri i haraip na rausim sampela kanu bilong ol.

Ol save man bilong stadi long ol maunten paia i tok bikipela graun i wok loong bruk isi isi aninit long solwara olsem na ol pipel i mas lusim dispela ples.

## Haus kalabus i sot long kantri

SAMTING olsem 14,00 manmeri i save go kalabus long olgeta hap bilong kantri long wanpela yia, tasol i no gat inap haus kalabus bilong lukautim ol.

Ekting Komisina bilong Koreksenal Sevis Komisin (CIS), Henry Tokam i tokaut long dispela long wanpela kibung bilong lo na oda long las wik.

Mista Tokam i tok i gat 21 haus kalabus long kantri, 17tasol i op nau long kisim ol man na meri. Ol narapela i pas pinis.

Antap long dispela hevi, tupela provins, Manus na Galp i nogat ol haus kalabus. Na taim kot i kalabusim ol manmeri long dispela tupela provins, ol i mas kisim na putim ol long ol narapela haus kalabus. Tasol Mista Tokam i tok ol i save painim

hevi, long wanem pe bilong balus i go antap na CIS i nogat mani.

Em i tok wanpela hevi tu em ol haus kalabus i nogat ol gutpela ol haus bilong lukautim ol kalabusman na meri. Mista Tokam i tok taim ol manmeri i save go kalabus, ol i save putim ol long grup.

Ol meri i stap long wanpela hap, ol yanpela mangi bilong ol yet, ol lain i wet kot na ol lain kalabus tru long narapela hap. Tasol em i tok ol i no inap long mekim dispela long wanem ol i no gat inap ol haus.

Em i tok dispela nau i wanpela bikipela hevi long CIS. Long wanem ol man i save stap wantaim ol liklik mangi na planti ol kain kain trabel i kamap.

### Mani i tok!



• Westpac Beng long Waigani i pulap stret long ol kastoma long las Fonde, bipo long longpela lita wiken. Poto Ivan Bayagau.

## Tripela haiskul kisim K400,000

NESENEL Eksekutiv Kaunsil (NEC) i tok orait pinis long givim K400,000 bilong stretim tripela provinsal haiskul long kantri, Coronation haiskul long Kerema, Galp provins, Tusbab haiskul long Madang na Togoba Haiskul long Westen Hailans provins.

Praim Minista Rabbie Namaliu i tok ol tripela skul ya i bin bagarap tru na i mas kisim helpim bilong nesanel gavman long stretim. Em i tok ol tripela skul i bin askim long K300,000 (Kerema haiskul), K50,000

bilong Tusbab na Togoba Haiskul i bin askim long K50,000.

"Dispela mani i bilong stretim haus bilong ol tisa, ol klasrum, haus slip bilong ol studen, wara saplai na toilet. Kerema haiskul nau i stap long bikipela pret bikos ol helt opisa inap pasim skul long wanem ol toilet na wara saplai i no gutpela tumas," Mista Namaliu i tok.

Dipatmen bilong Woks bai sekap long olgeta bagarap long ol tripela skul na givim ripot long kos bilong olgeta.



■ MERI Tolai na Papua i bilas narakain stret na wokabaut long haus pasindia bilong Jacksons ples balus long Mosbi. Bilas bilong tupela i narakain stret olsem ol waitman na olgeta manmeri long ples balus i lukluk strong long tupela. Meri Papua i kirap na tokim meri Tolai, "It's too hot up here in PNG". Na meri Tolai i bekim na tok, "Yes, yes. Oh dear, Astaralia is sweet moa ya!"

Roni Dowab Poyoo Madang

□ WANPELA man wantaim meri na pikinini bilong em i stap. Tasol papa i save hait na porenim narapela meri. Long nait, papa i kirap isi tasol lusim long haus na i laik go lukim pren meri bilong em. Pikinini bilong em lukstil na kirap bihainim papa i go. Papa i no save olsem pikinini bilong em i bihainim em long baksait.

Taim em i kamap long haus bilong pren meri bilong em, papa i suplim han i go insait long hul bilong haus na i laik kirapim meri ya. Han bilong em i go abrus na tasim liklik sua bilong meri ya. Meri kirap na singaut, "Yu husat! Yu husat!". Papa i sanap isi tasol bikos em i save olsem em i asupinis. Pikinini i sanap long baksait na tok, "Mi wantaim papa ya."

Roni Dowab Poyoo Madang

■ WANPELA lapun Sepik i kalap long PMV na i laik go long taun. Nem bilong ka ya em 'Stap isi, em i kam nau'. Lapun saitim gut tru tasol long rot, ol plisman i stapim ol ka na sekim ol pasindia. Ol plisman i i sekim ol ka i kam na lukim lapun na askim em, "Where do you come from?" Trangu lapun i blakaut tru long hap tok ya tasol em i gat hap bilong bekim tu. Olsem na em i tokim ol plisman, "Yankeam wop was witan stap isi, 3 buk katen." Man ol plisman i paul na givim hatwan stret long het bilong lapun.

Robin Wage Lae

□ TUPELA lapun i save poro gut tru. Tupela i save stori gut tru i go na Wanpela taim hailans i singautim Sepik long kam na harim wanpela stori. Sepik i kam nau na hailans i tokim em,

"Mi save tokim yu long ol provins's long hailans tasol mi no bin tokim yu long tripela yet. Mipela i gat Isten Hailans, Westen Hailans, na Sauten Hailans provins. Yupela i gat kain olsem tu o?" Sepik kirap na tokim em, "Mipela i gat Is Sepik, Wes Sepik na Saut Paspik." Man Hailans i harim olsem na em i ting Saut Pasifik i stap long hap bilong Sepik na em bilip tru. Sepik i tok moa olsem, "Taim san i hat tumas mipela save i go long mun". Hailans i tok, "Ating yupela i save kisim pawa bilong yupela long san a?" Sepik tok, Yesa yu tok stret."

Hailans tok, Taim yupela ol Sepik wantaim san i slip long nait, mipela Hailans i save go long mun. "Sepik i harim olsem na i no wan bel long poro bilong em. Na tupela pait nogut tru.

Kelly Elia Rabaul

■ KANAGE wantaim meri na pikinini i slip long haus long wanpela nait. Long dispela nait i gat bikipela guria i kamap na haus i maknais nabaut. Ai bilong Kanage i op na em tingting planti i stap. Na em i pilim olsem haus i laik pundaun nau. Kanage i no wet. Kwiktaim tasol em i karim pikinini bilong em na tupela i ron i go autsait long haus. Tasol long ausait, Kanage lukim olsem em karim meri na i no pikinini bilong em. Em belhat na tromoi meri i go daun na ron i go bek long haus na karim pikinini i kam aut. Taim tambu i harim dispela stori, em tokim Kanage, "Yu giaman ya, yu no laik bai stua i pas, olsem na yu karim mama bilong em."

Terris. H. Sulu Bialla



# OL PAS SPESEL

## Wokim haus sik long Ramu

**Dia Edita,**  
Mi wanpela manki kunai na mi gat liklik belhevi long Madang na Morobe provinsal.

Mi laik askim inap tupela provinsal gavman lukluk long kamapim wanpela gutpela helt senta long Ramu Sugar long helpim ol sik manmeri na ol man we kisim bagarap long Lae Madang haiwe?

Wanpela taim ol raskol i bin bagarapim wanpela man long rot tasol taim ol i kisim man ya i kam long Ramu Sugar i nogat gutpela marasin olsem na ol i kisim em i go long Lae. Namel long rot yet em i dai.

Plis kain pasin bai i stap yet sapos tupela gavman na nesenel gavman i no lukluk long dispela hevi. Long lukluk bilong mi, planti man i bin kisim bagarap long haiwe na i dai bikos nogat gutpela helt sevis.

Ramu em i wanpela gutpela ples long putim ol kain samting i stap long lukautim ol manmeri bilong haiwe.

**Gibsie Gigub.**  
**RAMU SUGAR**

## Miski tok nogut long paplik

**Dia Edita,**  
Mi wanpela manki nating tasol long Ramu Sugar na mi laik sapotim pas bilong susa ya Susan Enoch i bin kamap long *Wantok Niuspepa* long 28, Februari 1991.

Susa ya i komplem olsem em save harim ol manmeri tok nogut long pablik ples we ol planti pikinini i stap long en.

Susa yu tok tru stret, ol kain lain ya no gat sem bilong ol long tok nogut long ai bilong ol manmeri na pikinini. Sampela bilong ol save tok nogut long tokples bilong ol na mi lukim olsem dispela kain pasin i no gutpela tumas. Yumi ol manmeri mas save olsem Papua Niugini em i wanpela kristen kantri na yumi noken tok nogut long pablik ples.

Tu planti manki i stap raun nabaut i stap na dispela kain pasin bilong tok nogut long ai bilong pablik bai bringim moa hevi long bihain taim.

Hevi bilong dispela graun save kamap bikpela long ol kain longlong man na meri olsem save tok nogut long ai bilong ol planti manmeri.

Plis yupela ol kain manmeri olsem traim na yusim het bilong yupela long ol pablik ples.

**Tonnie Mall.**  
**RAMU SUGAR:**

## Memba bilong finsafin i stap we?

**Dia Edita,**

Mi wanpela manki bilong Karanasafen tasol nau mi stap long Lae siti. Mi laik putim kamap long *Wantok Niuspepa*.

Askim olsem. Yupela ol pipel bilong Finsafen makim memba bilong yupela long makim maus bilong yupela long Nesenel Palamen, tasol em i go we nau?

Mi no harim em liklik long redio o niuspepa long wok developmen bilong Finsafen. Ating em i go long Mosbi na i dai pinis na yupela ol pipel bilong ples i wetim developmen nating i stap.

Mi laik tok olsem sapos sampela yupela long i gat wankain tingting orait ating moa beta yupela i mas askim.

Nau yet i no gat wanpela developmen kamap long ples na bikpela hat wok i kamap long painim mani. Taim bilong ileksen ol kain memba olsem save kamap long ples na giaman givim moni long baim vot bilong ol.

Dispela em i no gutpela bikos bai yumi krai yet long wok developmen.

**Sina Monti.**  
**SOKANENG, FINSAFEN:**

## Moa yangpela mas joinim ami

**Dia Edita,**  
Mi wanpela manki Enga tasol nau mi stap long Kimbe taun, Wes Nu Briten provins. Mi laik bekim pas bilong brata John Yandua. Pas bilong em i bin kamap long *Wantok Niuspepa* bilong 7 Mas, 1991.

Brata ya i askim olsem gavman i mas kisim moa yangpela manki long joinim ami.


Mi sapotim tru toktok bilong em. Na mi laik skruim tok olsem gavman i mas putim moa mani i go insait long strongim PNG Difens Fos.

Gavman i mas kisim 600,000 soldia moa.

Long lukluk bilong mi, Indonesia i gat moa long 3 milien soldia. Na PNG gat liklik namba tasol. Dispela i soim olsem ol i ken winim mipela, sapos mipela i pait wantaim ol long boda.

Gavman i mas skelim dispela na kisim moa manki long joinim soldia.

**Laitak Enenge**  
**KIMBE**



## Nogat sik long kalapim kaikai

**Dia Edita,**  
Mi laik bekim pas bilong brata Mike Petrus bin kamap long Januari 21. Em i tok long ol meri Tolai i save sindaun antap long kaikai na taim ol narapela manmeri baim na kaikai ol i save kisim sik long kalapim kaikai. Sapos yu no lukautim skin bilong yu gut bai yu kisim sik. Em tasol na nogat rot long kisim sik long kalapim kaikai.

Sapos yu laik bekim em laik tasol.

**Iapas Rabhael**  
**RABAUL**

## Ol meri noken putim longpela trausis

**Dia Edita,**  
Mi wanpela manki Goroka, Isten Hailans provins tasol nau mi stap long Hagen, Westen Hailans provins. Mi laik sapotim pas bilong Maxie. Pas bilong em i bin kamap long *Wantok Niuspepa* bilong 24 Januari, 1991.

Brata i komplem long ol meri i save putim longpela trausis na saitim kona raun long taun. Mi sapotim tru olgeta toktok bilong brata ya.

Mi yet save lukim planti meri nambis na hailans i save putim pas jin longpela trausis wantaim sampela mek ap olsem pen long mau, yau ring na so op raun long taun.

Toktok moa long dispela, susa Rose Bais i bin rait long *Wantok Niuspepa* bipo na sapotim ol meri long dispela.

**Reex kumowe**  
**MT HAGEN**

## Planti nois long Gunaur

**Dia Edita,**  
Mi laik komplem long pasin nogut sampela Sepik i save mekim long Gunaur plantasin, Is Nu Briten provins.

Wanpela taim mi bin go slip long hap. Man mi painim hat stret long slip. Ol i pilaim redio wantaim tep rekota i go inap tulait.

Na long moning ol i save kirap wantaim redio yet.

Ating yupela ol dispela Sepik i no save tru long pes bilong redio ya. Ating yupela i kam long Rabaul na lukim pes bilong redio.

Mi tokim yupela stret, ol narapela manmeri tu i gat redio. Olsem na yupela i mas malolo liklik long pilaim redio bilong yupela.

Ating pes bilong yupela i olsem bilong redio stret ya.

**James Pone Hinol**  
**KOKOPO**

## Go bek long ples na wok

**Dia Edita,**  
Mi wanpela manki Makam insait long Lae Morobe provins. Mi save go kam long Lae na wanpela samting mi no amamas em long lukim ol manmeri bilong Hailans save raun nating stret olsem ol i no gat ples bilong ol.

Long wanpela taim mi lukim ol i paitim nating brata bilong mi na askim long kisim mani insait long poket bilong em. Dispela pasin ol i mekim stret long ai bilong mi.

Nau mi save pinis long kain pasin bilong yupela ol Hailans. Yupela save raun nating stret long taun long stilim mani bilong ol manmeri. Kain pasin ya i no gutpela liklik long ai bilong ol kristen bilong dispela graun.

Traim na i go bek gen long ples bilong yupela na mekim sampela wok long helpim yupela yet. Stilim mani long baim kaikai na i stap long taun em i no stret-pela we.

Mi lukim olsem ples bilong yupela i gutpela moa long ol arapela ples insait long Papua Niugini.

**Jessy Morais.**  
**MAKAM.**

## Raun nating long Kapore

**Dia Edita,**  
Mi wanpela manki Finschaffner tasol nau mi stap long Kimbe long welpam provins.

Mi laik autim wari bilong mi olsem. Mi save lukim ol manki Dagua long Kapore olgeta taim i save raun nating. Ol i save raun na paitim ol man nating na pulim ol meri.

Yupela i mas stap isi long blok bilong yupela na helpim papa na mama bilong yupela long ol liklik wok. Yupela i save so op na raun olsem yupela i save wok.

**Jesly M.**  
**KIMBE**

## Ol meri Yabob mekim pasin nogat

**Dia Edita,**  
Mi wanpela meri Sialum husat i stap nau long Kraget Ailan insait long Madang provins.

Mi no amamas long pasin ol meri Yabob i save mekim. Dispela em long putim long longpela trausis tumas. Mi lukim dispela na i no gutpela tumas long ai bilong mi.

Traim na stap olsem mipela ol meri. Na maski long traim kamap narakain long ai bilong God papa.

Em tasol toktok bilong mi. Mi bai i amamas long lukim wanpela bekim i kamap long *Wantok Niuspepa*.

**Lana Parai**  
**Graget Ailan**  
**MADANG**

## Giaman long apim pe bilong wokman

**Dia Edita,**  
Mi laik komplem long ol bikman bilong Taboona plantasin long Kokopo, Is Nu Briten provins. Ol i bin promis long apim pe bilong ol plantasin woka, tasol nogat wanpela samting i kamap yet.

Long Desemba, 1990 mipela ol wok bor bilong Taboona plantasin i bin stap wok long tripela de olgeta. Mipela i mekim olsem long soim ol bos olsem pe mipela i kisim i no bikpela inap long sapotim famili bilong mipela.

Dispela taim papa bilong plantasin, CPL kampani wantaim wanpela bos, Mista Leba i kisim wari bilong mipela.

**Rocky Tawe**  
**KOKOPO**



**CAMBRIDGE**  
**A MAJOR SPONSOR**  
9th SOUTH PACIFIC GAMES

## Smok i bagara-pim skin

**Dia Edita,**

Mi wanpela manki Fin-shaffen tasol nau mi stap long Kimbe, wel-pam provins.

Mi laik sapotim pas bilong brata ya Bona Etetang. Em i bin tok-tok long ol mangi i save smuk. Mi tu i gat wankain tingting. Taim i lukaim ol mangi i save smuk, mi no save amamas.

Mi save lukim na mi save pilim trauf. Mi laik tokim ol manki i save smuk olsem mi sori long yupela.

**Isiriang Hoebapa KIMBE**

## Maski long trausis

**Dia Edita,**

Mi wanpela manki Kimbe na mi laik bekim pas bilong brata ya John Marakas i bin kamap long *Wantok Niupepa* long sampela wik i go pinis.

Brata yu tok tru stret bikos ol meri save putim trasis na siot bilong ol man olsem na planti hevi save kamap. Plis mi laikim yupela ol meri mas ritim baibel long buk bilong 1 Timothy 2:9-15.

Mi lukim olsem sapos yupela i lukim ol toktok bilong Timothy bai yupela ken senisim pasin bilong yupela.

**B.L Vava KIMBE.**

## Noken trabel wantaim plis

**Dia Edita,**

Mi wanpela manki Suten Hailans na mi stap long Moem Bareks long Wewak. Mi laik autim wari bilong mi i go long ol sampela lain man husat i save laik mekim trabel wantaim ol plisman na ami.

Mi laik tok olsem yu laik soim yu wanem kain man tasol yu mas save olsem mipela i mekim samting bihainim lo bilong kantri olsem na mipela i no inap long abrisim.

**Kagua Naki WEWAK**

# Stap long ples na wok bisnis

**Dia Edita,**

Mi laik bekim pas bilong brata Peter Aron bin kamap long Wantok No 869. Brata ya i tok long gavman i mas kisim moa manki long ples long joinim ami na plis fos insait long kantri.

Brata mi laik agensim

toktok bilong yu bikos nau yumi mas save olsem kantri bilong mipela i gat planti hai skul na sinia hai skul we planti gred 10 na 12 i pinis skul tasol i no gat wok bilong ol. Yumi mas tingim dispela samting na stap isi long ples na helpim long givim wok long ol

skul liva bilong mipela. Yumi ol gras rut i mas stap long ples na strongim ol wok bilong planim kopi, kopra, kakao na ol arapela wok developmen bilong ples.

Yumi ol manmeri bilong ples i gat wok long ples olsem na

yumi i no ken giaman pasim spes bilong ol skul manki long painim wok long taun bikos taim ol i pinis long skul na no gat wok bai ol i mekim ol pasin raskel nabaut long ol taun bilong mipela.

**Mao Kijebo KIMBE**



## Nupela nem bilong Lae stedium

**Dia Edita,**

Mi wanpela manki Morobe tasol nau mi stap long Biiala long Wes Nu Briten provins.

Mi laik sapotim pas bilong menesa bilong Butibam Progress Asosiesen Sam Moses bin tok long makim nem bilong wanpela lida bilong Morobe stret long stedium long Lae.

Mipela ol manki Morobe long Wes Nu Briten provins tu i no wanbel long nem bilong Sir Ignatus Kilange long dispela stedium.

Mipela Morobe yet i gat planti lida i gat biknem na ol i bin kamapim bikpela helpim na senis long Morobe provins olsem na nem bilong ol i mas kamap long kain samting olsem.

**Gasleng Yaine BIALLA**

## Tingim ol pipel bilong yu

**Dia Edita,**

Mi wanpela manki Morobe tasol nau mi stap long Mosbi siti. Mi laik autim wari bilong mi long pasin mi lukim long ol memba husat i resis long kisim ol sia long Morobe provinsal gavman.

Pastaim yupela i bin mekim ol kankain tok gris long wanem samting bai yupela i mekim long taim yupela i win. Tasol yupela i mas save olsem dispela kain pasin tasol em olupela gavman i bin bihainim na ol i go bagarap olgeta long yia bipo i kam. Sapos yu

lida tru bilong ol pipel bai yu glasim na luk save gut tru long ol olupela hevi bilong olupela gavman na aburisim long dispela yia.

Tingim ol pipel na gutpela amamas bilong ol manmeri long bihain sapos yu ting olsem yu no mekim ol tok promis nating. Ol manmeri i harim olgeta tok promis bilong yu pinis na sapos yu aburis bai mipela i askim yu bihain.

**Leni Zero MOSBI**

## Ol meri mas putim dres na laplap

**Dia Edita,**

Mi wanpela manki Sandaun tasol nau mi stap long Wes Nu Briten provins. Mi wok long SBLC long Buluma.

Mi laik bekim pas bilong brata ya Koiti Wape i bin kamap long niuspepa long sampela taim i go pinis. Mi laik save olsem taim yupela ol meri i putim ol longpela o sotpela trausis bilong ol man, yupela i save sem long ol man o nogat?

Mi ting olsem ol meri i save putim ol trausis bilong ol man em i no ol meri tru. Em ol meri bilong rot tasol. Olsem na i moa gutpela yupela i lusim dispela kain pasin na putim stret ol samting bilong yupela olsem ol sket na laplap wantaim ol klos.

**Peter Kuni BULUMA**

## Yumi stap long nupela laip

**Dia Edita,**

Mi laik bekim pas bilong susa ya Tico Gario bilong Milen Be, husat i tok em i stap nau long Lae siti. Pas bilong susa ya i bin kamap long *Wantok Niuspepa* Namba 868 bilong Fonde 21 Februari, 1991.

Susa ya i bin egensim pas bilong susa Jenny na i tok i nogat samting long ol meri i putim trausis, bikos mipela i stap nau long nupela laip na stail.

Em i tok tu olsem planti meri i wok meri. Olsem na ol i baim ol dispela klos laplap long mani ol i hatwok na kisim.

Ating susa Tico, yu i mas tingting gut pastaim na bihain yu toktok. Tru olsem mipela i kisim independens, tasol dispela i no tok yu fri long olgeta samting. Nogat.

Mani i kamap long hatwok bilong yu. Em i tru tumas. Tasol yu i mas baim samting bilong yu meri stret.

**Clement Bagirum MADANG**



**Nem: Joel Petrus**

**Krismas: 18**

**Edres: P O BOX 406, KEREVAT, ENBP**

**Hobis: Mi wanpela manki Morobe tasol mi stap long Is Nu Briten provins. Mi save laikim long salim pas i go kam long ol pen pren. Yu husat i laik kamap pren bilong mi orait raitim pas i kam na mi bai amamas long bekim.**

**Mi save laik lukim vidio, harim musik, pilai basketbal, soka na lukim ben i pilai.**

**Nem: Paul Coshie**

**Krismas: 20**

**Edres: Logging & Trading Co, Pty. Ltd.**

**PO BOX 392, KIMBE, WBNP.**

**Hobis: Mi wanpela manki Madang tasol nau mi stap long Wes Nu Briten provins. Mi laik mekim pen pren wantaim ol manmeri bilong Madang, Manus, Rabaul, Kavieng na ol arapela provins tu. Mi laik senisim pas, senisim ol poto, pilai basketbal, pilai volibal, lukim TV, mekim fani na bungim kain kain pes long olgeta hap.**

**Nem: Timuxs Maxwell**

**Krismas: 16**

**Adres: Portion No. 901, Sec. 5.**

**Sarakolok Via, Nahavio, KIMBE, WBNP.**

**Hobis: Mi wanpela manki Morobe tasol nau mi stap long Kimbe long Wes Nu Briten provins. Mi laik mekim pren wantaim ol manmeri bilong olgeta hap bilong Papua Niugini. Mi save laik pilaim ol spot olsem soka, volibal, basketbal, harim ol gospel musik na go long yut bung.**

**Nem: Michael Aki**

**Krismas: 18**

**Adres: Ramu Sugar Limited.**

**PO BOX 2183, Gusap, LAE, MP.**

**Mi wanpela manki long Fugwa ples long hap bilong Koroba long Saten Hailans provins. Nau mi stap long Ramu Sugar long Morobe provins. Mi laik mekim pren wantaim ol yangpela meri husat i gat wankain krismas olsem mi.**

**Mipela tripela manki Hailans i laik mekim pren wantaim ol yangpela meri bilong Morobe, Is Nu Briten provins na sampela hap tu bilong nambis.**

**Nem: Eru Jon Mogia**

**Krismase: 19**

**Hobis: Wok mekenik, harim ol gospel musik, pilai ragbi, basketbal, mekim stori na ratim pas.**

**Nem: Paul Ka**

**Krismas: 18**

**Hobis: Go long skul, pilai soka, ridim buk na Baibel na tok pilai wantaim ol manki Hailans.**

**Nem: Martin Gwai (Wopa Samatex)**

**Krismas: 18**

**Hobis: Harim pop musik, bungim ol pren, mekim fani, pilai volibal, basketbal, ridim stori buk na go long lotu.**

**Edres: Wau Vocational Centre**

**C/ Bulob Vocational Centre**

**PO BOX 132**

**BULOLO, MP**

## Noken autim gutnius long tokples

Dia Edita,

Mi wanpela manki long Hagen na mi laik autim wari bilong mi long wanpela sios nau i wok long autim ol gutnius long Hagen taun.

Mi save laik long harim ol tok bilong God tasol wanpela samting ol lain ya i save mekim em, ol i autim tok bilong God long tok ples bilong ol yet.

Dispela i hat tru long mipela sampela lain long arapela hap long harim na klia long toktok ol i autim. Hagen taun i no bilong ol Hagen na Hailans tasol bikos ol nambis tu i stap long hap olsem na mekim ol kain lotu olsem long tok pisin bai olgeta manmeri i ken klia long toktok bilong yu.

Albert Kascar Sirupa  
HAGEN

## Ol Tairoks i no kisim helpim

Dia Edita,

Mi wanpela manki Tairoks insait long Kainantu eria bilong Isten Hailans provins. Nau yet mi stap long Mosbi siti.

Mi laik makim maus bilong ol Tairoks pipel na komplem long memba bilong mipela. Em i winim ileksen na i no tingim mipela moa.

Nau yet em i amamas raun long taun i stap. Na i no mekim wok mipela ol Tairoks pipel i makim em long mekim.

Mi laik tok dispela pasin memba i mekim i no gutpela tumas. Em i mas tingim ol pipel.

George R.  
BOROKO

## Larim ol meri stap

Dia Edita,

Mi wanpela manki Morobe tasol nau mi stap long Goroka taun. Mi laik sapatim pas bilong susa Eddiema Philip bin kamap long Fonde Mas 7. Em i tok long ol man i noken toktok planti long ol meri long putim samting bilong ol man.

Mi laik tok olsem yumi noken toktok planti long ol meri long wanem no gat wanpela samting bai kamap long kain komplem bilong yumi. Yumi ol man mas traim na toktok long ol samting bilong yumi ol man na lusim tingting long komplem tumas long ol samting ol meri i mekim.

Bikpela samting em mipela i mas save olsem ol meri i stap na mipela ol man i stap. Plis noken agensim ol tumas long wanem samting ol i laik mekim.

Timothy Gidi  
GOROKA

## Gavman ka i no helpim skul mangi

Dia Edita,

Mi wanpela manki Madang tasol nau mi stap long Lae siti na mi laik bekim pas bilong brata Norman Yawur bin kamap long Mas 7 long Wantok Niuspepa. Em i bin tok long taim em i stap long skul nogat gavman na bisnis ka i save helpim long skul manki long sotim rot bilong ol.

Brata, mi laik tok olsem mi tu bin stap long skul bipo na mi no save laik askim ol ka nabaut long helpim mi long sotim rot bilong mi. Sapos ol dispela ka bilong gavman na kampani i karim yu na painim birua long rot bai husat i baim kompesesen bilong yu?

Mara Baung  
LAE

## Tokples mas stap

Dia Edita,

Mi wanpela Sauten Hailans tasol nau mi stap long Rabaul long Is Nu Briten provins. Mi laik bekim pas bilong John Nuk Wanjay bin kamap long 7 Mas long Wantok Niuspepa.

Em i bin kros long Redio Rabaul i save ritim nius long tokples bilong ol Tolai yet. Mi laik tokim yu olsem em Redio stesin bilong ol Tolai manmeri na ol i mas harim ol nius long tokples bilong ol.

Anguma Walei Mamane  
RABAU.

## Ol grasrut tu o nogat

Dia Edita,

Mi wanpela manki Hailans tasol nau mi stap long Rabaul long Is Nu Briten provins.

Mi gat wanpela wari na mi laik autim nau. Mi bin lukim long niuspepa olsem Nesenel kot i bin rausim kot bilong olpela Plis Komisina, Paul Tohian na nau em i go fri.

Olsem na mi laik askim olsem, Nesenel kot i mekim dispela long Mista Tohian, tasol olsem wanem long mipela ol grasrut? Planti taim kot i no save mekim olsem long mipela ol grasrut.

Kot i save mekim olsem olgeta taim long ol man i holim ol bikpela wok taim ol i go long kot. Mi lukim dispela i kamap long Rabaul na long olgeta hap bilong PNG tu.

David Muru  
RABAU.

## Pe long stoa antap tumas

Dia Edita,

Mi wanpela manki Wosera long Maprik eria bilong Is Sepik provins, tasol nau mi stap long Rabaul taun long Is Nu Briten provins.

Mi no amamas long prais bilong ol samting long ol stua. Prais bilong ol samting nau i go antap tumas. Na mi no amamas long ol stoa i pulim bikpela mani tru.

Sapos prais bilong ol samting long stoa i go antap, orait pe bilong ol wokman tu long ol stua i mas go antap long samting olsem wan wan mun.

Bikos prais bilong ol samting nau i go antap tru, mi laik askim olsem husat i wokim heven na graun, Nesenel o Provinsal gavman. Yumi olgeta i save olsem God i wokim olgeta samting na wanpela lo bilong em i tok olsem noken stilim samting bilong narapela man.

Olsem na husat ol man o meri i mekim dispela kain pasin i mas tingting gut, long wanem God bai i lukluk long yumi wan wan long las de.

Robin Wingu  
RABAU.



## Askim gut ol man meri

Dia Edita,

Mi wanpela manik Goroba long hap bilong Sten Hilans provins tasol nau mi stap long goroka. Mi laik putim bel hevi bilong mi i go long ol pasin mi save lukim long olgeta stua na kampani. Long dua bilong ol, ol i hangamapim notis, NOGAT WOK.

Mi ting gutpela pasin i olsem sapos yu mensesa na bos i larim ol man laik painim wok i kam na yu askim em

pastaim. Sapos yu no gat wok orait tok gut long em na !artim em i go auti sait. Dispela kain pasin tasol i mekim na planti pasin raskol i save kamap long kantri bilong mipela. No ken raitim notis olsem no gat wok. Larim ol i kam insait na bihain yu ken askim em na lusim em i go bihain. Em tasol na husat i laik bekim em laik tasol.

Noah Mariagu,  
GOROKA

## Maket i bilong olgeta man

Dia Edita,

Mi wanpela manki Morobe tasol nau mi stap long Kimbe taun long Wes Nu Briten provins.

Mi laik bekim pas bilong brata N. John bin kamap long Mas 7 long Wantok Niuspepa. Em bin tok long ol meri gat bel i no ken go long maket.

Mi laik tokim yu stret olsem ating yu laik bai maket ples i bilong ol yangpela meri tasol long yu ken lukim na aigris long ol. Yu mas save olsem maket em hap bilong ol meri long baim kaikai bilong famili bilong ol.

Yu wet na lukim sapos yu wanpela pasindia man bai maski meri bilong yu i gat bel na yu krosim em long go maket yet.

Dispela kain nek yu mekim i no bilong ol man mama bilong ol i karim ol tasol ol man i kamap long sampela hap na kam.

Tirp Boney  
KIMBE

## Ol ben i mas kamapim stail bilong ol yet

Dia Edita,

Mi laik sapatim pas bilong wanpela susa bin kamap long Wantok Niuspepa long Februari 18. Em bin tok long ol ben long Kimbe i no ken bihainim musik na stail bilong ol ben long arapela provins.

Mi tu i no wanbel long ol kain ben olsem long bihainim ol musik bilong sampela lain. Sapos yu laim pilai musik yu yet mas kamapim stail na song bilong yu yet long ben bilong yu. No ken bihainim musik bilong narapela lain bikos em samting bilong sem. Sem tu i save go long ol lain bilong yu na yu yet olsem na lusim dispela kain pasin.

Sine Naru  
KIMBE

## Woda noken kaikai wantaim kalabus

Dia Edita,

Mi wanpela kalabusman long Lakimata long Kimbe. Mi laik autim bikpela belhevi bilong mi long pasin sampela woda bilong haus kalabus i save mekim long mipela ol kalabusman.

Wanpela woda nambisman i save kam insait long hap bilong mipela long kaikai na save kisim ol kaikai bilong mipela na kaikai. Dispela kaikai em bilong ol kalabusman tasol dispela wodaman ya i save painim kaikai i kam na kaikai ol rais bilong mipela.

Mipela ol kalabusman i no amamas long dispela kain pasin na askim sapos woda ya i gat haus bilong em yet orait em i mas kaikai stret long haus bilong em.

Mipela ol kalabusman i wok hat long stretim ol samting bilong ol na ol i noken mekim kain pasin long kisim kaikai bilong mipela.

Kalabusman  
KIMBE

## Giaman promis i mas pinis

Dia Edita,

Mi wanpela manki Kura long Henganofi tasol nau mi stap long Hagen taun. Mi laik autim belhevi bilong mi long ejinel memba bilong mipela long Isten Hailans long noken mekim moa giaman promis long ol ples manmeri.

Planti nesenel memba i wok long mekim planti giaman promis long ol ples manmeri long kainkain samting olsem bris, rot, skul, haus sik na planti moa. Tasol dispela tok promis bilong ol i no save kamap tru.

Mi laik tok klia long ejinel memba bilong mipela, Aita Ivarato long no ken draivim ka bilong em stat long Lufa i go long Kura na Okapa. Mipela i save olsem taim bilong nesenel ileksen i klostu na bai yu kam bek long giamanim ol manmeri gen. Plis no ken bihainim ol dispela rot gen.

Albert Kascar Sirupa  
HAGEN

## Ol Lumi laikim telepon

Dia Edita,

Mi laik makim maus bilong ol Lumi pipel insait long Sandaun provins. Mipela i askim nau nesenel na provin-sal gavman long putim pablik telepon long Lumi distrik.

Mipela i laik askim nau ol memba bilong mipela long tupela gavman wantaim long pait strong long dispela.

Planti taim mipela i save painim hat tru long salim na kisim tok-tok long ol pikinini, brata na susa i stap long taun. Na tu taim mipela i painim bikpela bagarap olsem wanpela famili memba i laik dai.

Mipela laik save tu sapos kain developmen olsem i stap long plen bilong tupela gavman, nesenel na provins o nogat. Inap wanpela mani toksave long mipela?

Em tasol na mipela bai i amamas tru long lukim wanpela bekim.

Imul Ninge  
LUMI

## Namaliu i asua

Dia Edita,

Mi wanpela manki Kompiam long Enga provins na mi laik bekim pas bilong susa ya Chirot Willa i bin kamap long Oktoba 25 long las yia.

Susa, yu wanpela meri Tolai na yu wok long sapatim Mista Rabbie Namaliu. Yu tok olsem olgeta hevi ya i stap bipo yet bihain long Mista Namaliu i kisim Gavman.

Tasol mi laik tok olsem dispela i no tru. Bipo taim Mista Michael Somare i stap, dispela hevi olsem long Bogenvil i no stap na tu em i wankain taim Mista Paias Wingti i kisim ples bilong Mista Somare.

Mista Namaliu i kisim gavman na olgeta ol kain kain hevi i kamap. Tasol mi no lukim Mista Namaliu i mekim wanpela samting long daunim ol dispela hevi.

Mark Ira  
KIMBE.



# MUSIK na TELEVISIEN



## Redi long "Nokondi Nama" 3

CHARLES Essyhafo bilong Goroka i redi nau long katim namba tri kaset bilong *Nokondi Nama* wantaim Chin Hoi Meen studio long Mosbi.

Tasol nau wanpela saitboi bilong Buakap viles long Salamaua, Morobe

provins bai helpim em. Dispela man em Michael Gedion husat bai pilaim lid na ritem gita na givim nek long ol singsing wantaim Charles. Boi Safanaga yet bai pilaim olgeta kibot na bes gita long sampela singsing. Long sam-

pela singsing. Dika Dai bilong studio yet bai pilaim bes gita.

Aninit long het tok "*Goroka, Kol Ples Goroka*", namba tri kaset bilong *Nokondi Nama* bai bihainim wankain stail olsem namba tu kaset em i bin winim lewa bilong planti

### PNG MUSIK

wantaim

FRANCIS ULIAU



man, meri na pikinini long olgeta kona bilong kantri.

Tasol long dispela kaset, ol singsing bilong Charlie na Michael i stap long 6-pela kain tok ples olgeta - Simbu, Morobe, Goroka yet, Tolai na Kerema. Olgeta narapela singsing long kaset bilong *Nokondi Nama* i stap long *Tok Pisin*. Tupela man ya bai katim 12-pela singsing olgeta long dispela kaset bilong *Nokondi Nama*.

As tingting bilong "*Goroka, Kol Ples Goroka*" i stori long wanem samting i kamap na stap nau long lsten Hailans provins. Dispela singsing i stori tu long wanem kain laip na sindaun long provins, hevi bilong lo na oda i stap olsem wanem.

Olsem Charlie yet i tok, "Insait long dispela singsing, mi laik tok save long ol turis na arapela manmeri olsem Goroka em i wanpela gutpela ples. Em i no olsem ol narapela provins bilong hailans we i gat planti toktok bilong pait na raskol na bikhet pasin."

Singsing i sut tu long kain gutpela rot bilong bihainim long Lae, i kam olsem long Wata Rais na go olgeta long Goroka. Wankain stori i sut tu long bihainim haiwe long Madang i go long Kainantu na go olgeta long biktaun bilong lsten Hailans provins.

Long ol dispela 12-pela singsing long namba tri kaset bilong *Nokondi Nama*, Charles yet i bin raitim na givim nek long 8-pela. Long ol narapela 4-pela, ol pren bilong em i raitim toktok na Charles yet i putim nek na musik long ol. Charles i mekim olsem long ol stringben na tumbuna singsing.

"Mi yet i bin givim nek long singsing bilong Kerema na Tolai. Tasol ol poro i helpim mi long raitim na bungim wantaim ol toktok bilong wokim stori."

Wok bilong redim na stretim namba tri kaset bilong *Nokondi Nama* i no inap isi. Bikos i gat ol kain bikpela musik na pairap bilong ol masin bilong meknais na wokim musik tu i

stap insait. Olsem na i luk olsem ol bai wokim dispela kaset inap long tripela o 4-pela wik olgeta.

"Mi amamas tru long helpim bilong Michael, bikos dispela bai inap helpim wok bilong katim namba tri kaset i pinis hariap," Charles i tok.

Michael Gedion i stap nau long Goroka. Tupela Charlie i bin bung long taim tupela i save raun na pilai long ol 626 ples bilong danis long Goroka. Boi Salamaua i bin bungim boi Safanaga long 1988 na tupela i kamap gutpela pren. Orait long las yia, tupela wantaim i bin helpim na bringim wanpela gospel grup bilong Goroka yet, "*The Salt Revival Singers of Goroka*" i kam bilong katim kristen kaset bilong ol. Kaset ya bai redi long taim bilong Mosbi So long mun Septemba.

Pastaim long dispela, Michael i save pilai wantaim *Cool Figures* bilong Madang. Long 1982 i kam inap long 1985, ol i go na stap pilai raun long Goroka. Bihain em i go pilai gen wantaim *UJB* s ben bilong Goroka yet na long 1987, em i go na pilai wantaim *Lofly Roots* i go inap long taim em i bungim Charles.

Stori bilong Michael long musik i no wankain olsem Charles. Papa bilong *Nokondi Nama* 1, 2, na 3 i bin go long

musik skul bilong kantri na lainim long pilaim ol samting. Michael i bin lainim musik taim em i stap pilaim kulele wan taim ol stringben bilong ples. Bihain em i kalap i go long gita na i kamap musikman bilong Goroka nau. Tasol bihainim dispela namba tri kaset bilong *Nokondi Nama*, Michael Gedion bai i kamap namba wan boi bilong Salamaua long katim wanpela kaset.

Ol sampela singsing long dispela kaset olsem *Spakman* i stori long wanem samting i save kamap oltaim long planti famili. Papa i go spak long fofoit na nogat mani bilong lukautim meri na pikinini. Na long Mande, em i kirap wantaim het i pen na go long wok. Tasol long belo, em i nogat mani bilong baim kaikai.

Sampela i singsing i stori tu long wanem samting ol politisen bilong yumi long gavman i mekim. Oli tingim poket bilong ol na i no tingim yumi ol pipel.

"Planti tingting bilong ol dispela singsing i kam long ol lain husat i save laikim kam stal musik bilong mi. Ol yet i salim pas i kam na askim sapos mi inap raitim singsing na stori long ol kain samting olsem," Charles i tok.



THURSDAY 4TH APRIL, 1991

- 8.00 TEST PATTERN AND MUSIC
- 3.57 STATION OPEN
- 3.30 KIDS KONA
- 4.00 ALVIN & THE CHIPMUNKS
- 4.30 TEENAGE MUTANT NINJA TURTLES
- 5.00 THE FLINTSTONES
- 5.28 EMTV TOKSAVE
- 5.29 NATIONAL EMTV NEWS BREAK
- 5.30 HOME AND AWAY
- 6.00 NATIONAL EMTV NEWS
- 6.30 A CURRENT AFFAIR
- 7.00 NEIGHBOURS
- 7.30 HEY DAD
- 8.28 EMTV TOKSAVE
- 8.29 NATIONAL EMTV NEWS UPDATE
- 8.30 21-JUMP STREET
- 9.28 NATIONAL EMTV NEWS UPDATE
- 9.29 EMTV NEWS MAGAZINE
- 9.30 SPORTS ACTION
- 10.30 CHARLIE'S ANGELS
- 11.30 NATIONAL EMTV LATE NIGHT NEWS (G)
- 11.57 MEDITATION (G)
- 12.00 STATION CLOSE

FRIDAY 5TH APRIL, 1991

- 8.00 TEST PATTERN AND MUSIC (G)
- 3.27 STATION OPEN
- 3.30 FAT CAT
- 4.00 ALVIN & THE CHIPMUNKS
- 4.30 TEENAGE MUTANT NINJA TURTLES: "The Big Rip Off"
- 5.00 THE FLINTSTONES
- 5.28 EMTV TOKSAVE
- 5.29 NATIONAL EMTV NEWS BREAK
- 5.30 HOME AND AWAY
- 6.00 NATIONAL EMTV NEWS
- 6.30 A CURRENT AFFAIR
- 7.00 NEIGHBOURS
- 7.30 FAMILY TIES (G)
- "My Mother My Friend"
- 8.00 AUSTRALIA'S FUNNIEST HOME VIDEO SHOW (G)
- 8.28 EMTV TOKSAVE
- 8.29 EMTV NEWS MAGAZINE
- 8.30 SPORTS ACTION
- 10.28 NATIONAL EMTV NEWS
- 10.29 EMTV NEWS MAGAZINE
- 10.30 CHARLIE'S ANGELS "He Married An Angel" (PGR)
- 11.30 NATIONAL EMTV LATE NIGHT NEWS
- 11.57 MEDITATION
- 12.00 STATION CLOSE

SATURDAY 6TH APRIL, 1991

- 8.00 TEST PATTERN AND MUSIC
- 3.57 STATION OPEN
- 4.00 BONANZA: "The Real people of Muddy Creek"
- 5.00 LAVERNE & SHIRLEY (G) "Crime Isn't Pretty"
- 5.28 EMTV TOKSAVE
- 5.29 NATIONAL EMTV NEWS BREAK
- 5.30 SPECIAL: "Gateway To Opportunity" (G)
- 6.00 NATIONAL EMTV NEWS
- 6.30 HEY HEY IT'S SATURDAY
- 8.00 TO BE ADVISED
- 8.58 EMTV TOKSAVE
- 8.59 NATIONAL EMTV NEWS
- 9.00 HAWAII 5-0:
- 9.59 EMTV NEWS MAGAZINE
- 10.00 SPORT SPECIAL
- 12.00 NATIONAL EMTV LATE NIGHT NEWS
- 12.27 MEDITATION
- 12.30 STATION CLOSE

SUNDAY 7TH APRIL, 1991

- 8.00 TEST PATTERN AND MUSIC (G)
- 1.57 STATION OPEN
- 1.30 BUSINESS SUNDAY (G)
- 2.30 SUNDAY
- 4.30 BONANZA
- 5.30 NATIONAL EMTV NEWS
- 5.53 THE ROAD TO THE 1991 SOUTH PACIFIC GAMES (G)
- 6.00 SPORTS ACTION
- 7.26 CHIT CHAT WITH SIR PAULIAS MATANE
- 7.30 60 MINUTES
- 8.29 EMTV TOKSAVE
- 8.29 NATIONAL EMTV NEWS UPDATE
- 8.30 SUNDAY NIGHT MOVIE: "Tron" (G)
- 10.00 GUNSMOKE (PGR) "Island In the Desert - Part 2"
- 11.30 NATIONAL EMTV LATE NIGHT NEWS
- 11.57 MEDITATION
- 12.00 STATION CLOSE

MONDAY 8TH APRIL 1991

- 8.00 TEST PATTERN AND MUSIC (G)
- 2.57 STATION OPEN
- 3.00 KIDS KONA (G)
- 4.00 KTV
- 4.30 TEENAGE MUTANT NINJA TURTLES
- 5.00 THE FLINTSTONES
- 5.28 EMTV TOKSAVE
- 5.29 NATIONAL EMTV NEWS BREAK
- 5.30 HOME AND AWAY
- 6.00 NATIONAL EMTV NEWS
- 6.30 A CURRENT AFFAIR
- 7.00 NEIGHBOURS
- 7.30 THE YOUNG DOCTORS
- 8.28 EMTV TOKSAVE
- 8.29 NATIONAL EMTV NEWS UPDATE
- 8.30 THE EQUALIZER
- 9.28 NATIONAL EMTV NEWS UPDATE
- 9.29 EMTV NEWS MAGAZINE
- 9.30 CHARLIE'S ANGELS (G)
- 10.29 EMTV NEWS MAGAZINE
- 10.30 AIRWOLF
- 11.30 NATIONAL EMTV LATE NIGHT NEWS
- 11.57 MEDITATION WITH PASTOR WALO ARNI
- 12.00 STATION CLOSE

TUESDAY 9TH APRIL, 1991

- 8.00 TEST PATTERN AND MUSIC (G)
- 3.27 STATION OPEN
- 3.30 KIDS KONA (G)
- 4.00 KTV
- 4.30 TEENAGE MUTANT NINJA TURTLES
- 5.00 THE FLINTSTONES
- 5.28 EMTV TOKSAVE
- 5.29 NATIONAL EMTV NEWS BREAK
- 5.30 HOME AND AWAY
- 6.00 NATIONAL EMTV NEWS
- 6.30 A CURRENT AFFAIR
- 7.00 NEIGHBOURS
- 7.30 THE YOUNG DOCTORS
- 8.28 EMTV TOKSAVE
- 8.29 NATIONAL EMTV NEWS UPDATE
- 8.30 THE EQUALIZER
- 9.28 NATIONAL EMTV NEWS UPDATE
- 9.29 EMTV NEWS MAGAZINE
- 9.30 CHARLIE'S ANGELS (G)
- 10.29 EMTV NEWS MAGAZINE
- 10.30 AIRWOLF
- 11.30 NATIONAL EMTV LATE NIGHT NEWS
- 11.57 MEDITATION WITH PASTOR WALO ARNI
- 12.00 STATION OPEN

WEDNESDAY 10TH APRIL, 1991

- 8.00 TEST PATTERN & MUSIC
- 2.57 STATION OPEN
- 3.30 FAT CAT (G)
- 4.00 KTV
- 4.30 TEENAGE MUTANT NINJA TURTLES
- 5.00 THE FLINTSTONES
- 5.28 EMTV TOKSAVE
- 5.29 NATIONAL EMTV NEWS BREAK
- 5.30 HOME AND AWAY
- 6.00 NATIONAL EMTV NEWS
- 6.30 A CURRENT AFFAIR
- 7.00 NEIGHBOURS
- 7.30 MEKIM MUSIC
- 8.28 NATIONAL EMTV NEWS UPDATE
- 8.29 EMTV TOKSAVE
- 8.30 GILLETTE WORLD SPORTS SPECIAL
- 8.58 NATIONAL EMTV NEWS UPDATE
- 8.59 EMTV NEWS MAGAZINE
- 9.00 SPORTS SPECIAL
- 11.00 AIRWOLF
- 21.00 NATIONAL EMTV LATE NIGHT NEWS
- 12.27 MEDITATION
- 12.30 STATION CLOSE

G - General Exhibition PGR - Parental Guidance Required AO - Adults Only

# Masalai pis maritim yangpela meri

LONG bipo tru long pies Kuariangua long la Sepik provins i gat wanpela lapun meri na pikinini meri bilong em i stap.

Wanpela taim mama na pikinini i toktok long go painim saksak long bus long bik moning. Tupela i kirap long bik moning na kukim ol kaikai bilong tupela pinis na kisim sampela wantaim ol samting bilong wokim saksak na go long bus.

Tupela i go long bik bus na painim nau hap bilong katim saksak

inap tupela i painim wanpela. Mama wantaim yangpela pikinini meri bilong em i mekim save long katim saksak. Lapun i laik katim kru bilong saksak tu long wokim purpur bilong em. Em i tokim yangpela pikinini meri bilong em long dispela na pikinini i tokim mama long go het na em bai wokim saksak.

Mama i go sindaun gut long wanpela kona bilong em yet na i stat long wokim purpur bilong em taim pikinini meri i mekim save long

saksak.

I no longtaim na wanpela pis i kam arere long wara na lukim yangpela meri ya na i aigris tru long em. Em i wok long tingting sapos em i ken maritim dispela yangpela meri.

Em i go bek aninit long wara na tokim papa bilong em long dispela meri tasol papa bilong em i lap long em na i no bilip long tok bilong pikinini bilong em. Papa bilong dispela pis em strongpela masalai bilong dispela wara. Narapela brata

bilong dispela pis gen i kam antap na i lukim meri ya gen na i go bek tokim papa tasol papa i no bilip long tok bilong ol.

Trausel yet i kam antap na i lukim dispela yangpela meri na i go bek tokim papa bilong ol yangpela pis olsem ol stori ya i tru tasol. Trausel yet i sia bilong papa bilong ol pis long dispela wara.

Papa bilong ol pis i harim olgeta stori i go pinis na em i save pinis long wanem samting bilong mekim. Em kirap

stretim ol hap kavar na hap lip bilong tumbana pinis na kam antap na lukim meri ya i mekim save long tanim saksak i stap.

Taim tu i go long apinun na wara i wok long slek i go daun.

Masalai pis ya i kam tasol na mekim posin bilong em na pulim yangpela meri ya i go long wara. Meri ya i sanap na em pilim olsem tupela lek bilong em i pas wantaim na wanpela pawa i pulim

em strong tru i go daun long wara.

Meri ya i krai na singaut long mama bilong em husat i stap longwe long em na i wok long wokim purpur bilong em i stap. Lapun mama i laik kam helpim em tasol masalai nogut ya i pulim meri ya i go long wara na karapim bikpela tait long wara.

Bikpela wara i tait i kam long lapun meri ya na em holim wanpela hap diwai bilong strongim em yet na

ranawe long bikpela wara. Lapun meri i go na planim dispela hap diwai long narapela sait na wara i kam stap long dispela hap na i go bek.

Trangu lapun meri i krai long pikinini meri bilong em na i go long ples. Long dispela hap lapun meri i sanapim diwai long em i gat bikpela raun wara i stap nau na i gat planti pis long en.

Moses Singe  
LAE

## LAIPLAIN

### Mi laik lusim meri bikos em i bin paul

Dia Laiplain,

*Mi maritim wanpela meri bilong ples yet na i gat tripela pikinini. Tripela ya i go pinis, meri bilong mi i go raun wantaim narapela man, na dispela i bagarapim olgeta laip bilong mi. Mi lusim pasin kristen tasol mi save beten na askim God yet long stirim mi.*

*Mi laik lusim nau dispela meri na painim narapela, tasol dispela i no isi. Sapos yupela i kisim pinis pas bilong wanpela meri husat i bin painim wankain hevi olsem mi, inap yupela i salim nem na adres bilong em i kami o nogat?*

DISTURBED.

Dia Pren,

Mipela luksave long hevi bilong yu. Pastaim mipela i laik tok kila long yu olsem *Laiplain* i gat strongpela lo tru bilong holimpas olgeta toktok, nem na adres em ol pipel i salim long mipela.

Mipela i no kila tumas long wanem samting yu min long lusim kristen pasin taim meri bilong yu paul nabaut, tasol mipela i wari long harim olsem. Toktok bilong yu i sut long lotu o yu lusim kristen bilip o wanem samting tru? Wanpela as mipela i wari bikos dispela em wanpela krai taim bilong laip we tingting na toktok bilong kristen bilip inap gvim bel isi na gutpela tingting long stretim laip bilong mipela.

Planti kristen i save olsem traim long bilip long ol i save kamap ples kila taim oi i bungim kain hevi olsem na sapos bilip bilong ol i strong, ol inap winim dispela traim. Ating i gutpela olsem yu toktok wantaim pater o pasto bilong yu long dispela.

Taim mipela i toktok long kristen bilip, mipela i save tingim tu wanpela as tok bilong lusim sin o fogivim arapela. Yu tok olsem meri bilong yu i bin raun wantaim narapela man tripela ya i go pinis, na ating nau em i no moa mekim dispela pasin. Dispela i tru o nogat? Em i bin wokim penens long sin bilong em na askim yu long fogivim em tu o nogat? Sapos em i mekim olsem, bilong wanem na yu i no inap lusim ol rong bilong em. Dispela em i wanpela bikpela traim long skelim kristen bilip bilong man/meri. God i save lusim rong bilong mipela sapos mipela i wokim penens, na em i laikim olsem mipela i mas bihanim em na mekim wankain. Long dispela hevi bilong yu, em bai hat liklik long lusim rong bilong meri bilong yu, tasol dispela em askim na bikpela laik bilong God o nogat?

Ating i gat wanpela as na meri bilong yu i mekim olsem. Inap yu painimaut dispela as na traim daunim em long kamap gen o nogat? Wanpela tok piksa i olsem ating yu no bin soim em tru long laik bilong yu. Yu save haitim dispela laik na mekim narapela samting. Inap yu daunim dispela na senisim pasin olsem bai em i ken stap amamas wantaim yu long bringim gutpela sindaun na famili o nogat?

MI LAIPLAIN.

## KOKI

Scarlet Macaw kili (longpela bilong dispela koki em wan mita)



Macaws em ol bikpela koki (parrot) na bai yu ken lukim ol isi bikos ol i gat bikpela lait kala gras long pes na tel. Ol i save stap long Saut Amerika.

I gat moa long 300 kain kain koki, na planti bilong ol i save stap tupela tupela long bik bus. Tasol bikpela bagarap i kamap nau long planti bik bus. Olsem na moa long 100 kain kain koki bai i no inap stap moa long graun. Bikpela wok i kamap nau long lukautim ol gutpela kala pisin long bikbus bilong mipela.



TU MINIT TINGTING

FRANK MIHALIC i raitim

GALIP I SKULIM YUMI

"Ol i rabim ol pikinini bilong wit long han bilong rausim skin bilong ol." (Luk 6:1)

LONG Papua Niugini yumi gat kain kain galip long bus. Talis tu em i wanpela kain galip, na kasang o pinat em tu em i galip. Orait, nau yumi painim wanpela skul insait long olkain galip. Olget galip i gutpela long kaikai, tasol yumi no inap kaikai skin bilong en. Yumi mas rausim skin pastaim, nau yumi kamap long kru na kaikai.

Olkain galip i skulim yumi long dispela samting; planti taim kru tru bilong wanpela samting i hait insait long wanpela skin. Wanpela astingting tu em inap hait insait long kain kain tok o wok i karamapim em. Orait, nau yumi stori long dispela samting.

Long wanpela de wanpela meme i wokabaut antap long wanpela tri i slip na i wokim bris

antap long wanpela wara. Meme ya i bungim narapela meme namel long dispela liklik bris. Namba wan meme i tok, "Yu klia long dispela bris." Namba tu i bekim, "Yu waialus meme; mi bin kamap pas long dispela bris. Yu yet yu mas klia." "Nogat tru," namba wan meme i tok, "Yu yangpela manki nating; mi lapun pinis. Yu mas givim spes long mi."

Nau tupela i tok pait tasol i go ..... Orait, nau tupela i bamim het bilong tupela bilong kliaim bris. Tasol tupela wantaim i pun-daun long wara daunbilo.

Orait, as bilong dispela stori em i pasin bikhet bilong tupela meme. Tupela wantaim i praut, i hambak, i no laik surik liklik. Dispela pasin bilong tupela em i

olsem kru bilong galip. Na tupela meme yet, wantaim dispela bris na wara - ol i oisem skin i karamapim galip.

Long laip bilong yumi i gat planti kain eksampel we tok na wok na pasin bilong yumi i olsem skin i karamapim astingting tru bilong yumi. Long Baibel i gat kain eksampel tu. Yu tingim tasol stori bilong Adam na Iy long bigin bilong Buk Baibel. Tri bilong paradais, na snek, na prut bilong tri, na Adam na Iy yet - ol i olsem skin bilong galip tasol. Kru i stap insait long dispela stori, em i fridom bilong tupela bilong bihainim lo bilong God o nogat. Na bikos tupela i egens long lo bilong God, orait, tupela i painim taim nogut.

Em i lo bilong galip: strong-

pela skin na ausait bilong en i haitim na karamapim gutpela kru bilong kaikai. Nogut yumi lukim ausait tasol na yumi lus tingting long gutpela kaikai i stap insait.

Nau mi laik wokim narapela stori bilong tupela meme gen, bilong soim narakain astingting, i olsem kru bilong galip. Orait, tupela meme bilong ol maunten, tupela i wokabaut long liklik rot tru i hangamap long sait bilong wanpela maunten i go daun moa. I no gat spes bilong tupela i wokabaut wantaim. Na sapos tupela i bamin het bilong tupela bilong kliaim rot long narapela meme, tupela wantaim inap pundaun long maunten na bagarap olgeta. Tupela i save pinis.

Orait, nau tupela maunten meme i mekim wanem? Wanpela i pulim lek bilong em i go insait, na em i slip long graun. Na narapela i wokabaut antap long em, na olsem tasol tupela maunten meme i stretim wari bilong tupela. Wanpela i soim daunpasin; em i larim narapela meme i wokabaut antap long em, na olsem tasol na tupela wantaim i win.

Olsem tasol yumi lukim, pasin bilong meme i olsem skin bilong galip. Na daunpasin i stap insait long bel na tingting, em i olsem kru bilong galip.

Em tasol i skul bilong galip. Pasin bilong man o meri em i skin bilong galip, em yumi inap iukum. Tasol tingting bilong man o meri em i olsem kru bilong galip. Yumi no inap iukum.

Sios kaunsil makim namba wan siameri

NAMBA 26 bikpela kibung bilong Melanesia Kaunsil bilong ol Sios i bin pinis long Mosbi tupela wik i go pinis. Tupela bikpela senis i bin kamap tu namel long ol 7-pela memba bilong kaunsil.

Nem bilong kaunsil nau i senis i go long Papua Niugini Kaunsil bilong ol Sios na long namba wan taim tru, kaunsil i makim wanpela meri, Misis Rose Muingnepe, long kamap siameri.

Senis long nem bilong kaunsil i no kamap nau tasol. Nogat. Eksekutiv seketeri bilong Kaunsil, Reveren Kila Pat i tok olsem tingting bilong dispela senis i bin kamap long las kibung yet. Tasol ol i no bin holim vot long en i kam inap nau.

Reveren Kila Pat i tok ol kaunsil i makim Misis Muingnepe long holim wok siameri bihainim tingting bilong Wol Kaunsil bilong ol Sios. "Long olgeta hap

bilong wol, i gat bikpela tingting long luksave long wok bilong meri insait long sios. Na long Papua Niugini, mipela i sapotim dispela tingting."

Ol memba bilong kaunsil i bin oraitim tu tingting bilong kirapim gen wanpela Social Concerns Desk. Dispela em wanpela tebol bilong kaunsil long lukluk helpim hevi bilong man na meri long kantri. Ol memba i bin sapotim tu tingting

bilong kirapim wanpela tebol bilong ol yut long kaunsil.

Kepten Lapu Rawali bilong Salvesen Ami i holim wok bilong lukautim mani bilong kaunsil. Na nupela Vais siaman em John Moipu.

Kibung i bin kamap long Grainville Motel na i stap inap long tripela de. Olgeta memba sios bilong kaunsil i bin kamap long kibung.

SIL na Baibel Asosiesen i bungim wok



Jastis Minista na Atoni Jenerel bilong Papua Niugini, Bernard Narokobi i planim diwai bilong makim bikpela de em SIL na Baibel Translation Asosiesen i bung wantaim long wok. Poto: Peter Niesi.

Isten Hailans amamasim gutpela Ista wiken

ISTEN Hailans provins i bin stap isi tru long taim bilong amamasim Ista wiken. Wan wan liklik trabel tasol i bin kamap long dispela taim.

Long Gut Fraide, planti handred pipel na memba bilong ol kain kain lotu olsem Katolik, Yunaited, Lutheran na Engliken Sios i bin bung long Goroka taun na karim wanpela bikpela diwai kruse na wokabaut raunim Goroka taun. Ol i statim dispela wokabaut

bilong ol long Wes Goroka bihainim bikpela haiwe i go kamap long Pis Pak (Lukim poto daunbilo).

Long Pis Pak, olgeta wantaim i bin bung na holim bikpela lotu bilong tingim indai na kirap bilong Bikpela Jisas Kraus long dispela taim. Bihain i bin gat malolo long Sarere, Sande na Mande wantaim olsem olgeta arapela hap bilong kantri.

Olgeta wok na samting i bin stat long Tunde gen.

Baibel Sosaiti i bin wok gut long 1989/1991

LAS yia na 1990 em ol yia bilong bikpela wok na gutpela taim bilong autim toktok bilong God. Eksekutiv seketeri bilong PNG Baibel Sosaiti, Reveren Stephen Pirina mekim dispela toktok taim em i autim 1989/1990 ripot bilong em long bikpela kibung bilong Sosaiti long Gordons Lutheran Sios long Sande, 17 Mas.

Reveren Pirina i tokim kibung olsem Sosaiti i bin brukim na tilim gut ol wok nabaut. Maski i bin gat bikpela nevi bilong mani insait long kantri, Sosaiti i bin wok gut.

Ripot bilong eksekutiv seketeri i go olsem; Ol Baibel

- 68,332 we i bin 40,000 daunbilo long mak em ol i givim. Sosaiti i bin givim 52,659 Testamen we dispela tu i sot long 13,000.

Reveren Pirina i tok olsem mak bilong ol samting i pundaun long 1990 bikos kantri i bin painim bikpela hevi bilong mani long dispela taim. Dispela i bin givim bikpela hevi tu long baim hariap ol Tok Pisin Baibel na i no gat inap mani bilong wokim gen ol Inglis baibel em i wok long pinis hariap tru. Long dispela as, sampela wok bilong tanim ol baibel i go long ol tok ples i no kamap hariap.

Gutpela wok bilong Sosaiti i

bihainim dispela Literesi Projek inap long 5-pela yia.

Aninit long dispela projek, Sosaiti i yusim ol Shell Buk long wokim ol samting em i isi na gutpela long komyuniti i ritim. Dispela ol buk i helpim tu wok bilong tok save long helt, rot sefti na ol kain samting olsem.

Rot bilong yusim mani long Sosaiti i bin gutpela tru. Tasol gutpela rekot bilong mani em Sosaiti i gat long en i pinis taim ol i autim Tok Pisin Baibel. Long kisim gen dispela mani, Sosaiti i no givim tumas dinau, na pasim liklik mani bilong ol woka long

yusim na wok.

Ripot bilong mani bilong yia i kam inap long 31 Oktoba, 1990 i redi nau. Sosaiti i luksave tu long tupela olpela wokman bilong en husat i ritai nau. Tupela man ya em Tomadu Nawa husat i lusim nau Sosaiti bihain long 15 yia na Damuli Wiyawa husat i pinis nau bihain long 9-pela yia.

Sosaiti i givim bikpela tok amamas i go tu long Sista Regina Hines bilong Katolik Sios husat i ritai long wok wantaim Bod bilong Baibel Sosaiti bihain long em i stap planti yia nau.

Lutheran strongim lo na oda long haiskul

TENPELA haiskul pasto bilong Simbu na Westen Hailans provins (ELC-Simbu/Jiwaka Distrik) i bin bung long Kewamugl Insevis Senta klostu long Kerowagi long wanpela stadi kos inap long wanpela wik. Kos ya i bin stat long 10 Mas na pinis long 16 Mas, 1991.

Sampela pasto i bin kam long ol longwe ples tru olsem Dreggerhafen na Bramin (Apa Ramu).

Het tok bilong dispela stadi kos i sut long: "Kirapim Lo na Oda na Sekim Gut Wok bilong ol Studen long RI Klas".

Ol rilises instraksen stadi i save kamap long olgeta haiskul. Nesenek gavman i sapotim tru dispela skul

bikos em i as bilong lainim ol studen long gutpela laip na sindaun.

Olsem na long kos, ol haiskul pasto i lainim rot bilong redim gut ol studen na putim tingting bilong gutpela kristen sindaun na disiplin laip insait long klasrum. Dispela inap helpim tru ol studen long lainim gut samting i laikim wanem samting tisa i givim ol long mekim.

Wok RI i bikpela samting insait long skul bilong lainim na stretim na redim ol studen long ol ekeim. Bikos long dispela taim, tisa inap luksave sapos samting em i bin skulim ol studen i go insait long het bilong ol o nogat. Na ol studen yet inap tokaut sapos ol i bin lainim tru samting long skul.



Ol pipel bilong Goroka i karim bikpela diwai kruse na wokabaut raunim Goroka taun i go long Pis Pak bilong holim lotu. Olgeta sios i bin bung wantaim na mekim olsem. Poto na stori: Sape Metta.

# WANTOK

NIUSPEPA BILONG OL PAPA NIUGINI STRET

# PABLIK NOTIS

Sapos yu laik advertais, telepon 25 2500 na askim long

MIRI AORI long Ext 203  
JOHNATHAN BONIEPE long Ext 215  
KOSINTO FOSAGU long Ext 216



## TENDA

Toksave i go nau long ol pipel bilong kam lukluk na stretim toktok bilong baim:

1989 Toyota Land Cruiser Inc Kopi Bodi ka Rejistresen Namba AFT 346, Blupela kala.

Yupela i mas save olsem mipela i no inap oratim mak bilong tenda em i bikpela tumas sapos mipela i no laikim. Olgeta tenda nem na fom i mas kamap long opis pastaim long 5 Epril, 1991

Adres bilong nam ol tenda em:

THE MANAGER,  
PAPUA NEW GUINEA BANKING  
CORPORATION  
P.O. BOX 71  
WESTAK LAE

Toktok waim bilong M. J. ...  
2344 sapos yu laik advertais, telepon 25 2500 na askim long ka.

## HEPI BETDE

Happy belated 2nd birthday greetings to



## JUNIOR MICHAEL MIKE ALPHA.

Love and Kisses from uncles, aunts, grannies of Lae, Pom & Kiunga. Not forgetting big daddy Jay Laurie of Lae & mum of KSL Kiunga. Love "U" son & God bless "U", B O L A

## Christian Books Melanesia

Mipela wokim pinis wanpela naispela buk bilong helpim yu kisim save moa long tok bilong God. Lukim ol gutpela kala kala foto na piksa.



Ol gutpela buk bilong yumi

Yu ken baim dispela buk long Kristen buk stua long hap bilong yu.

Pras em t  
**K4.95**



Dipatmen  
bilong



Tred na Indastri

## EKSPOT MAKETING SEMINA

Dipatmen bilong Tred na Indastri wantaim Australia Institut bilong Ekspot bai holim

## EXPORT TO EXPAND

Wanpela semina bilong strongim na kliaim gen save bilong ol memba long mekim stret wok bilong salim ol samting i go ausait olsem bai Papua Niugini inap sindaun gut long bisnis maket long wol.

Ples: De:  
Mosbi - 29 Epril i go inap long 3 Me  
Lae - 6 Me i go inap long 10 Me

Long save moa na rejistaim yu yet, toktok wantaim ol lain bilong: Tred na Indastri Promosen Brens, Department of Trade & Industry, P.O. Wardstrip, Waigani, NCD.  
Telipon: 27 1733 o 27 2299

Las de bilong rejista em long Fraide 12 Epril, 1991.

Some believe history repeats itself. Others read The Times

THE TIMES

Call  
**THE TIMES**  
**25 2500**



**FAX 252579**

WORD PUBLISHING

PNG

# BUSINESS

Subscription rates



12 ISSUES

PNG	.....	K20
AUSTRALIA, NEW ZEALAND	.....	K30
SINGAPORE JAPAN	.....	
HONG KONG	.....	K35
USA, EUROPE	.....	K42

### PNG BUSINESS SUBSCRIPTION NOTICE

Please send me \_\_\_\_\_ PNG Business papers for 1 year  
Total cost \$ \_\_\_\_\_ in payment  
PNG Business is published 12 times per year

WRITE YOUR NAME & ADDRESS HERE


PLEASE RETURN TO: CIRCULATION DEPT  
PNG BUSINESS, P.O. BOX 1982, BOROKO, NCD

**WANTOK**

NIUSPEPA BILONG OL PAPUA NIUGINI STRET

**PABLIK NOTIS**

Sapos yu laik advertais, telepon 25 2500 na askim long

MIRI AJORI long Ext 203  
JOHNATHAN BOMEPE long Ext 215  
KOSINTO FOSAGU long Ext 216**PNG COFFEE RESEARCH INSTITUTE****Attention All Coffee Farmers!****PINK DISEASE**

Pink disease is caused by a fungus and has for long been considered a minor disease. Due to favourable conditions, such as prolonged wet weather, the disease has been reported to have developed to epidemic proportions, causing considerable losses in some areas.

Every coffee grower should be aware of this disease and the control measures to be taken.

**SYMPTOMS**

The symptoms of this disease are at first superficial, and appear as fine white threads on stems, branches or berries. The affected young twigs can later become brown and die. When the older stems are affected, the mycelial threads (fungus) change into a pale pink crust, and the fungus enters the bark and kills it. When the infection surrounds the whole stem or branch, the upper parts of the infected portion will die, causing the young beans to turn brown.

**TREATMENT**

1. Heavy shade and/or unpruned coffee, tend to maintain high humidity in wet seasons, favouring fungus development. Correct shade density and pruning will minimise disease infection and development.
2. Infected laterals should be cut back and burned on site, or placed in a large plastic bag and removed from the coffee to be destroyed elsewhere.

Any infection on the uprights should be cleaned and treated with copper paste (mix just enough water with copper powder to make it sticky). Where the infection has reached an advanced stage, it may be advisable to stump the tree and burn all the affected branches.

3. Pink disease also lives on, and attacks, a wide range of other plants, eg crotolaria, pigeon pea, citrus, tea, bougainvillea, tephrosia, silly oak and many ornamental plants. Therefore, it is essential to pay attention to all other plants grown in and around coffee. Should these plants be infected with Pink Disease, they must be treated and/or removed from the coffee.

Any coffee growers requiring more information should contact:

**PNG COFFEE RESEARCH INSTITUTE**  
**P.O. BOX 105, KAINANTU**  
**EASTERN HIGHLANDS PROVINCE**

**PHONE : 77 3511 / 52**  
**FAX : 77 3524**

# MOSBI WINIM TUPELA 1991 TAITEL

MOSBI i winim Nesanel Sofbal Taitel bilong ol man na meri wantaim long Ista wiken.

Olsem na 1991 Nesanel Mens na Wimens sofbal taitel hangamap nau long man bilong ol man na meri Mosbi.

Ol man i pilaim strongpela gem tru na winim strongpela tim bilong Ga elle Matua

Sofbal Asosiesen (GASA) 9-6.

Ol meri i bagarapim stret sindaun bilong ol meri Goroka 14-2 long ai bilong planti man meri tru long Bisini Sofbal Graun.

GASA em nupela asosiesen em i bin kamap long Rabaul, Is Nu Briten provins. Dispela yia em namba wan taim bilong GASA

ka 15-7.

Na long Mande 1 April, 1991 Mosbi i autim GASA 9-2 long go insait long gren fainal long resis bilong ol man.

Gasa i pundaun tasol ol i no aut yet. Rabaul i bin winim sempionsip taitel bilong ol man long las yia. Orait Gasa i bungim Rabaul na autim ol 8-1, na winim gen sans long bungim Mosbi long gren fainal.

Gren fainal bilong ol meri i bin kamap wansait liklik we ol meri Mosbi i bagarapim stret sindaun bilong ol meri Goroka long stat bilong salens.

Dispela i bin wanpela strongpela gem bilong ol meri Goroka, tasol ol meri Mosbi i laki long winim gen dispela taitel ol i lusim long Lae long 1989.

Las yia ol Tabubil i stapim ol meri Mosbi long go insait long fainal. Mosbi i laki liklik long dispela sempionsip bikos Goroka i no malolo gut bihain long tripela gem.

Ol meri Isten Hailans i no statim gut pilai bikos ol i pilim tait. Dispela i kamap klia stret long

stat bilong gren fainal we ol i no pilai gut.


Daisy Tunamo i skoarim namba wan ran bilong Goroka. Dispela poin i kamap bihain long infilda bilong Mosbi, Margaret Walne i no ketsim gut bal.

Bihain long dispela ol meri Mosbi i no lukluk bek long skoarim moa poin. Debbie Taylor bilong Mosbi em wanpela pilai husat i bin kamapim gutpela pilai long dispela tonamen.

Olsem na bihain long tonamen, ol opisal i makim em long kisim pilai bilong tonamen prais long resis bilong ol meri.

Long gren fainal bilong ol man em GASA i kisim fil na Mosbi i bet long antap bilong namba wan ining. Bihain long dispela tupela tim wantaim i pait strong i go inap pinis bilong namba 7 ining. GASA i gat planti sapota tru, na dispela i apim stret sperit bilong ol.

Tasol dispela em namba wan taim bilong ol long nesanel sempionsip na ol i lus.



• Kas no gut i das i kam sanapim stret long bes. Em smuk balus bilong ol Tobaras yet long Nesanel Sofbal Taitel long Ista wiken long Mosbi.

## Ol sofbal pilai na sapota i no amamas long seleksen

### MADANG RIPOT

MICHAEL KANAKO i raitim

OL sofbal pilai na sapota long Madang i no amamas long sistem o pasin ol opisal i bihainim taim ol i makim ol pilai bilong 1991 Nesanel Sofbal sempionsip.

Wanpela pilai, Maggie Mundibii i tok planti pilai em ol opisal i bin makim long taim bilong gren fainal.

"Dispela skwat i gat planti pilai bilong Pagini na Kabiu long tim bilong ol man, na tim bilong ol meri i gat planti pilai bilong Bankers na Kabiu. Dispela i no gutpela tumas bikos planti gutpela arapela pilai tu i stap." Mis Mundibii i tok olsem.

Tokorait i bin pas olsem seleksen bilong ol pilai mas i kam long stail bilong wan wan pilai long ful sisen, na i no long gren fainal

tasol. Na tu ol pilai i noken kamap komiti long makim ol pilai.

Mis Mundibii i tok dispela kain wantok sistem pasin bilong makim ol pilai i bin kamap long longpela taim i kam inap nau.

"Stended bilong sofbal i no inap long senis o kamap gut sapos kain pasin olsem i stap yet. Dispela tripela klab i no resista klab tasol bilong Madang. Mipela i gat moa long 15 klab wantaim ol junia pilai bilong mipela," Mis Mundibii i tok.

Tasol Madang skwat i bin kamapim gutpela pilai stret long bekim ol dispela kros tingting bek long Madang. Ol meri Madang i pinis namba 4 long resis, na i pretim sampela nem senta.

"Mipela i amamas long makim Madang, na

mipela bai i traim strong bilong mipela long Nesanel sempionsip. Mipela i no wari long ol tok kros o bek-sait long Madang," Mis Siroru Tamilong i tok.

Long askim bilong sapos seleksen bilong ol pilai i bihainim wantok sistem, Mis Tamilong i tok, "Mi bin pilai strong tru long sisen na gren fainal wantaim.

Mipela i no makim ol pilai long wansait tasol i kam long dispela sempionsip."

Wantok Niuspepa i no inap kisim ripot bilong Madang Sofbal bos long dispela samting. Tasol wanpela opisal i tok ol bai paitim toktok long dispela toktok bihain long Nesanel sempionsip.



## Aigir bilong Tolai.



• Em kain stail bilong ol meri Tolai long Nesanel Sofbal Taitel long Mosbi long Ista wiken. Meri nogut i sanap stail na wetim bal.



# **BENSON and HEDGES** **CONGRATULATIONS**

ON WINNING THE 1991 B & H  
NATIONAL SOFTBALL CHAMPIONSHIP



□ Port Moresby Men



□ Port Moresby Women

PROUDLY SPONSORED BY



# **BENSON and HEDGES**

# Sekap long sampela arapela rul

Mi toktok planti long lo bilong gem na em i gutpela long harim wampela primia pilaia bilong GFC i save long lo bilong op-sait rul long taim bilong tromoi bal. Paul Lindsay i lukim gem bilong GFC Rapatona long Ista Mande na em i ting referi long dispela gem i asua long givim fri kik long taim bilong tromoi bal. Em i tok pilaia i no op sait.


Tok bilong em long rul bilong op-sait na tromoi bal em i tru. I no gat opsait long taim bilong tromoi bal.

### Sekap long sampela arapela rul

#### 1) Kona kik

Wanpela tim i kisim kona kik. Pilaia i putim bal insait long eria ol i makim we bal i mas stap bipo em i ken kikim. Em i ran i kam na abrusim bal i rol insait yet long dispela eria na i go ausait long "dead bal" lain long lain bilong mak i kam join wantaim kona pos.

Yu olsem pilaia, yu bai reperi i mekim



wanem, o yu yet bai mekim wanem?

#### 2) Gol kik

Em i gol kik bilong tim bilong yu. Goli i ran i go long sait bilong 18 yad eria. Em i ausait pinis na fulbek i kikim bal i go long em. Goli bai pasim bal long lek na rolim i kam bek insait long 18 yad eria bilong holim na kikim.

Tasol, fulbek i abrus na kikim bal i go ausait long "DEAD-BAL" lain long Ausait long mak bilong ol. Bal i no go lusim yet 18 yad eria.

Sapos yu fulbel i bin abrusim bal ya, o sapos yu goli ya, yu ting bai yu mekim wanem nau? O yu ting referi bai givim wanem kain tok?

#### 3) Gol kik

Long dispela taim goli i putim bal long kikim. Wanpela fulbek i sanap insait long 18 yad eria. Bal i flai i kam pas long het bilong dispela fulbek bilong em na i flai i go insait bek long mak bilong ol. Yu goli na yu save long lo bilong gem. Em i gol o nogat? Em i gutpela sapos olgeta primia pilai na ol junia pilaia i skelim save bilong ol long ol dispela rul. Sapos yu i no klia gut long tok mi mekim yu i ken rigim mi long mi traim tok klia moa, na yu i ken save gut bipo long yu traim givim ansa.

Yu go bungim wanpela referi na soim em dispela ol askim na traim tokim em long ol ansa bilong yu. Askim em long tokim yu sapos yu tok stret o yu popaia.

#### Ol sapota

Stat long Mosbi soka i go het gut tru. I no gat trabel. Olsem tasol em i taim we ol kosa i mas trenim ol pilaia bilong ol long pasin spotman tu. Pasin bilong spot em i bilong salens strong long win. Em i gutpela long salens strong na bihainim ol lo long win. Taim yu go ausait long lo, em taim ol trabel i save kamap.

Planti taim planti pilaia i no klia gut long ol lo. Em i wok bilong kosa long stretim dispela. Na pasin bilong strongim tingting na tingim tasol gutpela gem bipo long kik, em i narapela samting ol kosa i mas traim skul long en.

I gat wanpela saveman bilong Japan i bin givim dispela kain trening (YOGA) long ol lain manmeri bilong Saut Pasifik Gems skwat. Ol kosa i mas salim askim olsem PNGFA i mas traim kisim dispela kain man i kam long helpim ol kosa na planti pilaia tu.

## Bungim ol kas bilong PMSA opis




askim tasol long yangpela Mulina Vui. Mulina bai helpim nau Vui long mekim gutpela edministresen wok bilong PMSA.

Seketeri Vui i tok ol klab husat i painim hat long mekim edministresen wok bilong ol i ken bringim i go nau long PMSA opis. Bikos nau yet i gat inap wokman long PMSA opis.

Narapela man husat i save givim helpim long opis wok em Kay Amona. Dispela i apim nau namba bilong ol wokman insait long PMSA i go long 7-pela olgeta. Ol dispela wokman insait long pota long lephan i go long raithan em Amona, seketeri Vui, Renny Vui, Norman Naki, Peter Maoni na Mulina Vui. Poto Ivan Bayagau.

M O S B I S o k a Asosiesen (PMSA) i gat wanpela ful taim taipis o wokmeri nau bilong helpim seketi William Vui. Ol klab husat i laik ring na sapos seketeri Vui i no stap, yupela i ken



## Sisen propa kik op bihain long MSA Kap

### MADANG RIPOT

MADANG Soka Asosiesen bai kikim op sisen propa resis long dispela wiken, bihain long 4-pela wik bilong MSA Kap pri sisen resis.

MSA Kap pri sisen resis i bin kamap gut tru we i nogat trabel, na i lukluk gut long sisen propa resis. Dro bilong pilai em ol eksekyutiv bai i kibung na stretim long dispela wik.

Wanpela hevi tasol asosiesen i bungim nau em long fil bikos i gat planti anda 19 tim. Tasol ol pilai bilong anda 19 divisen bai i kamap nau long Yapong Pak, na olgeta sinia divisen gem bai i kamap long Laiwaden oval.

Na Momase i bin winim MSA Kap

fainal bihain long em i autim Gala United long penelti kik. Tupela tim wantaim i bin kamapim strongpela pilai tru na i dro long skoa bihain long ful na ekstra taim.

Momase i kikim tupela gol egensim United, husat i no kikim wanpela. Momase i kisim MSA Kap na Gala United i kisim rana ap tropi.

Panafun i winim namba tri ples bihain long em i autim watabag 1-0. Tupela tim wantaim i kisim tropi long go insait long fainal bilong top 4 tim.

Presiden bilong Madang Soka Asosiesen Peter Angasa i tok gren fainal i bin kamap gut.

"I nogat kros tingting namel long tupela sait wantaim, na pilai i kamap gut we tupela sait wantaim i sapot long gutpela pasin," em i tok.

Port Moresby Football (Soccer) Association Inc Week 5							
<b>Premier Division Ladder 02/04/91</b>							
Division	Played	Win	Draw	Lose	For	Against	Points
Guria	5	3	2	-	10	2	11
University	5	3	1	1	13	5	10
GFC	5	2	3	-	8	3	9
Amalpak M.U	5	3	-	2	10	11	9
Sobou	5	1	4	-	6	3	7
Rapatona	5	2	1	2	13	12	7
Golo	5	2	1	2	11	10	7
T. Defence	5	2	1	2	9	11	7
Westpac	5	1	2	1	5	10	5
Kurti Andra	5	1	1	3	9	13	4
B/Kumuls	5	1	1	3	8	13	4
Verave	5	-	1	4	3	12	1
<b>First Division Ladder 02/04/91</b>							
Maset	4	4	-	-	9	4	12
Koupa	5	3	2	-	10	4	11
BFC	4	3	1	-	7	3	10
Air Niugini	4	3	-	1	8	5	9
Ba o Mitas	5	2	2	1	9	8	8
Kula	5	1	2	2	9	9	5
Nali	4	1	2	1	5	5	5
STC	4	1	1	2	5	5	4
Milne Bay	5	1	1	3	8	9	4
Buresong	4	-	1	2	2	5	4
Wanzesi	4	-	-	4	4	10	0
Tarangau	4	-	-	4	3	11	0
<b>Second Division Ladder 02/04/91</b>							
Losegu	4	3	1	-	8	3	10
Ba o Mitas	4	3	2	-	6	2	10
Wanzesi	4	3	-	1	16	6	9
Mt. Obree	4	3	-	1	9	5	9
Maniota	5	2	2	1	5	3	8
Korion	5	2	1	2	11	7	7
Amazon Bay	4	2	1	1	10	11	7
Gala United	4	2	-	2	9	7	6
Elcorn	4	1	3	1	5	7	6
Oruka	5	1	1	3	6	11	4
Sulem	4	1	-	3	5	7	3
Buresong	4	1	-	3	3	7	3
Mana	4	1	-	3	4	7	3
<b>P/Reserve Division Ladder 02/04/91</b>							
Golo	4	4	-	-	10	2	12
Westpac	5	2	3	-	8	2	9
Amalpak M.U	5	2	3	-	5	2	9
University	4	1	3	-	6	3	6
B/Kumuls	4	1	3	-	3	2	6
Sobou	5	1	3	1	3	4	6
Rapatona	4	1	1	2	6	7	4
GFC	4	1	1	2	6	9	4
Guria	4	1	1	2	3	4	4
Kurti-Andra	4	-	3	1	3	4	3
T. Defence	5	-	1	4	6	12	1
Verave	4	-	1	3	1	4	1
<b>Women Division Ladder 02/04/91</b>							
Amalpak M.U	4	3	1	-	18	2	10
Wanzesi	4	3	1	-	13	1	10
Sobou	4	3	-	1	13	1	9
GFC	4	3	-	1	10	4	9
Kurti-Andra	4	3	-	1	6	8	9
Guria	4	2	1	1	13	3	7
University	5	2	1	2	12	3	7
T. Defence	5	2	1	2	7	9	7
Kula	4	1	1	2	4	11	4
B. Kumuls	5	-	1	4	2	14	1
Milne Bay	4	-	1	3	1	11	1
Koupa	5	-	-	5	1	22	0
<b>Under 19 Division Ladder 02/04/91</b>							
Rapatona	5	4	1	-	20	3	13
Ba o Mitas	5	4	1	-	10	5	13
Kurti-Andra	4	3	1	-	10	3	10
Sobou	5	3	-	2	11	7	9
Westpac	5	3	-	2	7	6	9
GFC	5	2	1	2	9	10	7
Verave	4	1	3	-	6	4	6
Guria	5	1	1	3	5	6	6
University	4	1	2	1	5	7	5
B. Kumuls	5	1	1	3	6	6	4
T. Defence	4	1	1	2	2	4	4
Amalpak M.U	3	1	-	2	6	10	3
Buresong	5	1	-	4	4	10	3
Golo	4	-	-	4	3	15	0

## Peka laik developim wok bilong ol kosa

**LEO WAFIWA i raitim**

NUPELA nesenel kosa, John Peka bai i go pas long redim sampela developmen plen long wok bilong ol kosa insait long kantri, na givim i go long PNGFA eksekutyutiv.

Peka i bin tokaut long dispela long bung bilong pasim Osenia Futbol Konfederesen (OFC), na FIFA yut kosa kos em i bin kamap long Mosbi. Tupela intanesenel kosa, Heinz Marotzke (FIFA), na Les Scheinflug bilong Australia husat i makim Osenia i karimaut dispela wanpela wik kos em 22 kosa long kantri wantaim sampela junia Mosbi pilaia i stap insait long en.

Nupela nesenel kosa i tokaut olsem em wantaim helpim sampela kosa bai putim wanpela sampela tingting long developim wok bilong ol kosa insait long kantri. Na bai salim i go long eksekutyutiv bilong presiden Peter Mommers long skelim na sapotim.


Sampela bilong ol dispela tingting i karamapim wok olsem 5-pela yia developmen progrem, na kamapim rijonel kosing dairekta.

Bikpela samting Peka i askim nau em long wok bung bilong PNGFA long developim wok bilong ol kosa insait long rijon. Dispela em namba wan taim bilong wanpela nesenel kosa i askim long kain senis olsem.

Namba wan askim bilong Peka em long PNGFA long kamapim wanpela 5 yia developmen progrem.

Toktok bilong kamapim 5 yia developmen progrem em olgeta PNGFA eksekutyutiv i bin tokaut long kibung wantaim ol niuspepa na redio ripot long bipo yet, tasol nogat wanpela samting i kamap yet.

Narapela eria bilong developmen Peka i toktok moa long en em long kamapim 4-pela rijonel kosing dairekta long Sauten, Momase, Niugini na Ailan rijon.



## Yut soka resis kik op

**GOROKA RIPOT**

GOROKA Yut Soka Asosiesen em i bin stat long tupela yia i go pinis na stat las yia gen bai kikim op sisen propa resis long dispela wiken.

Asosiesen i gat tripela as bilong kamapim dispela resis na i kisim sapot bilong Goroka Tisa Koles na Unitech.

Na tu em i kisim bek 12-pela tim bilong em, bilong man na meri wantaim. Ol dispela tim em Amigale, Phim United, Mela Kiwis, GTC Buddies, North Goroka Raiders, Technical United 1 na 2, na Break Loose.

Long resis bilong ol meri em ol tim olsem Paradise Madmix, Mela Kiwi, GTC Buddies na Technical United bai

i kik.

Olgeta tim ya i mas baim K20 tim resistresen fi. Pilaia resistresen fi em ol i no inap long baim, bikos dispela em wanpela asosiesen bilong ol studen.

1991 pri sisen resis bilong asosiesen i bin pinis long las wiken. Long olgeta dispela tim, ol opisal bai i makim tripela top tim long pilai insait sisen propa resis bilong Goroka Soka Asosiesen aninit long wanpela klab.

Dispela klab bai ol i kolim Goroka Unitech soka klab.

Na tu wan wan tim i ken kisim wanpela pilaia bilong ausait long joinim. As bilong dispela em long mekim pren wantaim ol pipel ausait long komuniti.

## Momase kirapim kosa asosiesen

**HELEN TARAWA i raitim**

LAE Futbol Asosiesen (LFA) bai kamapim nau rijonel kosim skim o projek long Momase rijon.

Dispela projek bai karamapim ol provins long rijon olsem Morobe, Madang, Is Sepik na Sandaun. Wanpela rijonel kosa asosiesen bai i kamap, na Morobe Kantri Asosiesen bai i kamap memba bilong dispela asosiesen.

Dispela projek em nupela kosing dairekta bilong Momase rijon, Richard Nagai bai i lukautim.

Mista Nagai i gat 37 krismas na i bilong Aitape, Sandaun provins. Mista Nagai em het kosa tu bilong sinia Lae tim bilong ol man.

Nagai i bin go pas long kamapim Guria soka klab long Lae. Na i bin kosim klab ya long 8-pela yia olgeta long 1984 yet. Aninit long lukaut bilong em na Guria i go kik antap long lig (prima) divisen nau.

Nau yet Nagai i wetim opisal tok orait bipo em i statim wok bilong em.

Wanpela bikpela as LFA i laik go pas long kirapim dispela rijonel kosim projek aninit long Nagai em long promotim level na stended bilong kosim tim, na tu stended bilong soka insait long Momase rijon. Dispela projek bai helpim long kamapim ol gutpela kosa we em i ken yusim taim em i laikim.

LFA i tingting tu long kamapim strong ol yangpela pilaia bilong bihain taim. Dispela em long givim dispela bilip i go long ol tim long bihainim.

LFA bai lukluk long skulbois soka. Dispela em long helpim ol skul long kamapim progrem bilong junia soka long Morobe.

Mosbi Soka Asosiesen (PMSA) i bin kamapim dispela kain projek. Olsem na LFA tu i laik bihain-

im, na mekim dispela aidia i kamap bikpela.

Nagai i tok, "Dispela em i wanpela bikpela wok. Na tu i gutpela long wok bung wantaim ol kain kain kosa, na luksave long ol eria long kamapim progrem long daunim ol hevi bilong wok kosa."

Pasin LFA i yusim em long makim ol kosa husat i gat priliminari, besik o olimpik solidariti setifiket tasol long stap insait long kos ya.

Dispela bai helpim ol kosa dairekta long makim ol pipel husat i gat save long wan wan eria bilong wok kosa. Na i ken givim ol dispela kain kos em ol kosa i laikim.

Nagai i tok, "Mipela i bilip LFA bai i kamap gut na strong aninit long nupela projek ya em mipela i bilip bai kisim sapot"

Vais presiden bilong PNGFA, Michael Vee i tok em i amamas long harim olsem LFA i go pas long karimaut dispela plen bilong PNGFA.

Em i tok PNGFA bai sapotim dispela projek. "Dispela em gutpela aidia LFA i kamapim. Bikos em bai helpim ol kosing dairekta long luksave long ol kosa, na mekim ol resista.

### RAMU SUGA FUTBAL (SOKA) ASOSIESEN PRI SISEN DRO - WIK 3

SANDE 7 EPRIL, 1991.

**Pul 1:**  
2.30pm Prim G1 Buresong vs Kapindi  
4.10pm Prim G1 Pumanai vs Momase

Bye: Dampier

**Pul 2:**  
2.30pm Prim G2 Luteran Yth. vs Bismark  
4.10pm Prim G2 Surinam vs Aigob

## Rapatona i no givim sans long Guria

**MOSBI RIPOT**

**YAKAM KELO i raitim**

RAPATONA i no givim sans long Guria long las wiken gem long Bisini Graun taim tupela i bung long Sande apinun.

Guria i mekim save

long autim tiket bilong Rapatona tasol Rapatona tu i strong long daunim Guria.

Dispela pilai i soim tru strong bilong ol pilai taim ol i lusim ol gutpela pilaia bilong ol. Long Guria em, Adam Lema na Charles Api

na long Rapatona em Toru Turia na Paschlis i pilai strong. Ol 4-pela pilaia bilong tupela klap wantaim i stap long PNG nesenel tim bilong pilai long Saut Pasifik Gems, olsem na ol i no inap pilai long klap gem bilong ol.

Guria i gat gutpela tim wok bilong em, na ol i kamapim sampela gutpela stail long mekim-

save long Rapatona, tasol banis bilong Rapatona i strong tumas.

Yangpela straika bilong Guria, Geno Venao i kamapim wanpela gol taim bal i pas long ol pilai bilong Rapatona long gol mak na i kam bek. Geno i no abrus na givim gut wan stret long mak bilong Rapatona long kamapim namba wan skoa bilong Guria. Bihain long dispela, Guria i no skoa inap long hap taim.

Long namba tu raun, tupela i kam bek na dispela taim Rapatona i mekim save long wanpela gol na mekim skoa i go level 1-1. Wantaim dispela tupela skoa, tupela i mekim save i go inap long ful taim na skoa i sanap wankain 1-1 long ful taim.

Long Graun bilong Bisini, Morobe Yunaitet i traim bun wantaim Verave tasol i no autim em isi. Wanpela gutpela gol bilong Morobe Yunaitet i bin kamap long ful bek bilong em, Baiko Jim husat i ron yet long bek lain i kam long fran na skorim dispela gol long kamapim 1-0 skoa.

Long namba tu raun, pilai i strong yet na tupela wantaim i no skoa long seken hap olsem na long ful taim skoa i sanap 1-0 long makim win bilong Morobe Yunaitet.

Long pilai bilong ol anda 19, Yunivesiti i bungim ol yangpela bilong Blue Kumuls.



• Ista soka eksen bilong Mosbi soka resis namel long tupela namba wan divisen tim, STC na Maset long las Sarere. Ol kande bilong Morobe i strong na winim STC 2-1.

**B&H**


**BENSON and HEDGES**

**B&H**

**INSAIT**

- PMSA opis i gat ful taim taipis nau ..... p22
- Madang sisen propa kik op long wiken ..... p22

- Momase rijon kirapim kosa bodi nau ..... p23
- Peka i laik developim wok bilong ol kosa ..... p23
- Mosbi/Rapatona i no givim sans long Guria..... p23



- p22

- Goroka Yut soka resis kik op long wiken ..... p23

**PNGFA makim Osenia U23 tim**

**Em stail ya!**



**HELEN TARAWA i raitim**


PNGFA i makim pinis nesanel anda 23 tim bilong makim Papua Niugini long Osenia Anda 23 sempionsip. Fainal tim i gat 15 pilaia na tupela kosa. Ol pilaia em Geno Vevao (fowat/Mosbi), Charlie Arthur (fowat/Lae), Kores John (midfil/Lae), Jack Efung (midfil/Lae), Richard Kareko (midfil/Hagen), Paxie Warong (midfil/Mosbi), Desmond Waku (midfil/Mosbi), Willie Enosie (beklain/Mosbi), Beneho Euluwua (beklain/Mosbi), Ian Sowneni (beklain/Mosbi), Charlie Api (beklain/Mosbi),

Nuata Saripa (beklain/Mosbi), Eddy Fred (beklain/Lae), Didi Saripa (beklain/Mosbi), na Ronald Simon (golkipa/Mosbi). Tupela kosa em Paul Sowneni na asisten, Sau Gure. Long dispela tim i gat 5-pela bilong olupela tim. Ol dispela pilaia em Arthur, John, Warong, Waku, na Api. Sowneni tok em i no amamas long olupela tim bikos em i no save long planti bilong olupela pilaia. Olsem na em i makim nupela tim wantaim helpim bilong nesanel kosa John Peka, PMSA kosa Bobby Hemboring na Gure. Ol i makim nupela tim long las Fraide. Tim i statim nambawan trening bilong em long dispela wik Tunde.

Na tu bai i bung long wanpela trening kem bipo ol i go long Australia. Tim bai lusim PNG long Me 12 na stat pilai long Me 19. Long Australia tim bai i pilaim tupela gem egensim tupela tim long Melben. Bihain bai ol kosa i skelim tim gen long salenim ol arapela kantri bihain long Gems long Melben. Sowneni tok em i amamas long fainal husat i gat olgeta gutpela pilaia long fowat, midfil na beklain. "Mi bilip olsem mipela bai i kamapim gutpela pilai." "Tasol ol pipel long hia i noken ting mipela bai mekim mejik long winim olgeta gem, tasol mipela bai i traim autim Australia," Sowneni tok.

**MOMASE RIJON KIRAPIM KOSA ASOSIESEN -P23**

• Stail meri bilong Blu Kumul i hukim bal long skru na opim tupela han i go long sait egensim Kurti Andra long Ista wiken. Tasol em i lus long ol meri Kurti 2-0. Poto Misako Elemiah.



**MOSBI SOKA ASOSIESEN WIK 6 DRO SARERE 6 APRIL, 1991**

Taim	Divisen	Graun	Pilaia	
9.00	Res	B1	GFC	v Sobou
10.30	2nd	B1	Sulem	v Korion
12.30	1st	B1	Buresong	v Milne Bay
2.00	1st	B1	Nali	v Kula
4.00	1st	B1	Tarangau	v STC
9.00	2nd	B2	Wanzesi	v Buresong
10.30	Wom	B2	Wanzesi	v University
12.30	1st	B2	Wanzesi	v Maset
2.00	Pre	B2	Verave	v Westpac
4.00	Pre	B2	GFC	v Sobou
10.30	U/19	G.F.C.	B/Kumuls	v Buresong
12.00	U/19	G.F.C.	Golo	v Sobou
1.30	Wom	G.F.C.	Milne Bay	v Koupa
3.00	2nd	GFC	Cloudy Bay	v Tarangau
4.30	2nd	G.F.C.	BFC	v Mana
12.00	U/19	Defence	University	v T. Defence
1.30	Wom	Defence	Sobou	v T. Defence
3.00	Res	Defence	Verave	v Westpac
4.30	Res	Defence	Kurti-Andra	v Rapatona

**SANDE 3 APRIL, 1991.**

Taim	Divisen	Graun	Pilaia	
9.00	Res	B1	Guria	v Golo
10.30	2nd	B1	Gala United	v Oruka
12.30	1st	B1	BFC	v Ba-o-Mitas
2.00	Pre	B1	Kurti-Andra	v Rapatona
4.00	Pre	B1	Guria	v Golo
9.00	2nd	B2	Amazon Bay	v Ba-o-Mitas
10.30	Wom	B2	GFC	v Amalpak M.U
12.30	1st	B2	Koupa	v Air Niugini
2.00	Pre	B2	University	v T. Defence
4.00	Pre	B2	B. Kumuls	v Amalpak M.U
10.30	U/19	G.F.C.	GFC	v Ba-o-Mitas
12.00	U/19	G.F.C.	Verave	v Amalpak M.U
1.30	Wom	G.F.C.	Kurti-Andra	v Guria
3.00	Res	G.F.C.	B/Kumuls	v Amalpak M.U
4.30	Res	G.F.C.	University	v T. Defence
10.30	U/19	Defence	Kurti-Andra	v Westpac
12.00	U/19	Defence	Rapatona	v Guria
1.30	Wom	Defence	Kula	v B Kumuls
3.00	2nd	Defence	Mt Obree	v Maniota
4.30	2nd	Defence	Losegu	v Elkom

Printed and published by Anna Bernadette Solomon, of Bitten Place, Gordons, at Allotment 2, Section 209, Hohola.

**Guria go pas long Mosbi soka**

BIHAIN long 5-pela gem na Guria i go pas yet long poin. Iata bilong Mosbi primia divisen soka resis.

Olgeta 12-pela tim long primia divisen resis i pilaim 5-pela gem na Guria i winim tripela, na dro long tupela. Ol gol birra i kikim egensim em tupela, na Guria yet i skoarim 10-pela.

Resis i stat nau yet na mipela i no inap makim hariap long strong bilong ol tim. Tasol lukluk long skoa long nau yet em Guria i bin gat strongpela beklain wantaim go pas bilong tupela intanesenel, Adam Lema na Charlie Api.

Tupela arapela tim husat i gat wankain strongpela beklain em GFC na Rapatona. Beklain bilong Rapatona em intanesenel, Alois Wabianik i save go pas long lukautim.

Wankain olsem las yia, beklain bilong Guria tasol i helpim em i go insait long gren fainal na lus egensim University.

University husat i ran bihain long Guria wantaim 10-pela poin (wanpela poin bihain long Guria) winim i tripela long 5-pela gem, na dro long wanpela na lusim wanpela.

Ol arapela tim husat i ran bihain em GFC na Morobe Yunaitet wantaim 9-pela poin, Rapatona, Sobou, Golo na Difens wantaim 7-pela poin, Westpac wantaim 5-pela poin, Kurti Andra na Blu Kumuls wantaim 4-pela poin, na Verave i ran las yet wantaim wanpela poin.

**B&H**

**BENSON and HEDGES**

**B&H**






# RUGBY

Namba 8

Fonde Epril 4, 1991

## NIUS

### KONE BAI BUNGIM WEST Husat bai i win? pes 3



Lae Spiders laik  
tanim tebol long  
Defence  
- pes 8

• Terry Longbut bilong Tarangau I laik takolim tupela pilala bilong Kone Tigers long namba wan raun bilong SHRM 7 asait tonamen long Mosbi las wiken. Tarangau I winim dispela gem na i go lus long Wes long semi fainal. Lukim ful ripot long pes 7. Poto Ivan Bayagau.

#### INSAIT

• Ol pas ..... p2

#### WAGAMBIE'S WHIP - PES 3

• Mosbi/PX bai i  
nekim Souths .. p3

• Goroka/Royals i  
redi nau long 1991  
sisen ..... p6

• Morobe Lig bungim  
hevi yet ..... p6

• Mosbi/Paul Nelson  
saitlain long tupela  
wiks ..... p7

• Mosbi/West winim  
K1,500 mani ..... p7

# Winfield League '91

## Ol referi i mas skul moa

**Dia Edita,**  
Mi wanpela ragbi lig sapota insait long Mosbi siti. Mi laik toktok long pasin sampela referi i save mekim long taim bilong lukautim pilai.  
Las wiken em bikpela resis bilong 7 asait i bin kamap gutpela tru. Tasol sampela referi i bagarapim tru gutpela pilai namel long ol tim.  
Wanpela bilong ol dispela referi i bilong West. Em i lukautim pilai i go na mekim wanpela tokorait we i stret, tasol ol sapota i singaut long em.  
Em bel kaskas long dispela na lukluk long ol sapota na pilai i go het. Em i no tingting moa long lukautim pilai.  
Mi save harim olsem ol kosa i save

holim kainkain kos bilong ol long olgeta yia. Tasol mi no save harim wanpela nius o ripot liklik long kos bilong ol referi.  
Ating ol referi i save gut long olgeta rul bilong pilai ya. Olsem na ol i no save ogenaisim wanpela kos.  
Mi bilip olsem ol referi i mas holim wanpela kos bilong ol yet. Bikos dispela bai helpim ol long save gut long sampela rul bilong pilai, na ol i no ken kamapim planti asua tumas long fil long bagarapim pilai.  
Em tasol liklik tingting bilong mi. Mi bai i amamas long lukim wanpela bekim i kamap long nambawan *Ragbi Lig Nius (RLN)* bilong mipela.


Joe Miaru  
BOROKO

## OL PAS I GO LONG EDITA PNG mas i gat tim long Sidni Lig

**Dia Edita,**  
Mi laik bekim wanpela pas em i bin kamap long *RLN*. Pas ya i tok olsem mipela i mas gat wanpela ragbi lig tim long strongpela Sidr Ragbi Lig resis long Australia.  
Bikos dispela em wanpela gutpela rot bilong developim hariap stended bilong ragbi insait long Papua Niugini.  
Planti manmeri bai i ting olsem dispela bai i hat liklik. Tasol mi tu mi sapot olsem dispela i ken wok sapos nesenel ragbi lig bodi bilong mipela, Papua Niugini Ragbi Futbol Lig (PNGRFL) i toktok gut wantaim intanesenel na Australian Ragbi Lig.  
Mipela i mas kamapim tingting olsem dispela em wanpela rot bilong ol i helpim mipela long develop-

im stended bilong lig insait long kantri.  
Sapos mipela i gat wanpela tim daunbilo, mipela i ken salim ol namba wan pilaia bilong mipela i go daun pilai daunbilo na kam bek.  
Olgeta taim mipela salim ol pilaia i go daun, namba bilong ol eksperiens pilaia long kantri bai i go antap. Na dispela i ken helpim mipela long seleksen bilong Kumul tim.  
Nogut mipela i traim hat long hia tasol i stap na ol ovasis tim i kam bagarapim sindaun bilong mipela olgeta taim.  
Mi les pinis long lukim na harim olgeta taim olsem ol i winim PNG Kumul long bikpela skoa.  
Em tasol liklik sapot bilong mi, na husat i laik sapotim dispela pas i welkam.

# KOLIM HAMAS MANI



Glasim gut poto na kolim hamas mani i stap long poto.

**WANTOK** i kirapim wanpela nupela kain resis long winim mani. Resis i go olsem: Yu mas glasim gut piksa antap ya. Traim kaunim ol mani i stap long piksa. Taim yu kaunim pinis, orait, raitim namba bilong

mani long fom ya na salim i kam long Kaunim Mani Box 1982, Boroko

Sapos i no gat man i kolim namba stret orait husat i kam klostu tru i kisim K20.

Nem:..... P O Box:.....

Taun:.....

Namba bilong Mani K.....

William Nakikus  
KIMBE

## Ol PMRFL sekyuriti i save wansait tumas

**Dia Edita,**  
Mi laik komplek long sampela samting ol sekyuriti na wokman bilong Mosbi Ragbi Futbol Lig (PMRFL) i save mekim.  
Mi save lukim olsem long ol manmeri husat i save go long gren stend, planti arapela manmeri nating i save go insait tu. Mi save tingim sapos ol dispela manmeri i gat tokorait pepa long go insait long hap.  
Mi harim planti stori olsem ol sekyuriti long dua i save wansait na salim ol pren wantaim wantok na pren meri i go insait long gren sten.  
Dispela pasin i no gutpela tru long mipela ol arapela manmeri.  
Mi save olsem ol memba tasol wantaim famili na sampela opisal i ken go insait long gren sten.  
Ol ripota, yes, mipela olgeta i save olsem ol i mas kisim gutpela posisen long gren sten long lukim pilai.  
Mi laik askim nau sapos ol bikman bilong PMRFL i ken lukluk i go insait long dispela.  
Em tasol wari bilong mi.

Wisil Mairu  
BOROKO

## Maski singaut olsem wel pik long gren sten

**Dia Edita,**  
Mi laik toktok long pasin bilong sampela bikman husat i save mekim long Mosbi Ragbi Lig gren sten.  
Ol i save go long spak na singaut olsem wel pik stret. Mipela i save olsem yupela i spak.  
Tasol i gutpela olsem yupela i sindaun isi na sapot gut. Maski long opim maus strong, bikos nogut plu lang i go insait.  
Mipela ol arapela sapota i no go long lukim yupela i singaut na mekim nois nambaut. Mipela i go long lukim pilai long fil.  
Em tasol wari bilong mi.

Lukas Wandaka  
GEREHU

## PNGRFL i no tingim ol liklik senta

**Dia Edita,**  
Mi wanpela ragbi lig sapota long Vanimo, Sandaun provins. Mi laik toktok long wanpela pasin mi lukim long longpela taim i kam inap nau, na i no stret long ai bilong mi.  
Dispela em long pasin bilong nesenel ragbi lig bodi, Papua Niugini Ragbi Futbol Lig (PNGRFL) long luk beksait long ol liklik senta olsem Vanimo na Wewak.  
Nau yet tupela lig ya i no memba long PNGRFL. Tasol sapos tupela i memba, wanem kain helpim long sait bilong kosa kos na mani bai tupela i kisim i kam long PNGRFL.  
I tru olsem tupela bai i pilai long ol resis bilong PNGRFL. Tasol hamas sans bilong ol pilaia bilong tupela bai i makim ol long ol son tonamen na i go moa long Kumul tim.  
Tru olsem mipela i gat planti senta na ol seleksen i mas kam long olgeta hap.  
Tasol i gutpela moa sapos mipela i skelim tu oldispela samting pastaim bipo mipela i toktok long developmen bilong lig insait long kantri.  
Em tasol toktok bilong mi.

Mathew Kauta  
VANIMO

# Air Niugini bai nekim Souths long mid wik resis

## MOSBI RIPOT

PETER MIVA i raitim

AIR NIUGINI na South bai i salens long namba wan gem bilong mitwik (mid-week) resis long tude, Fonde 4 Epril, 1991 apinun long Lloyd Robson oval.

Dispela gem bai i stat long 5 klok apinun (5.00pm). Na i gat bilip olsem Air Niugini bai winim Souths.

Souths i mas painim olgeta gutpela pilaia bilong ol, na putim ol long posisen bilong ol hariap bipo ol i bungim Air Niugini.

Tasol nau yet ol i gat gutpela pilaia i stap long lukautim beklain bilong ol. Tasol ol i mas pilai moa strong long winim Air Niugini.

Nau yet Souths bai i putim ai long youngpela hapbek, Dominic Kakas long autim bal long skram hariap na painim pilaia long brukim banis. Nara-

pela seken rowa bilong Sauten Hailans, John Ipidari husat i bin pilai long Madang Air Niugini wantaim Noten Son senta, Saku Agi na Joe Tonar bai i mas bungim stail gut.

Ol bai i go pas long

helpim ol arapela Souths pilaia long winim dispela gem.

Air Niugini i gat planti trik long mekim long dispela gem, na sapos ol Souths i laikim tru long winim dispela gem orait ol i mas ritim gut pilai bilong ol.

Air Niugini hapbek pilaia, John Domu i bin kamapim gutpela stail bilong pilai long egen-sim Tarangau long namba tri raun bilong pri sisen resis.

Em bai i go aut gen long amamasim ol sapota.

Ol arapela beklain pilaia we Souths i mas was gut insait long ensin rum em Wilfred Mai, Timmy Bonou na John Oeka.


Oeka em wanpela pilai Souths i mas sam-bai gut. Bikos em i save ritim pilai na putim trai klostu klostu wantaim ol gutpela ran na sait step bilong em.

Ol arapela fowat pilaia husat bai i stap long salensim ol fowat bilong Souths em Wanis Teringi, Johnson Tia, Wardmen Bernard na Bob Tolick. Ol bai i putim kamap strongpela gem stret.

## "Ragbi Yunifom tasol"



• No gat planti taim bai yu lukim ol ol meri i pilai ragbi lig. Roselyn Esori bilong Goroka i save mangalim stret pilai ragbi lig. Em i tok, "Sapos i gat ragbi lig resis bilong ol meri insait long kantri, mi bai i namba wan meri long joinim." Poto Sape Metta.



## Prais bilong 7 asait resis i no stret

7 ASAIT ragbi resis bilong Mosbi Lig long Ista wiken i testim tru ol pilaia husat i pilai. Sponsa bilong dispela tonamen i mas kisim gutpela tok tenkyu long dispela resis.

Tasol long stat, ol rul bilong yusim senis pilaia, kikim long painim lain wantaim ol arapela senis long gem i mas klia pastaim long olgeta kosa. Ol kosa i mas kisim ol dispela rul wanpela wik samting bipo long tonamen i kik op.

Mipela i mas save olsem ol kosa na pilaia husat i pilai long wanpela yia i no inap stap insait tu long narapela yia. Olsem na yu i no inap bilip olgeta pilaia na kosa insait long tonamen long save long lo bilong pilai.

Rul long nau yet i tok tim husat i pinis namba tri ples long pul i no inap kisim wanpela prais, tasol ol i bin winim tripela gem long stat bilong resis. Tasol ol tim husat i lusim namba wan gem i pilai long plet, na wina bilong dispela plet i winim K400, na lusa i winim K250.

Ol ogenaisa i mas tingting long givim prais long tim husat i pinis namba tri ples long pul. Ol i mas winim gutpela prais moa long ol wina bilong plet. K500 ating bai i gutpela prais.

Bilong wanem bai ol pilaia i kisim skin nating, na i no kisim wanpela prais.

Mi no laik toktok gen long dispela, tasol ol referi i mekim planti isi asua gen long 7 asait tonamen. We ol i lukautim pilai i no gutpela tru.

Referi Asosiesen i yusim ol laimsen long lukautim dispela 7 asait tonamen long kisim ekspiens. Yupela ol referi i save ritim rul buk bilong yupela tu o nogat?

Husat em wok bilong em long skelim wok bilong wan wan referi. Ating yu dispela mani i mas mekim wok bilong yu nau. Bikos i no long taim wanpela referi bai i painim bagarap long ol sapota o pilaia long kain pasin.

Dispela wik i gat mid wik resis long Trinde na Fonde apinun. Ol pilai bai i stat long 5 klok apinun (5.00pm) na pinis long 30 minit i lusim 6 klok (6.30pm). Sapos pilai i stat bihain liklik bai i mas pinis long 7 klok nait (7.00pm) samting.

Na sapos i no gat trenspots long nait, mi bilip ol pilaia na opisal i noken slip long klab haus bikos nogut ol i brukim taim tambu aua.

Tasol pilaim tupela gen long 72 aua bai i kilim skin stret bilong ol pilaia. Bikos ol pilaia husat i bagarap long gem bilong wiken bai kisim taim stret.

Pilai long Fonde nait, bai yu i gat Fraide na Sarere bipo yu pilai long Sande.

Save i stap olsem nogat wanpela aplikesen bilong kosim sempion inta siti tim, Mosbi Vipers i bin kamap bipo long 29 Epril, 1991. Mi mas tok gen olsem PNGRFL i mas senisim liklik program bilong inta siti. Bikos fainal bilong Mosbi Lig i kamap long wankain taim olsem fainal bilong Ista Siti resis.

Tude em i gat stret long kisim ol koporet sponsasip. Ol klab husat i gat wanpela yia koporet sponsasip bai i kisim taim stret. Bikos ol sponsa i laikim tim long kamapim gutpela risal bilong pilai. Tasol sapos ol klab na pilaia i pilai insait long Inta Siti resis, ol klab bai i no inap kamapim gutpela risal long resis bilong ol yet. Na dispela bai i bagarapim sponsasip bilong ol. PNGRFL bai i tromoi sampela mani i go insait long ol dispela klab o nogat?

Wantaim ol wantok sistem na pasin olsem, ol gutpela namba wan kosa, trena na pilaia bai i no inap stap insait long inta siti resis.

# Kone wantaim West bai i resis long spit



• Joe Mirisa



• Stanley Haru



• Charlie Maiva



• Michael Toivita



• Joshua Kouoru

## MOSBI RIPOT

PETER MIVA i raitim

WEST bai i go aut long stapim win bilong Kone Tigers long bikpela gem bilong Mosbi Winfield Lig long dispela Sande.

Tigers husat i bin winim olgeta gem bilong em long sisen propa resis i kam inap nau bai i bungim stronggela salens stret i kam long West.

Tasol Tigers husat i bin winim olgeta gem wantaim strongpela salens bai i no inap wanpela isi tim long winim.

Kone i gat ol gutpela pilaia long fowat olsem

Ono Ono, Otmar Wale na Gideon Mati. Beklain em Kumul faiv eit pilaia, Stanley Haru bai i lukautim wantaim wok bung bilong wanpela namba wan Mosbi

**Tupela tim wantaim bai i resis nau long lukim ol pilai bilong wanem tim i gat moa spit. Long sait bilong spit em West i winim liklik Kone. Tasol long fowat em Tigers i winim West. Na husat tru bai winim dispela gutpela strongpela namba wan gem bilong wik.**

hap bek pilaia, Charlie Maiva.

Long senta na wing em tes bilong spit bai i kamap. Kone bai i strong long ol spit masin bilong olsem Ivan Turia, Mikes Kairu na Gordon Haru.

Na West bai i strong long ol smok balus bilong em olsem Obert Batia, Michael Toivita, Joshua Kouoru, Pei Mafu, Ruben Pokanau na junia Kumul pilaia, Robert Haro.

Haru na Maiva i bin go pas long helpim

posisen.

West i nogat ol hevi fowat olsem Kone Tigers. Tasol ol fowat pilaia bilong em (West) i gat moa spit olsem ol beklain pilaia bilong em. Sapos ol fowat na beklain pilaia bilong West i paia long dispela wiken long ful 80

Kone i winim olgeta gem bilong em i kam inap nau. Tupela bai i go aut long daunim strongpela salens bilong birua bilong tupela, Walter Taule long hapbek na Tuksy Karu long faiv eit

minit, ating Kone bai i gat bikpela wok long raunim ol tasol.

Huka Danny Moi em i wanpela strongpela gutpela pilaia. Na tu i save ritim gut bal i go long ol arapela pilaia taim em i kisim bal.

# Winfield League '91

## PORT MORESBY WINFIELD RUGBY FOOTBALL LEAGUE DRAW ROUND 5

Saturday 2nd April, 1991.  
Oval: Lloyd Robson

**RESERVE:**

9.30	Res	Defence	vs	Souths
11.00	Res	Brothers	vs	Waliya
12.30	Res	Paga	vs	Tarangau
2.00	Res	Kone	vs	West
3.30	A Gr	Magani	vs	DCA

**UNDER 19: Oval: - PRL 2**

9.00	U19	DCA	vs	Magani
10.00	U19	ANG	vs	Royals
11.00	U19	Defence	vs	Souths
12.00	U19	Brothers	vs	Waliya
1.00	U19	Paga	vs	Tarangau
2.00	U19	Kone	vs	West

**UNDER 17: Oval: - PRL 3**

9.00	U17	Magani	vs	DCA
10.00	U17	ANG	vs	Royals
11.00	U17	Defence	vs	Souths
12.00	U17	Brothers	vs	Waliya
1.00	U17	Paga	vs	Tarangau
2.00	U17	Kone	vs	West

Sunday 7th April, 1991.

**A GRADE:**

9.30	A Gr	ANG	vs	Royals
11.00	A Gr	Defence	vs	Souths
12.30	A Gr	Brothers	vs	Waliya
2.00	A Gr	Paga	vs	Tarangau
3.30	A Gr	Kone	vs	West
		bye		

**UNDER 21:**

9.30	U21	DCA	vs	Magani
11.00	U21	Defence	vs	Souths
12.30	Res	DCA	vs	Magani
2.00	U21	ANG	vs	Royals

**UNDER 21:**

9.30	U21	ANG	vs	Royals
11.00	U21	Brothers	vs	Waliya
12.30	U21	Paga	vs	Tarangau
2.00	U21	Kone	vs	West

Wednesday 10th April, 1991 - Midweek draw:

5.00	Brothers	vs	West
------	----------	----	------

Thursday 5.00 ANG vs Souths

### PORT MORESBY RUGBY LEAGUE RESULTS

**SEVENS RESULTS:**

ANG 1	58	def	Brothers	24
DCA 2	32	def	Magani	24
Waliya	30	def	Defence	26
Kone Gold	38	def	Paga	38
DCA 1	36	def	Hawks	4
West	36	def	Royals	18
Tarangau	28	def	Kone Black	18
Brothers 1	44	def	ANG 2	4

Waliya	28	def	Air Niugini	18
West	50	def	Tarangau	32
West	32	def	Waliya	16
			West (winner of pool K1,5000)	

**PLATE:**

Magani	38	def	Brothers	10
Defence		fortified	Kone Gold	0
Hawks	28	def	Royals	24
ANG 2	28	def	Kone Black	26
Defence	28	def	Hawks	20
			Defence (winner plate) K500	

### KAINANTU WINFIELD LEAGUE INFORMATION SERVICE NEXT WEEKS DRAW

Round: ONE Ground: KAINANTU

DAY	DATE	TIME	CLUB	Versus	CLUB
Sun	7.4.91	11.45	Magani	-	Hawks
		12.55	Brothers	-	Panthers
		14.10	United	-	Tigers
		15.25	Tarangau	-	Royals

**MATCH OF THE ROUND**  
United versus Tigers

Comments/Quotes:  
United the team from the Airya area boast s some of the most experienced player in the league and will play a tough forwards game.  
It will have to work hard, however to contain the explosive Tigers back line who will be supported strongly by a young and determined forward pack.

### GOROKA WINFIELD LEAGUE INFORMATION SERVICE NEXT WEEKS DRAW

Round: ONE Ground: DANNY LEAHY OVAL

DAY	DATE	TIME	CLUB	Versus	CLUB
		11.45	Royals	-	Tigers
		12.55	Country	-	United
		14.10	Hawks	-	Brothers
		15.25	Tarangau	-	Damo
			Bye	-	Sinane

**MATCH OF THE ROUND**  
Country versus United

Comments/Quotes:  
Country and United were both semi finalists last year and have retained all to their experienced players.  
United has a very fast back line and is expected to throw the ball around a lot. Country on the other hand has its main strength in the forwards and will play it tough.

### RABAUL WINFIELD LEAGUE INFORMATION SERVICE NEXT WEEKS DRAW

Round: ONE Ground: RABAUL RUGBY LEAGUE

DAY	DATE	TIME	CLUB	Versus	CLUB
Sun	7.4.91	3.40	Muruks	-	Norths
Sat	6.4.91	3.40	Bala	-	Brothers
Sat	6.4.91	2.10	Air Niugini	-	Crusaders
Sun	7.4.91	2.10	Sea Eagles	-	Tarangau

**MATCH OF THE ROUND**  
Muruks versus Norths

### KUNDIWA WINFIELD LEAGUE INFORMATION SERVICE NEXT WEEKS DRAW

Round: ONE

DAY	DATE	TIME	CLUB	Versus	CLUB
Sun	7.4.91	12.30	Tigers	-	Souths
Sun	7.4.91	2.15	Hawks	-	United
Sun	7.4.91	4.00	Brothers	-	Panthers
			Bye	-	Tarangau

**MATCH OF THE ROUND**  
Brother versus Panthers


### PORT MORESBY WINFIELD LEAGUE INFORMATION SEVICE NEXT WEEKS DRAW

Round: FIVE Ground: LLOYD ROBSON

DAY	DATE	TIME	CLUB	Versus	CLUB
Sat	6.4.91	3.30	Magani	-	DCA
Sun	7.4.91	9.30	Air Niugini	-	Royals
Sun	7.4.91	11.00	Defence	-	Souths
Sun	7.4.91	12.30	Brothers	-	Waliya
Sun	7.4.91	2.00	Paga	-	Tarangau
Sun	7.4.91	3.30	Koen	-	West

**MATCH OF THE ROUND**  
Koen versus West

Comments/Quotes:  
Note: All matches are 1/2 hour early so as people can enjoy the match of the round and get home in plenty of time to beat the curfew.



### MENDI WINFIELD LEAGUE INFORMATION SERVICE NEXT WEEKS DRAW

Round: ONE Ground: TANTE

DAY	DATE	TIME	CLUB	Versus	CLUB
Sat	6.4.91	3.10	Royals	-	Tarangau
Sun	7.4.91	1.50	Hawks	-	Magani
Sun	7.4.91	3.10	Brothers	-	Bulldogs

**MATCH OF THE ROUND**  
Brothers versus Bulldogs

Comments/Quotes:  
Brothers 1989/90 premiers -  
Captain Nicholas Sombu - (position 5/8)  
Bulldogs - Captain Bruce Poki

### MOUNT HAGEN WINFIELD LEAGUE INFORMATION SERVICE NEXT WEEK DRAW

Round: ONE Ground: REBIAMUL

DAY	DATE	TIME	CLUB	Versus	CLUB
Sun	7.4.91	12.30	Royals	-	United
Sun	7.4.91	2.15	Hawks	-	Country
Sun	7.4.91	4.00	Newtown	-	Tarangau
			Bye	-	Brothers

**MATCH OF THE ROUND**  
Newtown versus Tarangau

Comments/Quotes:  
Grandfinal teams 1990. Tarangau tipped to win, as its pre-season prformances shows a strong combination and fast team

### WAHGI WINFIELD LEAGUE INFORMATION SERVICE NEXT WEEKS DRAW

Round: ONE Ground: BANZ RL

DAY	DATE	TIME	CLUB	Versus	CLUB
Sat	6.4.91	2.30	West	-	Magani
Sat	6.4.91	4.00	Mondo	-	Hawks
Sun	7.4.91	2.30	Brothers	-	Tigers
Sun	7.4.91	4.00	United	-	Tarangau

**MATCH OF THE ROUND**  
United versus Tarangau

### LAE WINFIELD LEAGUE INFORMATION SERVICE NEXT WEEKS DRAW

Round: ONE Ground: LAE RL

DAY	DATE	TIME	CLUB	Versus	CLUB
			Defence	-	Spiders
			Royals	-	Brothers
			Tarangau	-	Panthers
			Tigers	-	Magani

### MADANG WINFIELD LEAGUE INFORMATION SERVICE NEXT WEEK DRAW

Round: ONE Ground: RON ALBERT OVAL

DAY	DATE	TIME	CLUB	Versus	CLUB
Sat	6.4.91	4.00	Air Niugini	-	Tarangau
Sun	7.4.91	2.30	Tigers	-	Panthers
Sun	7.4.91	4.00	Brothers	-	Hawks

**MATCH OF THE ROUND**  
Brothers versus Hawks

## LAE WINFIELD LEAGUE ROUND 1 DRAW

SATURDAY 6TH MARCH, 1991.

TIME	GRADE	FIXTURE
9.00	U17	Magani vs Tigers (In)
9.00	U17	Tarangau vs Brothers (Out)
10.00	U19	Magani vs Tigers (In)
10.00	U19	Tarangau vs Brothers (Out)
11.30	Res	Magani vs Tigers (In)
1.00	A	Tarangau vs Brothers (In)
2.30	Res	Royals vs Panthers (In)
4.00	A	Magani vs Tigers (In)

SUNDAY 7TH MARCH, 1991

9.00	U17	Defence	vs	Spiders	(In)
9.00	U17	Panthers	vs	Royals	(Out)
10.00	U19	Defence	vs	Spiders	(In)
10.00	U19	Panthers	vs	Royals	(Out)
11.30	Res	Defence	vs	Spiders	(In)
1.00	A	Tarangau	vs	Brothers	(In)
2.30	A	Royals	vs	Panthers	(In)
4.00	A	Defence	vs	Spiders	(In)

### LAE RUGBY LEAGUE RESULTS BHP LYSAGHT EASTER CHALLENGE CUP

FRIDAY 29 MARCH, 1991.

Panthers	12	b	Royals	11
Tigers	18	b	Defence	13
Spiders	14	b	Magani	8
Brothers	16	b	Tarangau	14

SATURDAY 30 MARCH, 1991

Tigers	12	b	Brothers	8
Royals	15	b	Spiders	2
Defence	20	b	Tarangau	8
Panthers	16	b	Magani	11

SUNDAY 31MARCH, 1991.

Spiders	22	b	Panthers	2
Defence	22	b	Brothers	10
Royals		b	Magani	
Tigers		b	Tarangau	

MONDAY APRIL 1, 1991

Defence	24	b	Spiders	28	(for third place)
Royals	22	b	Tigers	16	(grand final)

MONDAY APRIL 1, 1991

Coca Cola Junior knock-out competition						
U17	Spiders	14	b	Tigers	4	(grand final)
U19	Tigers	6	b	Tarangau	0	(grand final)

### Kiunga Rugby League Points Ladder

A grade	Reserve grade
Tarukum 2	United 2
Brothers 2	Tarukum 2
Ambangs 1	Ambangs 2
Souths 1	Magani 0
United 0	Brothers 0
Magani 0	Souths 0

# Making the big game bigger

# Nupela tim Royals i redi long 1991 sisen

## GOROKA RIPOT

SAPE METTA i raitim

TOK lukaut i go long ol arapela klab insait long Goroka Ragbi Lig olsem nupela tim, Royals i redi nau long takolim husat birua em i salensim long 1991 sisen.

Las yia Royals i bin paia na winim stret resis bilong A risev.

Royals i bin soim strong bilong em long paia stret long A risev kompetisen, na ol opisal i promotim em i go pilai long A gret.

Royals bai salensim nau ol arapela 8-pela klab long resis. Nem bilong ol dispela klab em Tigers, Brothers, Siane, United, Country, Darno, Hawks na Tarangau.

I go pas long tim bilong Royals em "pawa haus" Kumul rowat Tuyo Ewei na Kumul fulbek Ipisa Wanega.

Las yia Ewei i bin pilai wantaim Air Niugini long Mosbi aninit long wanpela kontrak o tokorait. Na Wanega i bin pilai wantaim Royals A gret tim long Kundi-awa.

Wanega i lusim Kundi-awa na trense i kam daun long Goroka na i joinim Royals wantaim Ewei. Tupela bai bungim strong

bilong tupela wantaim nau long helpim Royals i winim resis.

Narapela gutpela pilaia o rikrut bilong Royals em kepten bilong Is Spiders long

Lae, Alex Dawa.

Las yia Dawa i bin go pas long tim bilong em i go insait long gren fainal bilong Lae Lig, tasol ol i lus long Difens.



Ol tripela nupela pawa haus bilong Royals. Long Iephan i go long raithan em Ipisa Wanega, Alex Dawa na Tuyo Ewei.



Ol poto na ripot - Sape Metta.  
Ipisa Wanega wantaim klab presiden Lingken, Alex Dawa, David na Tuyo Ewei.



Ipisa Wanega na Tuyo Ewei wantaim ol arapela tim pilaia husat i welkamim ol long Royals klab trening las wik.

## Brothers bai winim namba 3 gem egensim Norths 0?

### WAU BULOLO RIPOT

FORCOL Brothers na Norths bai i salens long dispela Sande 7, Epril 1991.

Brothers em i wanpela strongpela tim long Wau/Bulolo Lig. Nau yet ol i bin winim olgeta gem tasol dispela gem, namel long em wantaim Norths i no inap kamap wankain olsem ol arapela gem ol i bin putim kamap egensim ol arapela tim.

Norths tu i gat ol kain pilaia olsem Willie Obura, Leo Lukas, Epa Kawale na Kunul Moli husat bai putim kamap strongpela gem egensim Brothers.

Nau yet Brothers i gat ol strongpela pilaia olsem Koe Jaretave, Yawing Joseph (olpela rep bilong Hailans Son), Sione Tonga na Bula Kua husat i bin putim kamap wanpela gutpela pilai long las wik na winim Raiders 23-12.

Brothers i stat long winim gem bilong ol taim pri sisen i stat. Tupela wik i go pinis Brothers i winim Tigers 118-14 na narapela gem long las wik i go pinis Brothers i putim kamap strongpela pilai gen na winim Roosters.

Dispela i soim olsem Brothers bai, putim kamap wankain pilai gen long winim Panthers long dispela wiken, bikos long Ista wiken i no bin pilai wanpela gem, na ol i redi stret long dispela wiken gem wantaim Norths.

Norths i mas trening moa long dispela wik long winim dispela gem sapos ol i laikim i stap insait tu long gren fainal.

Nau yet ol i mas winim dispela gem long kisim sampela mak long i stap insait tu long gren fainal bilong 1991 pri sisen resis.

Olpela rep pilaia bilong Hailans Son, Yawing Joseph bai i gat planti stail na strong long bringim ol lain manki long Forestri Koles i go insait long gren fainal.

Long Ista wiken ol gem i no bin kamap bikos ol eksekutiv bilong Wau/Bulolo Lig i gat liklik hevi i stap. Na tu insait long olgeta yia, Wau/Bulolo Lig i no save putim wanpela gem long kain taim olsem.

## Morobe Kantri Lig bungim hevi yet

SAMUEL YAKAM i raitim

MOROBÉ Kantri Lig i no bin putim kamap wanpela gem long Fraide long Easter Wiken long makim ol pilaia long Noten Son, bikos i gat sampela ol liklik hevi i stap yet.

Nau yet ol bai putim kamap dispela gem namel long probables na possibles long dispela wiken long makim ol pilaia.

Presiden Miringke i tok ol selekta i bilip olsem bikpela salens tru bai i kamap long tupela tim wantaim long makim fainal tim long kisim nem bilong Morobe Lig long Noten Son sempionsip.

Nau yet ol eksekutiv bilong Morobe Lig i tok ol mas makim ol dispela pilaia hariap, bikos ol i laikim planti pilaia bilong ol mas i stap tu long Noten Son sait long pilai long son sempionsip. Mista Miringke i tok las yia tupela rep bilong Morobe Kantri Lig tasol i bin i stap long pilai aninit long Noten Son sait.

Bihain olupela rep bilong Hailans Son Richard Gebob tasol i bin kamap long pilai aninit long Noten Son. Nau yet Miringke i tok

em i no laik wankain samting bai i kamap gen long ol pilaia bilong em.

Bikpela tingting i stap long Presiden Miringke na ol lain eksekutiv bilong em long planti ol pilaia bilong Morobe Lig mas i stap insait tu long Noten Son sait, na bihain wanpela o tupela mas i stap pilai long Papua Niugini Kumul tim.

Long dispela wiken tupela tim ya bai i putim kamap strongpela gem long makim fainal tim long kisim nem bilong Morobe Lig long pilai long Noten Son sempionsip.

Wanpela bikpela hevi i bin stap yet long Morobe Lig bikos olgeta taim ol i bin putim kamap gem long Sande tasol. Mista

Miringke i tok kain wanpela de tasol na i no gat inap taim long promotim ragbi lig long Morobe.

Kain pasin ya i bin stap yet na nau long dispela wiken olgeta pasin ya bai i senis. Pasin i bin kamap bikos planti pilaia i no save kamap long gem long mekim sampela

wok bilong ol yet.

Presiden Miringke i tok stat long dispela wiken olgeta gem bilong anda 17 na anda 19 bai i kamap long Sarere, na bilong A risev na A gret bai i kamap long Sande.

Ol pilaia i mas lainim long bihainim lo bilong ragbi lig na husat i no bihainim dispela lo bai bungim sampela kain lo bilong lig eksekutiv.

Mista Miringke i tok nau yet em bai i no inap harim toktok bilong ol pilaia husat i no kamap long pilai long Sarere.



7 asait eksen bilong Ista wiken long Mosbi namel long Tarangau na Kone Tigers. Tarangau i winim dispela gem. Poto Ivan Bayagau.



• Gren fainal bilong Yahemoto Viles kompetisen insait lona Isten Hailans provins. Tupela tim husat i pilai long gren fainal em Hogi Spiders na Aka Brothers. Spiders i winim dispela gren fainal 14-12. Poto Sape Metta.

## West winim 7 asait tonamen wantaim K1,500 prais mani

LEO WAFIWA i raitim

SPIT bilong West i helpim em long winim SHRM Mosbi 7 asait tonamen long Ista wiken wantaim K1,500 prais mani.

West i autim stret Waliya 32-16 long winim dispela prais.

Oi pilai husat i go pas na helpim West long winim dispela prais mani em Joshua Kouoru, Michael Toivita na Rueben Pokanau. Oi i bagarapim stret sindaun bilong Waliya long winim dispela tonamen.

Waliya i bin kamapim gutpela stail bilong pilai long dispela resis. Tasol spit bilong oi i no inap long West. Oi i kisim K750 prais mani bilong winim rana ap posisen.

Long Plet seksen em Difens i winim K500, na rana apa Hawks i winim K250.

Dispela tonamen i bin kamap gut we olgeta tim i kamap. Kone Tigers tasol i no bin pilai. Kone i no redim wanpela tim long dispela 7 asait tonamen.

Fainals i bin kamap long Sande we West i soim olsem em i gat moa pawa long Waliya.

Oi i holim gut bal na pasim stret long oi pilai we oi Waliya pilai i no inap long holim oi. Wan wan taim Waliya wantaim go pas bilong kepten Sawi Kaeta i bringim pilai i go klostu lonmg trai lain bilong West.

Tasol West i sanapim strongpela banis tru.

Bihain long 10-pela minit bilong namba wan hap, Waliya i kisim gutpela skul long kosa Steve Malum, tasol dispela i no kamapim senis long pilai. Kepten Kaeta i lusim planti bal tumas tu long fil.

Dispela i helpim West long kisim bal ba skruim skoa i go moa.

Tupela man bilong kikim gol bilong West, Tuksy Karu na Michael Toivita i kisim planti gutpela kik bilong gol.

West i winim sans long go insait long gren fainal bihain long em i autim Tarangau.

## Panthers i mas painim nupela gutpela fulbek egensim Tarangau

MOSBI RIPOT

PETER MIVA i raitim

STAR Paga Panthers fulbek, Paul Nelson bai i stap arere na lukluk tasol long gem inap long tupela mun, bikos em i kisim bikipela bagarap long bodi bilong em bipo long Ista wiken gem egensim Brothers.

Nau yet Panthers i mas painim wanpela gutpela fulbek long lukautim pilai long fulbek posisen egensim Tarangau long dispela

Sande. Nelson i kisim bikipela pen tru taim em i bin brukim skru bilong em bipo long Ista resis wantaim Brothers.

Ragbi Lig Nius (RLN) i no painimaut yet long wanem hap stret bilong skru i bruk, tasol kosa bilong Panthers, John Harangu i

bilip olsem em (Nelson) i mas kisim taim

long lep leg bilong em. Oi opisal bilong Paga i tingting planti long namba wan taim, bikos oi i ting olsem Nelson i kisim bikipela bagarap

tru, na bai i no inap pilai moa long 1991-sisen. Bikos Nelson em i wanpela bilong oi namba wan pilai bilong Paga Panthers.

Nau yet Harangu i amamas bikos em i sekim pinis olsem Nelson i wokabout wantaim stik arere long fil, tasol em (Nelson) bai i kisim fil bilong pilai long tupela mun taim.

Bikipela wok nau i stap long han bilong Harangu long painim wanpela gutpela pilai long pilai long futbek posisen inap leg bilong Nelson i orait.

Long dispela wiken Paga Panthers bai i salensim strongpela Farstar Tarangau tm long traim kisim tupela poin long Mosbi Winfield Lig resis.

Nau yet tingting bilong Harangu i pas long oi yangpela pilai olsem Thomas Toivita. Misalom Wai na oi arapela junia pilai long putim strongpela banis egensim Tarangau long skoa.

Harangu bai i lukluk long olgeta pilai insait long tim, na tu oi i mas stretim long sanapim strongpela banis



• Oi DCA pilai laik takolim Brian Singut bilong Paga Panthers long bikipela gem bilong wik bipo long Ista wiken. Paga i winim dispela gem. Poto Ivan Bayagau.

# Spiders laik rausim olupela tingting egensim Defence

**LAE RIPOT**

MALUM NALU I raitim



LAE Biscuit Spiders bai I rausim olupela tingting bilong ol sapota, bikos nau yet ol bai i putim kamap strongpela gem egensim BP Defence. Tupela bai i bung long bikpela namba wan sisen propa gem bilong Winfield Lig long dispela Sande.

Defence i bin winim Spiders tripela taim pinis. Namba wan win i bin kamap long gren fainal bilong las

ya we skoa i sanap 9-8. Na long pri sisen resis bilong dispela sisen Defence i win gen 28- 24 . Namba tri win i bin kamap long Ista salens we Difens i win 34- 28.

Olsem na nau yet ol Spiders i mas soim stret olsem kain tingting bilong ol sapota na ol opisal olsem Defence bai nekim ol yet i rong. Olsem na Defence i mas redi long sanapim strongpela banis long stapim Defence i putim moa trai.

Spiders i mas stretim olgeta sik bilong pilai nabaut long fil bipo ol i ken putim strongpela gem long winim Defence.

Nau yet ol Spiders i gat kain pilaia olsem Jacob Danny, Mile Sine, Charlie Ree,

John Bob, Krilio Joe, na Avili Bino i stap long strongim banis bilong Spiders.

Charlie Ree i bin soim gutpela gem egensim ol arapela tim pinis. Na dispela i soim olsem ol bai winim dispela gem long Sande sapos Defence i krangki liklik long trai lain bilong ol.

Long narapela sait tu em Defence i gat planti ol gutpela pilaia long olgeta posisen.

Ol kain pilaia olsem John Piel, John Wal na Tama Hexakie bai i bosim fran lain, na Peter Yaibela, Hubert Pego, Dilomo Moi na Stanley Walter bai i lukautim beklain bilong Defence.

Nau yet planti tingting bai i stap long Spiders long lukluk gut long ol dispela pilaia ya.

Ol soldia bilong Igam Bareks bai i soim olsem ol i strong moa yet long

Spiders long dispela Sande.

Long ol arapela gem Panthers bai i soim olgeta strong bilong ol long winim Royals, na Brothers bai i putim kamap wankain strongpela pilai long winim Tarangau.

Ol arapela strongpela sinla gret gen: long Sarere bai i kamap namel long Wopa Tigers na Magani. I gat bikpela bilip olsem Tigers bai putim kamap strongpela pilai long winim Magani.

Nau yet long dispela wiken ol sapota bilong ragbi lig long Lae bai i lukim namba wan raun blong sisen propa bilong Lae Winfield Lig resis i kik op.


Tasol wanpela hevi likliki bin kamap bikos planti gutpela pilaia bai i no inap long pilaim namba wan gem bilong 1991 sisen proa resis. Dispela em long wanem planti i bin kisim bagarap long 4-pela Ista Salens resis.

• Difens pilaia i mas wanpela strongpela man stret na Kone Tigers pilaia (Namba 4) long graun i traim hat long takolim em. Kone Tigers i strong na winim dispela gem. Poto Ivan Bayagau.

# Winfield League '91



# Yu laikim seving bilong yu i go antap hariap?



Opim akaun bilong yu na winim spes bilong narapela Bonusaver Laki Dro.

- Bonusaver Laki Dro i save kamap long olgeta tripela mun - na seving bilong yu inap go antap hariap tru!
- Long winim spes, putim K100 i stap long Bonusaver akaun bilong yu wanela mun pastaim long olgeta Dro.

- Long olgeta tripela mun, interes mani bai go long Bonusaver akaun bilong yu (olsem na yu bai kisim moa mani).
- Opim Bonusaver akaun wantaim K10. Na mipela bai rausim tasol mani long pe bilong yu. Olsem na yu bai i no inap hatwok long sevim mani.

The more you save, the more you can win

Save K100 - K199	WIN K100 (4 prizes)
Save K200 - K299	WIN K200 (3 prizes)
Save K300 - K399	WIN K300 (2 prizes)
Save K400 and above	WIN K400 (1 prize)





# FRIDAY

OL WESPAC I TAKOLIM EM... HARIAP TRU REBO I GO NA SETIM-AP OL MANGI...



EM KISIM BAL NA TROMOI I GO LONG NAMBA 8 BILONG EM...



JOE KISIM BAL NA SALIM I GO LONG SAM... SAM KISIM BAL NA BRUKIM I GO...




NAU OL WESPAC TAKOLIM SAM... TASOL HARIAP TRU EM SALIM I GO LONG REBO...



KLOSTU LONG TRAI LAIN NA REBO I TAITIM OLGETA BUN BILONG EM... OL WESPAC I TRAI HAT LONG RAUSIM EM.



TASOL REBO I WIN MOA YET... LIKLIK SPES TASOL NA EM PUTIM TRAI...



## OL SAVEMAN BILONG BISNIS YUSIM OL!

**Lister**

LT1 5 KVA  
 • TOTALLY PORTABLE ENERGY SOURCE  
 • IDEAL UNIT FOR VILLAGE LOCATIONS

TS2 8.5 KVA  
 • 3 PHASE OR SINGLE PHASE POWER  
 • COMPACT AND EFFICIENT




HR3 26.25 KVA  
 • IDEAL COMMERCIAL BACKUP SYSTEM

CS6 58 KVA  
 • INDUSTRIAL CAPACITY  
 • WILL HANDLE MAXIMUM DEMAND FOR POWER ANYTIME

**Brian Bell Stores**

- BOROKO — 25 5411
- LAE — 42 3477
- GOROKA — 42 1098
- MT. HAGEN — 52 1999
- RABAU — 92 1966

# Phantom



# Flash Gordon



# MOUSEY MOUSEY



**GO WANTAIM**



**Twisties**

yu inap

**WIN**  
na go long

**GREIN FAINAL**  
long **SIDNI!**

**WINIM**  
**5-PELA TRIP**  
**BILONG TUPELA MAN!**  
**80 ARAPELA DRO PRAIS**  
**LONG OLGETA MUN!**  
• BMX BIKE  
• WALKMANS  
• T-SHIRT NA KEP!



Raitim nem na atres bilong yu long pepa bilong resis na pullimapim insait long wan wan emti Twisties paket wantaim na putim long ENTRI BOKIS long stoa! Em isi tru!

**PEPA BILONG**  
**RESIS I STAP**  
**NAU LONG OL STOA!**

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.